



8

7-C
/41



Ex Bibliotheca
jori Coll. Rom.
Societ. Jesu

80-C-51

12.6.6.

80

G.

62

~~80-C-51~~
8-7. C. 141.

VERIDICVS
BELGICVS.

QVEM AVCTOR P. Carolus
scribamus Soc. J.

AVXIT, RECENSUIT:

E. BELGICO


LATINVM REDDIDIT

A N. D R



Accessit APOCALYPSIS BATAVICA,
item auctior, emendatio.

Coll. Am.
Cat.



Lee. J. J. J.
J. J. J.



Anno partæ salutis M. DC. XXVI.

THE NEW YORK PUBLIC LIBRARY

ASTEN LENOX TILDEN FOUNDATION

1895

1895

1895

1895

1895

1895

1895

1895

INCIDIT non ita pridem in manus meas, institutum inter duos Hispanos Nobiles, Pelagium & Bonauenturam, de rebus Belgicis, Belgico redditum sermone, Colloquium, nec non antè paulò APOCALYPSIS BATAVICA. Inspexi, legi; &, quia perplacebant, relegi, pretiūque operæ facturum me censui, si Hispanos illos Latinè loquentes inducerem; ut, quæ tum ipsi, tum Apocalypsis illa, reuelant mysteria, etiam exteris innotescant, quibus hac interpretatione mea non mediocriter me gratificaturum confido. Vale & frueri.



PELAGIVS.



VMMVM mihi, iam abhinc biennio & ampliùs, fuit tecum, clarissime Bonauentura, coràm agendi desiderium, ut quæ ad bellum resque Belgicas attinent, amice ac sincerè me edoceres: scio namque, à

nemine mihi aut fidelius, aut certius, tum quæ iam autè toto Belgici belli tempore contingere, tum quæ adhuc futura imminet & expectantur, posse enarrari. etenim & ætas tua grauior, utpote iam annos octoginta transgressa, & summa rei bellicæ peritia atque experientia; mihi irrefragabilis instructoris instar futura sunt. Quis enim te potius, quoad omnes euentus & successus id ipsum præstet; utpote qui vnà cum Duce Albano ad bellum Belgicum ex Hispania profectus es, & annis plus quinquaginta, varijs muneribus bellicis cum laude defunctus, arma tractasti?

BONAVENTURA.

Hanc mihi voto desiderioque tuo usquequaque satisfaciendi occasionem oblatam, non minùs sanè gaudeo, quàm ipse posses. etenim volupe mihi & honori futurum est, ad singula interrogata respondere; cum fide tamen, quantum in me erit; adeò ut nec gentis nostræ negligentiam propugnaturus, nec hostis generositati, & industriæ vel in minimo sim derogaturus. hoc quippe canos & annos dedecet meos; cum præter sempiternam apud Deum mercedem aliud mihi iam in vita expectandum non restet, nullumque, illo vno excepto, à cuius benignis manibus vita mea omnis dependet, me timere oporteat.

PELAG. Non possum non ingentes de insigni

signi hoc tuo in me affectu tibi gratias agere. Vides namque ætatis meæ imperitiam, vt qui quartum & vigesimum necdum transgressus sum annum: aueo proinde, quàm fieri potest breuissimè, res Belgicas per te edoceri, vt, si fieri queat, vel horæ spatio ediscam, quod ipse vix quinquaginta annorum vsu edidicisti. Et, ne te verbis frustra eis æquo diutiùs morer, scire ex te ante omnia velim, in quo potissimùm Dux Albanus deliquerit.

BONAVENT. Paucis verbis, multa à me tibi petis declarari: & quis ego, qui magni illius Ducis gesta factaque fugillem, aut eius errores alijs diuulgem? imò quis, eius loco si fuisset, in terra ignota non turpiùs impegisset? quis, vnde quaque ab hoste cinctus & pressus, semper ita sibi in omnibus fuisset præsens & circumspectus, vt non aliquando cespitallet, etiam cecidisset, aut à debito rationis tramite deflexisset?

PELAG. Non est quod timeas: solus hîc mecum es; abest hostis & æmulus, ac delator hîc nullus: ad postulata ergo mea respondeas, dubiaque mea dissoluas, obsecro.

BONAVENT. Nullatenus id tibi negare possum, imò nec aliud quidquam: dicam ergo de illo apertè, quod sentio, sine vllò, ne quis dicta carpat, obeaque diem mihi dicat, metu. Semper ergo mihi Dux ille visus est errasse

Primò, in Belgicarum conditionum ac pro-

pensionum ignorantia; quæ non paucorum, & quidem grauissimorum, plerumque esse solet errorum mater.

Secundò, in morum asperitate & duritie, quæ apud Hispanos fortasse non displicuisset, apud Belgas non item. Tot annorum namque usu experientiaque comperi, Belgas moderatam quamdam in rectoribus suis ac Dominis requirere affabilitatem, præuenientem seseque vtrò offerentem benignitatem, facilem & beneuolum, atque ab omni verborum, animi, vultusque asperitate & acerbitate quàm remotissimum accessum. Non ducuntur nimiam illam Germanorum, qualis patres decet, grauitate; vti nec nimiam illam Gallorum, quæ matrum est, affectus profusione: verum moderato quodam & amabili affectu ac beneuolentia, qui nec effundat se nimium, nec subducatur quasi videri fugiens, latere gaudens. In quo, meam quidem sententiam, Dux errauit, dum prouincias has eodem prorsus, quo barbaros Indos bello subactos, & in seruitutem natos, modo regere voluit. Qui sanè, non minimus eius fuit error: cum nullam orbe toto reperire gentem sit, minus seruitutis patientem, quàm Belgas; utpote quibus omnibus innatum est, vitam intolerabili huic dominatui posthabere, & mori malle, quàm foedè & turpiter cuiuspiam famulari.

Tertiò, in diffidentia de Belgis, quæ in ijs vicissim

ciffim nouam de ipfo Duce diffidentiam gignebat. Hinc finiftræ vtrimque pullulabant fufpiciones, hinc alter metuebat alterũ, hinc quoque mira animorum alienatio, & indiscreta nafcebatur æmulatio, quæ omnia tum verba, tum facta quàm potest peffimè interpretari, bonamq; intentionem in deteriore commutare gaudet. Vbi tabes hæc femel occupare animum cœpit, vix ei peritiffimi medici medelam adferant: poftquam enim diffidentia in hominũ animo femel dominari, & in intimis eius fibrif radices agere cœpit, vix eas quis, nifi fimul & vitam & animam, euellat. Quidquid enim promiferis, quidquid donorum æmulo contuleris, imò effuderis, finiftri quid moliri velle iudicaris; quoque fe affectus ampliùs & cordialiùs effundit, eo etiam magis increfcit fufpicio, vtpote femper verita, ne quis fub fpeciofo hoc velamine lateat dolus, ne quod pretiofis hifce lancibus, & fapidis edulijs immixtum fit toxicum & aconitum. adeò quidem, vt plerumque non aliter hæc exui ac feponi poffit diffidentia, quàm vel infigni aliqua partis alterutrius oppreffione, vel vniuerfali exterminio & interneccione, vel denique probrofa ab armis ceffatione, aut pace fatis infami.

Quartò, in nimia de fe ipfo fiducia: quòd videlicet nihil vſq; adeò putaret arduum ac difficile, quod non fe vel ingenij fui acumine ac

sagacitate, vel armis suis victricibus, felicem ad exitum speraret posse conducere: cùm tamen constans ea sit apud omnes orbe toto sapientes viros opinio, nomen sapientis non mereri, quisquis suis in rebus vno sui ipsius nititur iudicio, nec alienum dignatur inquirere.

Quintò, in hostium suorum contemptu & despicientia: atque hæc, vnica ipsorum corroborationis & incrementi fuit causa. Ac velut, dum quis paruum quoddam in corpore vulnus, exiguum initio morbum, pauculas in domo sua scintillas loco indebito ignientes negligit; valetudinem, vitam, & fortunas denique suas omnes extremum in discrimen conijcit: sic se periculo apertissimo exponit is, suum qui hostem ob paruitatem despicit, eumque inter ea per otium increfcere finit, vsque dum numero & viribus cum contemnente conferri & pariri queat. Sapientis ducis non est, hostem non curare, aut despiciere. etenim ecquæ bonorum iactura, honoris amissio, castrorum, agrorum, prouinciarum, regnorum euerfio ex hostium secuta sint contemptu & vilipendio, omnium gentium tum veteres, tum recentiores historiæ satis loquuntur.

Sextò, in prouinciæ & locorum illius ignorantia. Taceo hîc autem, quàm irreparabile, varias apud gentes (vti domesticæ illarum produnt historiæ) sit è regionis, terræ, locorumque pa-

patriorum ignoratione damnum consecutum, sempiterna plurimorum illustrium ac magnorum Imperatorum cum infamia ac probro. Iam liquet, nihil vsque eò Duci nostro nocuisse, quàm ciuitatum & arcium Hollandicarum ac Zelandicarum situm, oportunitatem, munitiorem, robora, nesciuisse. Si enim sub aduentus sui initium, cùm primum hostium impetum feliciter satis copijs suis fregisset, primarias tam Hollandiæ, quàm Zelandiæ, vrbes maritimas inuasisset; facili negotio vniuersas hæc prouincias ad obedientiam reduxisset, earumque mansisset dominus, & anno vix vno res omnis, nemine obicere se vel audēte, vel valente, fuisset confecta, & prorsus debellatum. A quinque, aut summum sex, ciuitatibus vniuersa ea res dependebat; quibus ille occupatis, aut certè retentis, Hollandiam & Zelandiam, quæ leonis Belgici velut frænum sunt ac ferreum vinculum, æternum Regi parentem atque obsequentem reddidisset.

Septimò, in arrogancia & superbia, vtpotè qui fusilem ex ære sibi Antuerpiæ statuam velut victoriarum testem ac monumentum, erigi iussit. Hæc lapis fuit, ad quem omnes vicinæ prouinciæ pedem offenderunt.

PELAG. Volupe sanè mihi est, vniuersa hæc ita singillatim ex te audire. non possum autem in tam illustri Imperatore ac Duce, post tantam

A 5

armo-

armorum scientiam, quam sub CAROLO V. Cæsare sibi parare potuit, hæc non summo opere mirari.

BONAVENT. Verè ita de eo sentis: certum est enim Albanum primis, quos sæculum præsens habuit, ducibus & Imperatoribus, si non præstitisse & præcelluisse, comparari tamen posse & conferri. Habuit enim virtutes duci necessarias, non paucas, &

Primò, armorum scientiam & peritiam incomparabilem, ut qui sub summo Imperatore CAROLO V. varijs in prouincijs, nusquam non se virum ostendit.

Secundò, in omnibus expeditionibus erat interritus, immobilis & constans; in audacia autem prudens. nihil iuris umquam hosti in suos & castra sua concessit; nihil quoque inconsultò, temere, aut è leuitate quadam est aggressus; numquam denique sese aduersario nudum ac feriendum præbuit.

Tertiò, etiam hoste procul agente, castra, prisceorum Romanorum ritu, semper vallis & aggeribus communita vndique, nec non rebus omnibus necessarijs instructissima habebat, nihil omittens quod quomodocumque vsui esse posset. in illis verò dissoluendis mirè erat circumspectus, loca omnia ad quæ profecturus erat, nec non vicina opida & pagos, per exploratores antè perspecta habens. Eandem & in
castris

castris locandis adhibebat prudentiam, cum quæ ad suorum tum tutelam, tum alimoniam oportuna erant, semper loca deligeret.

Quartò, disciplinæ militaris diligentissimus erat obseruator: quam apud eum si quis infregisset, impune non habebat, & qui vel pullum à rustico sustulisset, mox furtum luebat. Hinc fiebat, vt necessariorum nihil vnquam ei in castris deesset, & illo cum copijs transcurrente, rusticorum nullus, maleficio veritus, fuga sibi ac rebus suis consuleret; imò in felicitatis parte non parua ponerent, illius copias apud se habere; quòd magno cum compendio, at paruo cum labore, ijs diuenderent, quæ, non nisi magna cum difficultate, ad vrbes vicinas vendenda conuehere solerent.

Quintò, in suis ad altiora munia euehendis non tam generis nobilitatem ac splendorem, aut commendantium amicorum merita interuentionemque, quàm vnicam spectabat virtutem, & cuiusque promerita; etiam infimos quoque, & genere obscurissimos, ad Centurionum, Chiliarcharum, Legatorum castrensium (quos vulgò *Maestros del campo* vocitamus) dignitatem euehere solitus, cum eam virtute & fortitudine iam commeruissent. Addebat hoc animum militi, cum videret etiam sibi ignobili & gregario, per virtutem & robur, aditum ad eminentissima in castris munia patere, seque pro

vir-

virtute præmiandum; atque adeò in oculis se certare eius, qui nullum facinus abire sinebat irremuneratum. Hinc nata, hæc illius axiomata & apophthegmata: Si, vt oportet, castigaris delinquentem, præmio affeceris bene meritum; fortissimis castra tua viris redundabunt. Rusticis, etiam in hostili agro, si parcas, semper tuis de commeatu abunde erit prospectum. Menstrua militi si numeres stipendia, in omnibus eum habebis obsequentissimum; nec vsquam ei tunc parce delinquenti. at castigare, & quod debes non exsoluere, nec remunerari, non hominum est, sed belluinum & barbarum.

Sextò, ad dona omnia corruptelasque munerum erat inuictissimus, multò minùs cedens auro, quàm marinis fluctibus cautes, atque ab omni eius acceptione quàm remotissimus, imò & omnium munera accipientium hostisiuratus: hinc suo eos arcebat cõtubernio, quos illis norat illaqueari solitos. Regi quoque suo fidelem vbique præstabat operam, nusquam sibi in eius causa parcens.

Septimò, consilia sua & cogitata mentis tam alto premebat silentio, vt sæpè antè res confecta appareret, quàm cœpta aut incipienda sciretur. Vidisses in viro cogitationes profundas, verba rarissima, & mirā in omnibus sibi fideique suæ concreditæ taciturnitatem & silentium, vt subinde nec bellico imperio, nec

Re-

Regum consilijs, nec rerum magnarum executioni. cum diceret admouendum, qui linguæ nesciret imperare. adhæc numquam ignoscendum in viris delictum esse, tacere non posse; ad omnia eum munia, & præsertim castrensia, ineptum censens, qui linguam non posset moderari. Hæ sunt primariæ, quas in ipso notavi, virtutes, quas ea quæ commemoravi vitia non nihil inobscurant, ne dicam imminuunt. Sed noris oportet, vix vllum iam inde ab orbe condito, quantumuis magnum, ducem fuisse, in quo non semper ij quibuscum egit, aliqua desiderarint, & non paucos, magnas inter virtutes, defectus obseruarint.

PELAG. Summopere gaudeo hæc ex te audiisse, quæ mihi suo tempore etiam vsui futura sunt, vt horum quædam imitari, alia studeant euitare. Porro, quid de Magno Commendatore Ludouico Requesencio tibi videtur?

BONAVENT. De hoc, quod quàm breuissimo tempore summæ rerum præfuerit, pauca dicenda sunt: hunc tamen omnes passim, vt virum bonum, Dei timentem, atque in omnibus sincerè sine fuco & vlllo humano respectu procedentem suspexere. Quod enim animo sentiebat, hoc lingua promebat: neminem quoque circumueniebat, sed aiens aiebat, negans negabat. Omnium adhæc virtutum cultor erat ac fautor; supra modum affabilis, nulli loquenti aurem

aurem non accommodans, & ad audita quàm humanissimè respondens, bonis item desiderijs plenus. Qui si maiorem in aduersis cōstantiam, & infractum animi robur, æmulorum quoque, detractorum, ac maleuolorum, qui illum cū in Hispania apud Regem, tum in hisce imperio suo concreditis prouincijs malignè traducere satagebant, contemptum maiorem prætulisset; nã ille inter optimos atque illustrissimos, quos vñquam habuit Belgium, Gubernatores numerari potuisset. At præpropera & inuida Belgio mors, omnes eius præclaros conceptus & molimina præcidit ac subuertit.

PELAG. Quid autem de Ioanne Austriacenses? quod ducum, qui sub eo militarunt, de illo iudicium?

BONAVENT. Nulla dotes eius verba satis queunt exprimere: nescio enim, num magno celebrique Imperatore digna virtus, vlla ei defuerit. Animositate enim præstabat quàm qui maximè, vti & munificentia & humanitate. nulli cedebat labori; at prouidus, circūspectus, gnauus, impiger, nullius item erat occasionis negligens, at in omnem excubans; consiliorum quoq; deliberatorumq; seruantissimus, in promissis fidus, eloquentia præstans, ingenio simul & memoriâ magnus (quæ duo rarò in vno simul reperias) in expeditionibus suscipiendis fortunatus; consulta antè, quàm executioni

man-

mandaret, maturè examinans, & omnem in partem versans; in illis autem peragendis fortis, & infractus. Consulentes alios haud inuitus audiebat, alienumque consilium melius, suo postposito, sequi non pudebat. Militem fortem non secùs ac fratrem complectebatur: hinc nulla eius benefacta indotata sinebat. disciplinam autem militarem legesque castrenses exactissimè seruabat, benemeritos præmians, & in delinquentes animaduertens; ita vt sub illo nec virtus vlla indonata, nec crimen esset impune. In bellis denique indefessus erat & martialis, at extra arma placidus, & in contubernio iouialis.

Nihil autem in eo culpandum inuenio, quàm quòd, dum primùm Belgij gubernacula capessit, Pacificationi Gandensi subscripsit, ab Ecclesiasticis quibusdam viris ad illi subscribendum inductus. Factum hinc, vt, fortissimo milite aliorum iam ablegato, nudum se & inermem armatis hostibus exposuerit. In quo cum non multò post se peccasse videret, Bruxellâ & Mechliniâ fugere coactus, quò vitæ confu-
leret, insigni astu & arte, per speciem instituen-
dæ venationis egressus, in Namurcensem arcem, vnicum vitæ tuendæ præsidium, sese subduxit, & amandatū extra Belgium militem reuocare compulsus fuit. Video cum præterea, ob confictam ab æmulis calumniam, qua apud Regem
fratrem

fratrem tamquam Belgico inhians imperio in-
simulabatur, plus æquo animum deiecisse. quã
cùm nonnullos, ad sinistrè de eo sentiendum,
inductos vidisset, in morbum, præ mœrere sen-
sim contabescens, incidit; à quo etiam, haud
multò pòst, incredibili & irreparabili orbis
Christiani cum damno, in florenti ætate, ex hac
vita sublatus est.

PELAG. Inauditum id hæctenus mihi fuit;
gaudeo proinde rei veritatem ex te, simul &
magni huius Imperatoris virtutes ac dotes au-
diuisse; adhæc, quàm pestilentes & noxij in
Regum ac Principum aulis sint detractores, &
alienæ virtutis & gloriæ corrosores; quàm de-
nique, apud nullum non Principem, sit vel nu-
dum arrogati imperij nomen odiosum, & va-
riarum suspicionum seminarium; atque adeò
nullum cuiuspiam oculum tam ad rei deforis
accidentis contactum indolere, seseque con-
trahere, quàm cor Regis ad minimam regni ab
alio inuadendi suspensionē. hæc etenim, vtcum-
que parua, vtcumque cassa & falsa, semper ali-
quam in eo diffidentiam generat, & plagam in-
fert. è qua mox innumera sequuntur mala, quæ
extremam florentissimis etiam regnis perniciē
attulerunt. At quid de Duce Parmensi, qui po-
tissimam Belgij partem Regis ad imperium re-
duxit, & sub quo varijs ipse muneribus castren-
sibus perfunctus es, sentis?

BONA-

BONAVENT. Multum Parmensi debere me fateor, non tam ob accepta ab eo beneficia, quàm ob insignes & heroicas quæ in eo eluxere virtutes; tum verò ob eam, quæ illius operâ & industriâ, Regis nostri imperio facta est, nemini non notissimam, accessionem: vt primarijs qui orbe toto, & omni ætate fuere, ducibus meritò eum censeam annumerandum & comparandum; præsertim, si locorum Belgicorum, illo gubernacula capeffente, statum, munitiorem, hostium multitudinem; Regum, Principum, ac Rerum publicarum exterarum auxilia, qui hostem tum milite, tum auro identidē clam & aperte iuuabant, consideremus, & quòd in Belgium primùm veniens, præter Luxemburgensem & Namurcensem agros, vix locum haberet, cui tutò militem concrederet. Prætereo, vno cum tēpore iussu à Rege fuisse, in Gallia simul & Belgio bellum gerere; & non rarò tãto rei nummariæ cum defectu, vt vix quisquam credat, nec solùm annuos suos prouentus soluendo militi infumpserit, verùm & paternas possessiones, ære alieno intolerabili grauatas ad filium transmiserit. Illustria illius facinora orbi quâ patet notiora sunt, quàm vt referri conscribiq̃ue opus habeant.

Nihil in eo desiderasses, quod in magno illustriq̃ue Imperatore quis requirat. In pect̃e omnibus namque expeditionibus fuit felix, mu-

B

nifi-

nificus in obuios, humanus etiam in minimos, prudens, sagax, sollers, & placidus quàm qui maximè; ad clementiam propensus, in periculis intrepidus, in quæ tamen nec se, nec suos, temerè & inconsultò conijciebat; in omnibus agendis cautus ac circumspectus, exigente necessitate interritus & infractus. in cunctis operibus, in mensa, aula, supellectile, familia, comitibus, regiam magnificentiam ac generositatem spirabat. nullum seum fatigabat labor, nulla deiiciebant pericula. vidisses in aduersis patientem & sperantem meliora, in bonorum iactura constantem, & velut sensus expertem. De generositate quid dicam? vt etiam mortui iam proximus, imò mortuo quàm viuo similior, nouam in Gallos expeditionem Rege iubente moturus, equum conscenderit. Demum in omnibus suis consilijs, iam antè maturè excussis, exequendis fuit immobilis, in omni verò conuersatione subtiliter acuteque inuentis insignis; nullum denique nationum agnoscebat discrimen. Inter hæc tamen, fuere nonnulli, qui suæ gentis hominibus plus nimio eum credidisse censeant, & ob falsas de luxata nonnihil illius in Regem suum fide, in Hispaniam missas delationes & calumnias, plus quàm par erat se se deiecisse; atque hinc eum, contractâ tabe, mortem sibi accelerasse, communis multorum est opinio.

PELAG. Recreant hæc me, & in magni huius Alexandri virtutum gestorumque admirationem rapiunt; simul & stomachum mihi movent, cum tantum virulentis illis ac perfidis suffuronibus, in inuidios illos Heroas, quos nulla frangere, aut de statu mentis deiicere potuerunt arma, nec vis hostilis, iurisse video. At Archiducem ERNESTVM quem fuisse dicis?

BONAVENT. Meritò hîc cum Poëta exclamê:

*Ostendent terris hunc tantum fata, neq, ultra
Esse sinent.*

Heu pietas, heu prisca fides!

Indignæ sanè provinciæ Belgicæ fuisse videntur, quæ tanto bono ac viro diutius fruerentur. Erat enim in moribus maturus, in consilijs solidus, in verbis & operibus serius, in promissis fidus; virtutum omnium, & pietatis in primis, cultor, orationi mirè deditus, vitæ integer, ab omni mulierum familiaritate alienus; in verbis brevis quidem, sed profundus; iuratus mendacij hostis, adulatores, suffrones & detractores cane peius & angue detestans; diuinissimi Altaris Sacramenti cultor & venerator assiduus; in clientes, fidos tamē & probatos, effusus & propè prodigus, nullum obsequium virtutemque indonatum passus; in pacem denique quam bellum propensior, hoc tamen non minus sedulò curabat atque illam. Multa quidem ad Belgij bonum salutemque spectantia exequi

decreuerat vtiliter ; sed, dum commodam ad eadem efficienda oportunitatem præstolatur, Deus cum è vitæ statione euocans, bene cœpta abruptit, vt ei pro virtutum merito coronam, ac beatæ æternitatis lauream apud superos pararet, illius in locum ALBERTVM Magnum, qui post Fontanum Comitē res Belgicas, primò vt alienas, dein vt proprias, curaret ac regeret, succēcturus.

PELAG. Deplorandum sanè ac miserum, magna non diu stare, sed ilicò intercidere; quasi si magnitudo & diuturnitas simul stabulare & agere nescirent. De Fontano ergo Comite ecquid videtur?

BONAVENT. Fuit is haud dubiè inter omnes Principes & Magnates longè felicissimus: breue namque imperium bene gestum, omnes bene de eo sentire fecit. Generosus erat vt pauci, & fortunatior quàm vulgò militares solent; infractus & interritus, nullas difficultatum aut discriminū remoras exhorrens, periculaq; tam intrepidè deuorans. quàm alius pultes sacharatas. alloquio accessuq; erat facilis, in alijs audiendis comis ac blandus; in tentanda fortuna effusior, quàm retractior; in aggrediendo audax, in vrgendo promouendoq; etiam audacior. Regi suo fidelem per omnia operam præstitit. In reos sine vllō personarum discrimine, pro delicti grauitate, animaduertebat, iustitiamq;

tiamque tam in castris, quàm ciuitatibus, tam domi quàm foris. exactissimè seruari volebat. quòd autem feliciter satis habenas Belgicas sic moderatus, hinc bonam apud omnes Europæos Principes de se opinionem concitauit, & optata pauculorum annorum felicitas magni illi & fortunati ducis nomen orbe toto peperit. Hæc sunt, quæ mihi in præsens de Comite illo dicenda occurrunt: credo equidem, si diutiùs imperio præfuisse, non benigniùs illi à pestilentibus æmulorum linguis futurum, quàm fuerat superioribus, & in eadem qua illi, amaritudine & luctu eum vitam terminaturum fuisse. Hæc namque ordinaria, & penè communis, omnium Rectorum & Imperatorū est merces:

PELAG. De ALBERTO Archiduce, qui per nuptias Belgicarum prouinciarum Dominus ac Princeps factus est, quid opinaris?

BONAVENT. Non sunt hæc huiusmodi, vt tribus ea verbis tibi queam exponere: qui enim Magni illius ALBERTI virtutes enarrare tentet, is maris quàm profundissimum est, fundum bolide explorare contendat; cùm nulla sit virtus, quam non in Principis illius pectore sedem sibi delegisse vidisses. Etenim singularis illius erat castimonia, ne vel indecentius verbum ferens; sui ac suorum omnium custos erat integerrimus, & iuratissimus omnis fœditatis hostis. Liberalitas eius, maximè in res pias & pauperes,

tanta, vt centena per annos singulos millia in illas erogaret. Piam in Deum diuinaque mentem nullus exprimat calamus, lingua nulla; quâ etiam Regibus ac Principibus omnibus vt fax præluceat: quotidie enim multas orationi horas impendebat, etiam tum cùm in castris ageret; sacrificio quoque Missæ singulis diebus intererat; cùm valetudo permittebat: adhæc Virginis-Matris cultor erat indefessus, illius nomini dicata loca & oratoria tum precibus suis, tum regijs donarijs honorans; nulla penè vt esset ædes atque altare, quam, in Matris suæ gratiam, singulari miraculorum prærogatiua honorabat Deus, quam non suis ALBERTVS muneribus honoraret. erga sanctissimum denique Eucharistiæ Sacramentum ita afficiebatur, vt, quoties illud gestans sacerdos ei per viam occurreret, semper illum, ad infimorum etiam domos, sequeretur; in quo magni illius RVDOLPHI Austriaci, qui ob delatos sacræ huic hostiæ honores, primum inclytæ & perillustri Austriacæ domus potentiæ fundamentum posuit, super quod duodecim continua serie Imperatores, vt innumeros taceam Reges ac Principes, inædificati orbem gloria & triumphis repleuerunt, exemplum est secutus.

Potest, præter hæc, non sine ratione, omnium suæ ætatis Principum sapientissimus nominari, vt qui vniuersos Consiliarios suos acumine, maturi-

turi-

tuitate, prudentia, ingenij dexteritate longo intervallo præcurreret; quæ pòst futura erant, eminus præuidens & subodorans, quin etiã necessaria, in tempore, priusquã esset seriùs, remedia obiiciens. In verbis ita erat brevis, vt tamen nec necessariorũ aliquod omitteret, nec frustra vllum proferret, vtpote sententiarum vberior quàm verborum, Memoria ita tenacis, nihil vt illum fugeret, & ad triginta, etiã quadraginta, maximi momenti postulata, eodẽ tempore proposita, singillatim eo prorsus quo petita erant ordine, nonnumquam responderit. In conferendis dignitatibus tam ciuilibus, quàm Ecclesiasticis, ad stuporem vsque prudens, &, quod rarissimum, supra modum felix. Virtutum omnium vti cultor erat, ita fuit & admirator, & quos virtute quapiam nossent eminere, eos pro ratione status euehere ante alios studebat. Iudicij adeò erat perspicacis & lyncei, vt vel semel visum hominem ita intus & in cute nossent, ac si decennium illo familiariter esset vsus. Innata ei licet esset Regia vultus & verborũ grauitas, comis tamen in primis erat & affabilis, & quos abemicante maiestate veluti sideratos & consternatos cernebat, suo ipse alloquio recreabat, ac velut sibi reddebat. In promissis erat constans, neminem fallens, nihil cuiquam quod non præstaret, addicens. Ingruente desubitò difficultate nequidquam de sede mentis mouebatur.

tur, sed quæ facere decreuerat, intrepidè perurgebat. incidentia pericula, inopinatum damnum, graues aliorum minas, & arma intentata, non secùs despectabat, quàm si leoninum illi, non hominis, cor fuisset. Nihil vt fuerit vmq̃uā, quod illum aut ab addicta fide, aut verbo dato, aut eo quod rationi foret consentaneum, dimouerit; quòd illius constantia & mens esset immobilis, & rupem quis antè, quàm ratione nitentem, illius animum, de loco mouisset. Hoc persæpè ei in maximi momenti rebus vsu venisse vidimus, quarum etiam felix & optatus fuit exitus: magis vt vno illius verbo, & nuda sponfione, quàm validissimo propugnaculo niti quis posset.

Vultus illi semper ad placidam lenitatem, ad iracundiam, feritatem aut toruitatem numquam compositus. sic & verba semper æquabilia, matura, & in rebus aliunde incidentibus lætis, tristibus, paruis iuxtà ac magnis, solita temperie referta fluebant; semper vt sui esset similis, nec verba, nec colorem subitis in casibus mutaret, vultumue contraheret, ac si prorsus sensus fuisset expers. In sermone ita sedatus apparebat & compositus, quæsi verba octiduo antè esset præmeditatus; vnde fiebat, vt & nulum proferret non necessarium, & necessario nullum prætermitteret. Omnia denique illius tum dicta, tum facta, ex arte composita di-

dixisses, quibus, nisi omnem sensum illorum peruertere velles, nihil addi, demi nihil debere videbatur.

A mendacio ita erat alienus, numquam vt illud protulisse auditus sit, & Principis esse diceret longè supra omne mendacium eminere; ipsum, euidens animi timidioris, etiam perfidi, ac fallere cupientis, (quod Principis magnitudine nimis quàm indignum est) signum esse existimans. hinc vniuersa eius verba ab omni erant mendacio futoque aliena, ac sincera, & cum eo quod pectore claudebat, mirè colludentia.

Nemo illum, aut ob prospera plus æquo gaudentem, aut ob aduersa vultu deiectionem vidit; nemo quoque vlli præterita præsentiaque exprobrantem beneficia audiuit. In morbis omnibus (quos habuit multiplices) tantam prætulit constantiam, vt supra hominem ea esse videretur: hinc eum nemo in torminibus aut cruciatibus audiuit queritantem, nec vultum vidit solito contractiorem; nemo oculos dolorem testantes, nemo frontē rugatam, nemo os contortum, nemo colorem natiuum immutatum, aut vultum præ pallore luridum conspexit, ne quidem in supremo vitæ articulo, cum iam intaminatum in summi Iudicis manus spiritum esset emissurus.

In bellis porro, media inter arma ita agebat

B 5

in-



interritus, & in castris vrbiumq; obsidijs adeò securus, tamquam si per amœnissimum domi hortum satellite multiplici cinctus obambullasset; centuplo plus animi præferens, quàm corporis vires paterentur. tam quoque intrepidus vera inter arma, eorumq; discrimina versabatur, atque aliquis domi inter picta in aulæis bella, & maris tempestates, nullum deforis casum extimescens, agit; tamquam si vitæ auctor Deus aliunde incidentium malorum eum securū esse iussisset, & ipse plures Bruxellæ in arca reclusas habuisset vitas, quas, vnâ sub armis amissâ, redux ex ordine reassumere posset. Si vidisses illum equo insidentem, de priscis aliquem heroibus (adeò scitè & decorè eum moderabatur) videre te putasses: & quia scientiarum omnium, ac Matheleos inprimis & Geometriæ, gnarus erat inter paucos, hinc munitionibus castrensibus coram inspicendis, tum veris, tum vmbriticis, summopere capiebatur. Ne verò te diutiùs verbis detineam, ita vniuersa illius vitæ ratio, ad instar horologii contemperata erat, vt etiam in cibo, potu, somno, omnibusq; homini necessarijs exercitijs, eo nemo posset esse moderatior, & magis ad normam compositus: vt omnis illius vita portentum esse potiùs, quàm hominis vita videretur; simul & omnium virtutum prototypon, ad quam non Reges solùm & Principes, sed

&

& Religiosi, qui se à rerum mundanarum turbis & strepitu Dei causâ sequestrarunt, vitam componant suam. Ita quippe seruiebat Deo & virtutibus, tamquam si non aliud tota vita fecisset; ita omnibus prouinciarum suarum commodis & necessitatibus consulebat, ac si nullis præterea rebus intendisset.

Quantus omnium sæculi huius magnitudinum atque honorum fuerit contemptor, tum liquidò testatus est, cum oblatum secundo ab Electoribus Imperium, antè quàm & frater illius MATTHIAS, & FERDINANDVS ad id assumerentur, inusitato & sæculis omnibus penè inaudito exemplo, repudiavit. Quàm enim paucos reperire est, qui oblatos sibi vel fasces, vel sceptrâ, & diademata generosè reiecerunt! quàm pauci, etiam eorum qui omnem sæculi fastum & pompam perosi, vni Deo seruire se velle aiunt, sublimiores gradus subterfugiunt, cum ad eos capeffendos, non dico compelluntur, sed tantum deliguntur aut inuitantur!

PELAG. Postrema hæc longè me, quàm priora, magis recrearunt. Sed quid tandem Belgio huic fiet? quamdiu omnes suos Rex noster thesauros illi iuuando infumet? quamdiu annuas auri messes, quas illi profert India, vni huic frustra impendet? Supra centum auri milliones bello Belgico Reges nostri insumpsere; &, cum ante bellum vix vllę in Belgica essent opes,
iam

iam passim omnes auro & argento abundant. crediderim nostris omne, quâ patet, Belgium ducatis propè posse cõsterni; & interim Hispaniâ totâ aurum & argentum exulat, illiusque in locum ærea de Belgicis cacabis procusa pecunia successit: sæpè vt mihi satius & consultius facturus Rex noster visus sit, si hæcæ prouincias repudiando desereret, quàm vniuersum thesaurum illis tam irritò euentu prodigè impenderet. Hac ille sibi pecunia vniuersæ Africæ imperium haud ægrè parasset, & varios illos per Indiam regulos Hispanico sceptro vectigales fecisset. Quod verò maximè deplorandum, nondum belli finis, nondum prouincia aliqua de hostilibus Regi accessit. hodie enim Regij urbem aliquam occupant, cras aliam rebelles, in orbem velut vices alternando; & post tot annos vix vllus, ecce, fit progressus, nulla notabilis obtinetur victoria. Nec solius Hispaniæ, sed & omnium ei subiectorum regnorum, exhauriuntur opes, incolæ, potentia, nerui; idque irritò semper conatu, & orbis totius cum explosione, cum vniuersam cum suis opibus & regnis per orbem sparsis Hispaniam, duabus tribusue prouincijs, sexaginta propè annis iugum imponere non potuisse videt.

BONAVENT. Erras, mi Pelagi, erras, & quidem grauissimè, dum Belgicas hæcæ prouincias tam parui facis. sed ignoscendus error illas

ig-

noranti. Etenim non semel, sed sæpius, non ultimos gentis nostræ proceres & nobiles, qui Belgium frequentarant, audiui, dicentes, si sibi aut Hispaniæ, aut Belgij possidendi optionem regnorum dator faceret Deus, illam huic se postposituros. Nec id tute miraberis, si vniuersum Belgicarum prouinciarum corpus iunctū consideres. Fōrs Murciæ, Valentia, Cantabriæ, Aragoniæ, aut alteri cuiquam Hispaniæ regno Belgium par existimas. Plures sanè id ambitu suo non magno vrbes elegantes, magnas & copiosas complectitur, quàm vniuersa Hispania simul & Lusitania, quàm etiam tota aut Italia, aut Gallia, aut Germania. Illius, & ciuitatum eius, ea est munitio & potentia, nullum vt in orbe regnum habeat munitiores. Agrorum & nemorum amœnitas, eorumque diuersus aspectus, nullo satis exprimi calamo, nec verbis potest. ea quoque maris, ac fluuiorum, quibus passim ceu venis corpus hoc Belgicum interfecatur, est oportunitas, vt nulla ei quoad hoc regna paria sis visurus.

Terræ totius is est prouentus & vectigal, vt, si vni vniuersa Principi pareret, & Bataucarū quæ modò est formâ regeretur, octonos auri milliones & amplius in annos singulos ei penderet. Belgis ad victum & vsum necessaria, præter salem, oleum, vinum, domi omnia nascuntur, nullum tamē reperiās regnum, quod plura,
aut

aut magis varia, habeat vina; etenim Hispanien-
se, Germanicum & Gallicum, tam in Belgio re-
dundat, quàm in terris vbi natum, & sub tor-
culari gemuit. Ipsius quoque flumina ita piscua
lenta sunt, & omnigenis piscibus abundant, vt
hinc quaquauersum ad exteros euehantur.
Veruecina & bubula mirè hîc sapit; vti & aui-
um tam altitium, quàm siluestriû genus omne,
quarum maxima hîc est vis. butyri denique &
casei ea est copia, vt butyro, caseo & lacti propè
tellus omnis innatet, & nonnemo non sit veri-
tus dicere, tantû vnicam Hollandiam suis dare
lactis, quantum suis Gallia vniuersa dare solet
vini. Lineo Belgium panno ita abundat, vt vni-
uersum propè orbem eius faciat participem;
vti & lanæi, & aulæorum scitè textorû, quæ per
omnia Europæ regna ac prouincias, etiam Tur-
carum imperium, & vsque in Sinas & Iaponios
vltimos, & alio sub sole calentes Americanos
auehuntur. Pictores habet & arte præstantissi-
mos, & numero plurimos, vt vnica Antuerpia,
vrbs non adeò ampla, plures pingendi artifices
âlat, quàm vniuersa simul Germania, Gallia,
Italia, Hispania. Quæ verò hîc fiunt opificia
mechanica, opera & instrumenta, omnia terra-
rum exterarû opéra elegantiâ & arte superant.
Incolas videbis linguarum peregrinarum, etiam
diuersarum, ita peritos, vt in alienone quàm
materno idiomate versatiores sint addubites;

&

& non rarò , etiam mulieres , quinque diuersis linguis loquantur ; paucos quoque reperiās , qui non saltem binas ternasue calleant.

In studia & litteras naturâ propendent , & laborem eorum quàm aliæ nonnullæ gentes , ferunt facilius : quod quæ longè pulcherrimum , nulli non arti scientiæue sese applicant , Iurisprudentiæ , Theologiæ , Philosophiæ , Mathematici , litteris humanioribus . Linguarum Græcæ , Hebraicæ & aliarum externarum , quibus doctrina traditur , cognitione , & imprimis Latinæ , ita excellunt , vt hanc quis ijs natiuam existimet : Latinè autem dum scribunt , eam spirant elegantiam , vt stupori sint omnibus . adeo quæ ; nulla aut ars est , aut scientia , quam ignorent . Innatum quoque illis dicas , cum omnibus exteris sine difficultate , fastidio & dissensione conuersari , illorum genio ac moribus quàm scitissimè sese accommodando . Iouiales vt plurimum sunt , in amicitia fidi , colore vultus eleganti , nec contemnendo ; indole , complexione & staturâ bonâ ; robusto , vegeto , & bene cõposito corpore . Quid de deteriore feminarum sexu dicam ? acupingunt propè omnes , & in omni panni genere ; in cultu & nitore corporis , domusque supellectile , ad stuporem , ne dicam superstitionem , nitidæ ; quod quæ mirere magis , non minus solerter & industriè omnia mercimoniorum genera tractant , quàm viri .

Mari-

Maritimæ & naualis rei cognitione quæ Belgicam gens superet? iam orbem terræ enauigasse, apud eos ludus est. Qui vbiuis gentium, in exercitibus robore & audacia præstant, Belgas esse comperies. Wallonicus peditatus audacia, generositate, constantia, & omni quæ militem decet dote, inter omnes gentes fert primas. Equitatu quoque valent & præstant Belgæ, maximè Geldri, Campinienſes, Transmoſani, & illis vicini. In arcibus vrbibusque cōmunicandis nullos eis habebis pares, vti nec in operibus naualibus, maritimis, & aquaticis. In inueniendo indagandoque videbis solertes, in exequendo constantes & nauos, mille per artes & vias ad præfixum sibi scopum peruenire conantes.

PELAG. Quid audio? propè sum vt mentem & conceptū de Belgio iudicium mutem. Numquam enim mihi hæc in mentem, ne ad aures quidem venerunt.

BONAVENT. Vix mediani eorum quæ præſens apud eos vidi, partem tibi commemoro. Quod regnum aut prouincia, quæ gens, sexaginta propè annis intestinum & ciuile bellum ferat? & cū summa illius moles penè semper Brabantiae ac Flandriae incubuerit; illas tamen si inspicias, ita opulentas & feraces videbis, ac si hostem nullum, exercitus nullos sensissent. Incendio integri absumantur pagi, & quidem millenarum familiarum, anno, vel certè dimidio

clio vix elapso, ita videbis omnia instaurata, nulum vt deflagrationis appareat vestigium. In quo incredibilis Belgarum solertia & indefatigabilis animositas elucet, quam sæpè mecum ipse tacitus sum demiratus. En tibi aliud animi Belgici argumentum. Tentarunt (intentatum id hætenus iam inde ab orbe condito) per Balticum^{le} Arctoæque glacie concretum pelagus (quis credat?) in Orientem penetrare, securibus sibi ac nauibus suis per glaciales illos montes, iter parantes ac secantes, identidè noctu & interdiu, tractus illius feris ac belluis epibatas infestantibus. Repete deinde tecum quidquid tam orientis, quàm occidentis Solis per Indiam & gesserint & tulerint, & nullos id Reges tentasse, aut fecisse hætenus deprehendes; mille per discrimina tam intrepidè ac securè nauigantes, ac si epulas adissent.

Intuere adhæc animositatem hanc in causa non bona, etiam prudentiâ, versutiâ, simul & industriâ succinctâ. An non Bataui ita rem suam egere, vt cum omnibus propè orbis Regibus & Principibus societatem aut fœdus inierint? Sic Gallorum Regum auro & milite bellum sustinuerunt: sic Angliæ Regis, & omnium propè Germaniæ Principum suppetias annis singulis impetrarunt. Sic & per vniuersam Germaniam turbas concitarunt, incolas ad iugum Imperatorium & domus Austriacæ excutiendum in-

C

fti-

stigando: sic Gaborem ad res novas moliendas, Turcam ad bellum Cæsari mouendum missis legationibus impulerunt: sic Palatino Bohemique coronam imposuerunt, Danum in Germaniam euocarunt, Sabaudo & Venetis auxilias copias miserunt; Rupellenses & Hugonottas Gallos ad Regi suo rebellandum animarunt. & ipsi interea, Gallorum socij, amici & clientes (in quo sanè magna opus dexteritate fuit & calliditate) mansere.

En tibi aliud insuperabilis illorum animi exemplum. Hi ipsi Bataui, tribus iam proximè elapsis annis, centum & ampliùs præsidarias & onerarias, omnibus necessarijs rebus, armis, & in triennium duraturo comœatu optimè instructas naues, varijs sub ducibus, in Occiduum orbem, incomparabili dispendio emisere; quarum pars potissima nostras in manus incidit, pars tempestate iactata disperijt. Quarum impendia si subduxeris, & vnicuique naui triennali suo comœatu instructæ, centum florenorum millia assignaris; vix decem florenorum millionibus classes illas parari potuisse comperies. Apud Orientales quoque Indos, non exiguum, sed, prout æstimarunt nonnulli, non minorem quàm apud Occidentales, nauium iacturam sunt passi. Quod verò à Dunkerkanis tam in nauibus, quàm halecum piscatu disturbato & intercepto, tulere damnum, quinque flo-

florenorū millionibus vulgò æstimatur. Viginti millionum, Bredanæ obsidionis causa, quod fecere impendium, nec ipsi quidem dissimulant, sed euulgant. Nondum tamen animo cadunt, sed terra marique ad nos oppugnandos se communiunt; vt taceam, illos Dano in singulos menses noua aduersus Cæsareanos, tum militum, tum pecuniarum, subsidia mittere; nouas quotidie naues instruere, & ad nuperam illam Britanniae Regis aduersus Hispanos, & Galliae aduersus Rupellanos, comparatā classem suas cum Admiraglio suo naues addidisse; alijs denique Protestantibus Principibus auxilio venisse.

PELAG. Meritò sic censes: at mihi numquam id in mentem venerat. Verum, cur tibi Belgicae hae prouinciæ Hispano Regi ad eò necessariae & vtilis videntur, vt nulla ob impendia, opum patriarum euersionem ac labores, easdem sibi ille deferendas ducat?

BONAVENT. Intuere primū illarum situm. Galliae, Angliae & Germaniae conterminae, illarumque velut frænum sunt: vt quisquis has possidet, multum ille in vicinos omnes iuris, & penè imperium habeat.

Secundò, prouincias has ipsiusmet Hispanie ceu vallum esse, & munitissimum aduersus omnes, à quibus impeti posset, aduersarios propugnaculum: sunt enim solae per se plusquam

fatis ad omnium Hispani nominis hostium impetum aut infringendum, aut excipiendum.

Tertiò, quamdiu harum prouinciarum Rex noster dominus erit, non est quòd aut Galliam, aut Angliam, aut Germanos metuat. aduersus Hispaniam enim insurgere quì audeant, cùm timent, ne à Belgis, quorum is situs est, vt nullo non tempore in vicina regna impetum facere possint, domi inuadantur, & irreparabile damnum patiantur?

Quartò, vbi plenum Rex Belgij imperium habebit, habebit & maris, atque in eo orbis totius: & nullius Regis ea tunc erit potentia, vt Hispanum, quamdiu mari imperabit, inuadere audeat.

Quintò, putasne, si hasce prouincias à se Rex abdicaret, fore vt, quos ipse habet æmulos & hostes, cum Hispania sua quietè frui sinerent? Si, cùm Regis exercitum propè intra viscera sua habeant, Hispaniam nihilominus atterere & arrodere iam tentent; quid facturos putas ab hac timendi occasione iam liberos? Ergo vides, longè satius, securius & consultius esse, procul à sua Regem Hispania bellum alere, quàm id domi & in visceribus regni experiri.

Sextò. verissimum esse deprehendes, quàm rarissimè ea quæ latè patent regna, ab armis quietem habere, & non semper aliquos eis aduersarios exoriri. cùm ergo alterutrum neces-

sariò

fariò deligendum sit, præstat haud dubiè, foris & procul à sede Regia,quàm domi,belli palæstram statui.

Septimò, prudentissimè sanè magni Reges, quibus numquam magni desunt æmuli, agunt, dum continuò ad omnem inopinatū hostium incursum,exercitatum in armis militem,& varias peditum & equitum copias alunt, quas, cùm opus fuerit,in aciem aduersus aduersarios educant. Regni quippe totius salus in discrimē adducitur,& periclitatur,cùm repentinis in casibus in exercitatos nouus è tirocinio miles educitur.Regis ergo nostri permultum interesse puto,quòd in armis natum & adultum,& belli peritum militem sub signis continenter habeat, quem, quocumque libuerit, mittat pro Rege suo vitam exponere promptissimū.Vt taceam, per assiduum hoc armorum exercitium & vsum non paucos duces & Imperatores poliri,& velut exsculpi, quorum Rex operâ varijs in prouincijs, pro vario euentu, suum in obsequium vti valeat.

PELAG.Bene quidem prudenterque tu hactenus; at quomodo has sub imperium suum prouincias Rex redigat? quis facere se posse dicat, quod ne primi quidem orbe toto duces, Albanus, Ioannes Aultriacus, & Parmæ Dux, ne ipse quidem Magnus ALBERTVS facere vquam potuerit? quæ ergo nobis, post tantum

tantorum conatum, spes reliqua? nonne stultum, felicem aliquem post tot irritò euentu labores, exitum sperare velle? Nihilominus quidnam hac de re ipse sentias, scire è te velim, vt qui iam inde à belli Belgici initijs ad inducias vsque, omnibus vrbium oppugnationibus & prælijs pro Rege susceptis interfuisti. Si enim fieri non posse putes, vt rebelles hi subigantur, & in Regia iura armis compellantur, cur tantas Rex noster sine vlla profectus spe impèsas subeat? quis suas in irrecuperabilia & impossibilia opes effundat? non satius, aurum & militem suum domi tenere, quàm ipsum sine omni rebellium horum subigendorum spe, profunderè, ne dicam prodigere?

BONAVENT. Bene dicis: stultum siquidem est, volantes per aëra aues velle coëmere; stultum, impossibilia sperare; stultius, illis acquirendis thesauros, honorem, vitam & sanguinem insumere: multo verò consultius, pecunias arcâ continere, quàm temerè in minimè parabilia expendere. At numquam impossibile putavi prouincias has sub Regis nostri iura posse redigi: etiam, post tam præstantes ac magnos Imperatores, desperare hîc nolim; & quamquam id arduum fore non diffitear, non is tamen rerum mihi videtur esse status, vt omnem penitus spem abiicere, animumq; despondere nos oporteat. Quis vñquam credidisset fore,

fore, vt Augustus meliùs ac securiùs Rom. Imperium, quàm qui ipsum condidisset Iulius Cæsar, possideret? quis, vt Martius, duorum profligatorum exercituum Romanorū collectis reliquijs, ijsq̃ue perexigujs, duos Pœnorum, victorij prioribus etiam inflatos, exercitus cæderet? quis, vt Numantia, non ita magna Hispaniæ ciuitas, viginti ipsos annos varijs Romanorum exercitibus non resisteret modò, sed & sæpè in fugam pelleret ac profligaret? Quis credat, Hollandiam ac Zelandiam, de septemdecim provincijs duas, sexaginta ferè annis, aduersus potentissimū orbis totius Monarcham, terra marique bellum gerere potuisse? nec sua solùm defendere, sed & terras Regias, varijs orbe toto locis, ad Orientem æquè atque Occidentem, imò & in ipsomet Hispaniæ corpore, bello aggredi ausas fuisse; quin hoc belli incendio etiamnum durante, sua in Germaniam, Bohemiam, Italiam, Galliam arma intulisse, & per vniuersum propè quà patet orbem eadem circumtulisse? Nihil vt sit, quantumuis arduum, quod, cùm animosè, prudenter, sapienter, constanter vrgetur, non optatum ad exitum possit conduci. Quis item credidisset fore, vt Ioannes Austriacus pugillo militum validissimas instructissimæque Ordinum copias ad internecionem deleret? quis, vt MARCHIO SPINOLA Bredam obsideret & expugnaret, penè ad dena

passuum in circuitu millia ipsam vallis & aggeribus circūcingeret, ac ducentis castra sua propugnaculis communiret, hoste permittente, nec se mouere auso? cumque hac in obsidione omnis castrensis apparatus & commeatus per octo menses continuò, terrestri octo leucarum itinere, & quidem curribus & carrucis, conuehi deberet; & ipso exercitu hostili, Gallicis ac Britannicis auxilijs suffulto, & Gallica, Britannica, aliarumque potentium Rerum publicarum, Principum ac Statuum pecuniâ collecto inspectante; quis credat, toto illo tempore ne vnum quidem nostrorum comitatum ab hoste aut tentatum, aut inuasum? & Mauritium, post tot annorum usum militare, post tot felices expeditiones, tot illustria stratagemata, non semel tum suis, tum Regum sociorum armis, quibus cum potestate præerat, aggeres nostros, & in illis erecta propugnacula, tam latè diffusa patentiaque, aggredi ausum? cumque MARCHIONEM SPINOLAM paulatim copias colligere, vrbi que ad mouere propius cerneret, suæ (qua valebat plurimum) prudentiæ oblitum, de omnibus ad obsidionem tolerandam necessarijs rebus vrbi suæ non melius prospexisse? & cum omni Batauica solertia, omni sua maritima potentia, omnibus acutè adiuuentis alibi felicissimè sæpius probatis, omnibus suis nauibus, & hinc perfractis alibi oppositis aggeribus,

ne

ne hilū profecisse? & ore tenus iactatā, sed numquam re ipsa tentatam opidi vnus obsessi liberationem, Batavis vicenis florenorum millionibus & ampliū, (ac quidem frustra) sterisse? Mauritium verò, cū sciret in quot menses de com meatu Bredæ esset prospectum, alias interim Regias vrbes, quibus vsque adeò prouisum non erat, non tentasse, quò SPINOLAM à Breda auocaret, aut eius saltem copias distraheret? quis credat, hunc ipsum SPINOLAM, cū val-
lis & propugnaculis de sufficienti milite prospexisset, cum reliquis copijs Mauritium ac Mauritanos vndiquaque communitos, aperto in campo exspectare, quin & ad prælium in-
eundum lacessere ausum fuisse? hunc verò, tot copijs instructum, suis se castris continuisse, ne leui quidem, vt illustre nomen suum quiescen-
do non inobscuraret, velitatione tentatā? Mira hæc sunt, & propè fidem superatura, nisi pas-
sim editis libris omnium in ore ceu certa ver-
farentur.

PELAG. Verè quidem tu hæc; sed scire ex te peruelim, qua Rex rebelles via edomare, sui-
que iuris facere possit?

BONAVENT. Viam quidem & modum ig-
noro, non tamen penitus impossibile id esse
duco.

PELAG. Sententiam tuam tantū audire
volo, quemque commodissimum modum exi-

stimes, mihi proponi: cùm illum aperiendo, nullum aut honori, aut facultatibus tuis damnum creaturus, at tibi me quàm deuinctissimū, beneficij quē huius perpetuò memorem, & quā potero remuneratorem, redditurus sis.

BONAVENT. Cùm tam studiosè hoc à me ipse efflagites, liberè candide quē mentem tibi meam aperiam; at magis, vt tibi gratificer, quàm vt quā dicturus sum, ceu oracula & notatu digna haberi velim. Scias ergo, non aliter hæc à me dici, quàm vt tuæ curiositati nostræ quē necessitudini morem geram, cùm noris, nihil esse quod tibi amicorum intimo negem. Aures igitur ad temerarias opiniones has meas arrige, & audaciam meam vni tibi, qui ad hanc me compulisti, imputa.

- I. Primum ergo sibi locum vendicat amor & timor Dei, à quo vno omne descendit bonum, & à cuius invincibili manu omnis expectanda victoria est. Varijs hoc tam è veteri, quàm nouo Testamento depromptis exemplis possem confirmare. In nouo quidem Constantini Imperatoris cum Maxentio & Licinio, Heraclij cum Cosrhoë, Theodosij cum Eugenio, Ioannis Comneni cum Scythis, Henrici Aucupis cum Hungaris, Boleslai & Ladislai cum Russis, Wenceslai Bohemiæ Ducis cum Radislao, Ramiri, Alfonso, Ferdinandi Hispaniæ Regum cum Mauris, Belisarij cum Wandalis, Narsetis cum Totila,

tila, Cataculi cū Saracenis bellantium ; & aliorum plurimorum:

Et non ita pridem FERDINANDI Imp. contra varios exercitus , & infinitas propè copias diuersis sub ducibus collectas decertantis ; & quidem vno simul tempore : Ottomannicas enim ducebat Gabor Bethlinus , Protestantium Iagerendorfius , Calvinianas Palatinus & rebelles Bohemiæ Ordines in Bohemia, Hungaricas Hungarus Palatinides , & alij proceres ; alias in Palatinatu Durlachius , alias Brunsuico-Halberstadiensis , alias Mansfeldius : septem inquam exercitus aduersus pauxillam militum manum , quos cū BAVARIÆ Dux , tum BUCOVIAE Comes subsignis , nomine Cæsaris habebant. Quis autem vsque adeò cæcutiat , vt non videat , solū victrice Dei dextrâ , hunc victorem euasisse , hostes verò fusos , & omnem potentiam aduersariam fractâ concidisse ? Quisquis ergo FERDINANDVM paulò antè à tot copijs hostilibus cinctum , & Hungaria , Bohemia , Silesia , Lusatia , Morauia , Austria quoque suâ , & omnibus prouincijs hereditarijs pulsū (vt sola propè Viennâ illi reliqua esset) vidit ; at non multò post , pulsū aduersarijs , absolutū harum omnium prouinciarum videt dominum constitui ; non Dei opt. maximi , suos numquam deserentis , abiectum sustollentis , oppressum eruentis , contemptum & deiectum exaltantis ,

&

& aduersus omnem sæculi potentiam in se sperantes protegentis, se inuocantes exaudientis, denique in se confidentes neutiquam destituentis, magnalia obstupefcet, & victricem ac beneficam illius dextram agnoscet? Antiqua miracula priscis è monumentis hîc arcessere haud est necesse, cùm nostri temporis FERDINANDVS omnium Dei mirabilium sit mirabilissimum, summum miraculorum miraculum, potentiæ diuinæ speculum, & euidentissimum Domini exercituum, contra omnem hominum potentiam, & præter omnium huius sæculi sapientium & politicorum opinionem, suos exaltantis exemplum.

At in veteri occurrent tibi Moses, Iosue, Gedeon, Machabæi, Dauid, Iudith, & sexcenti alij, quos tædij & prolixitatis vitandæ causâ non refero; quibus non tam propria industria, robur, animositas, copiæ, quàm Dei nutus & dextra victoriam peperit.

Videbis vice versa, impios & scelestos nunquam non Deo vindici suæ pœnas impietatis dedisse; vti olim quidem, Pharao, Antiochus, Sennacherib, Nabuchodonosor, Timotheus, Nicanor, Holofernes, Apollonius, Abimelech, Achab, alij. Post Christi verò tempora, Valens, Zeno, Basiliscus, Anastasius, Heracleon, Phocas, Philippicus, Michael, Maximus, Leontius, Murzyphilus, Andronicus, & alij non pauci

By-

Byzantini Imperatores; nec nō Cosrhoës, Tōtila, alijsque Reges & bellici Imperatores; quibus, quia in Deum impij, in Diuos iniurij, caro sua stetit impietas. Et quamvis initio subinde impune habeant, & prosperos expeditionum suarum successus experiantur; vt plurimum tamen cum impijs Impp. Iuliano, & Constantino Copronymo infelicitè & tragicè vitam finiunt.

Quocirca minimè dubito, quin, cū Regem nostrum Dei timentem, ac feruentissimum Catholicorum & Catholicæ religionis velatorem & defensorem videam; iusta illius arma Deus ter maximus felicitaturus, atque è contra inimicos fidei dissipaturus, illorum vnionem scissurus, potentiam protriturus, mentem erepturus, astum & artes elusurus, audaciam repressurus, vim denique & arma euersurus sit. Vnde si, vitæ correctione præuiâ, vnâ cum Rege, spem omnem & fiduciam in Deo collocemus; insignem mox, Deo dante, rerum mutationem, & fortunantem Dei dexteram videbimus: si modò, à parte nostra fecerimus, quidquid humanitus loquēdo, facere valemus, nihil inquam negligamus, quæque ipse nobis contulit subsidia, quâ possumus, adhibeamus. Peccata nostra, quæ per omnem Hispaniam inualuere, enormia & magna, fateor, sunt; sed spero vt superioribus hisce diebus nobis euenerit id, quod olim

olim Daudi, cùm ob præuaricationē, vlttricem Domini manum, non hostium suorum furorē, sensit. Etenim ipse, ceu benignus & placabilis Pater, flagitia nostra insolitā & mirabili illā aquarum inundatione eluit & expurgauit, sed ab immitibus & immanibus hostium nostrorum nos manibus liberauit; vnde spero fore, vt eos ceu Absalomum & Achitophelem humiliaturus, ceu Sennacherib dissipaturus, ceu Holofernem pudore repleturus, ceu impium Nicanorem & Iulianum castigaturus sit.

- II. Secundò, necessarium cum primis disciplinam & ordinem militarē quàm accuratissimè tueri: hæc enim vbi frigescit & negligitur, omnis militum perit generositas, animus ac robur; & in armorum, animositatis, fortitudinis, vigilantiae, audaciae, honoris & prudentiae locum veniunt ignauia, tædium, mollities, ebrietas, negligentia, inertia, impudentia; & virtutibus omnigena succedunt vitia. Exemplo nobis sit miles Romanus contra Iugurtham & Numantinos, ducibus Albino & Metello, & idem ducibus Mancino & Scipione eductus. quantum enim distat ortus ab occasu, tantum fuit inter illos dum Metellum & Scipionem duces habebant, & dum Albinum & Mancinum, discernē.

Iam, quid aliud à milite, qui nullā legum seueritate coercetur, & disciplinam omnem nescit, speres, quàm latrocinia, rapinas, agrorum de-

depeculationem, cædes, furta, feminarum ac virginum oppressionem, & viso eminens hoste trepidationem, metum, inobedientiam, atque inde probrosam fugam? Magni sanè duces semper omnimodis curarunt, militaris vt disciplina inter suos quàm exactissimè seruaretur, cum maximam victoriæ partem ab ea nosse dependere; & illius è contrà neglectum, apud nullam non gentem potissimam cladium, totalis exercituum dispersionis, & regnorū ac prouinciarum euersionis causam extitisse.

Nisi enim militem seueritate coërceas, & suppliciorum intentandorum metu refrænes, omnes rurales præ damni metu in fugam ages. quod vbi fit, de necessarijs alimentis quomodo castris tuis prospicere possis minimè video: cum hæc à rusticis petantur & habeantur necesse sit. Hinc fiet, vt vel omnis exercitus fame intereat, vel ad hosti resistendum, arma uè tractanda impotens reddatur; beneuoli quoque & amici tui à te tuisque alienentur, hosti verò faucant, & cum opus erit, eius partem foueant, omnium quæ eius scire interest, certiorrem faciant; te verò prodant, & quoscumque tuorum tam benè quàm malè valentes, à comilitonum turba sequestratos nancisci possunt, clam de medio tollant. Quid autem cum refractarijs, insolentibus, cōtumacibus, ducum iussa explodentibus, & proteruè in ea peccantibus
.. (quales

(quales sunt omnes, quos suppliciorum metus non continet) militibus dux agat? Morigerum, intrepidum, impavidum, & hostes audacter simul & prudenter adorientem, & antè mori quàm pedem referre paratum militem cupis? peccanti ne parcas, at delicta singula castiga, nullumque in disciplinam militarem quocumque modo peccatum tibi sit impune.

Sed ut inculpatè & tutò in delinquentes animaduertas, in menses singulos addicta stipendia ut soluantur, erit curandum. Castigare enim, & malignè illa numerare, ferinum est, non humanum; bene numerare, ac tum delinquentium rapinas vindicare, dominorum est. nec promeritum miles supplicium recusabit, si menstruum illi exsolvas. quod cum feceris, nullum is subterfugiet discrimen, nullum adire verebitur periculum, hostem non formidabit, quin ultro in mortem ruet. Vis ergo disciplinam militarem sacrosanctam & integram, vis castris de omni re necessaria bene prospectum, vis fortem impavidum, tibi que in omnibus parentem militem, non contumacem, refractarium, sed nulla iussa, ne mortem quidem, detrectantem? debita consuetaque pendi in menses singulos stipendia persolui curato. tunc enim nihil erit ei graue, cum sibi stipendium soluendum, ac generosè factis præmia, & meritis mercedem certò nouit rependendam. Aurum enim, simul & spes maiorum,

rum; mortem facilem, imò dulcem & optabilem faciunt.

Pudeat nos Christianos, Turcis in disciplina & ordine militari concedere. cum enim illorum castra vt plurimum tercentum bellatorum millia contineant; nullus tamen in ijs auditur clamor, tumultus, blasphemia, sacrilega verba, nulla denique iurgia; vt quisquis illa videt, Religiosam se familiam intueri putet. Quæ autem illa interfecant viæ, adeò sunt mundæ, vt ne minimum immunditiæ in illis cernere sit vestigium, quin & humanæ sordes omnes terrâ adobruantur & lateant. Exulant illinc alea, chartæ lusoriæ, ebrietas; at tanta in illis viget sobrietas, vt etiam in generali totius exercitus macello vix viginti iugulatas pecudes venum expositas videas: cum omnis penè miles ad multos menses vsui futuram annonam, allia, cepas, rapa, cucumeres, raphanos, aliaque id genus olera, sale & aceto condita secum conuehat. siti verò sedandæ sufficit aqua. Duella, digladiationesque numquam, aut rarò admodum, ibi videre est: vnde etiam magni Solimanni tempore, in Welibegum summi inter ceteros Turcas nominis & roboris, quòd se Arissambegum, qui totius exercitus fortissimus & valentissimus habebatur, ad duellum secum ineundum prouocasse palàm iactaret, Bassæ & præfecti castrenses grauitè animaduenerunt, & ali-

D

quot

quot eum mensibus carceri manciparunt, alijs-
 que infamiæ apud vniuersum exercitum notis
 affecere; quasi inexpiabile piaculum foret, cum
 tam multi Christiani hostes forent, contra quos
 vires exerere, & fortitudinis specimen edere
 posset, Turcam ad certamen prouocasse. Vt
 verò disciplina hæc melius apud eos constet, &
 ad hostem impetendum nemo non animetur;
 non nisi pro meritorum ac virtutum ratione, &
 nullo stirpis nobilitatisue patriæ habito res-
 pectu, dignitates conferri solent. Atque hæc est
 ratio, cur vt plurimum Turcorum primores ru-
 sticum, plebeium aut mechanicum patrem ha-
 beant, qui per robur & heroica facinora, pau-
 latim ad amplissimas dignitates & magistratus;
 prout meritis quisque est, ascenderit. Imò lau-
 di sibi ducunt & honori, plebeio & abiecto sibi
 ad altius fastigium aditum patuisse. Videre hinc
 est, quantum nos ab illorum disciplina militari,
 norma castrensi, in victu potuque moderatio-
 ne, continentia, quiete, parentia, prudentia, ac-
 curata in dandis bellicis muneribus disquisitio-
 ne, castrorum munditie, duellorum poenis,
 blasphemiarum, conuitiorum, alearum, charta-
 rum, ebrietatis, aliarumque illecebrarum vires
 destruere natarum proscriptione, absumus &
 illis concedamus.

III. Tertiò, vt autem disciplina hæc commodè
 seruetur, Regiæ pecuniæ prudenter, & non nisi
 in

in res necessarias erunt expendendæ. cui rei cumprimis vtile futurum arbitror, duplex Regiarum pecuniarum ærarium constitui, cui & duplices custodes præficiantur. Priori eas asseruari vellem, quæ militi præfidiario, in bellum necessario, & pugnanti, in stipendium sint exsoluendæ. stipendia autem singulorum, quantum commodè fieri posset, æquari, vt nec huic maius, illi minus persoluator. peditum quoque omnium nonnisi duos constitui ordines & genera, sclopetarios videlicet & hastarios; & illis eiusdè omnes capacitatis & magnitudinis sclopos, vt glandes omnes quadrent omnibus, dari; hisce verò æqualis longitudinis hastas. vtrisque autem menstruè duodenos; equitibus, cuiuscumq; demum generis sunt, tricenos (exceptis ijs qui aliquo funguntur munere) florenos Brabanticos stipendij loco numerari; idque certò, ne quam miles aliena rapiendi, dux verò delinquentibus ac rapinæ reis necessario parcendi occasione habeant. Si nec negentur, nec prorogentur stipendia, non est quòd vllas militum seditiones Rex vereatur; quæ sanè in Belgio aut amissarum vrbium ac regionum, aut non relatè de hoste, cum referri commodè potuisset, victoriæ causa potissima fuere. Sic Zircseam, Goesam, & Tolam, simul & in quibus singulæ sitæ sunt insulas amissimus, atque earum incolas ad indignationem, & à Rege suo auer-

fionem concitauimus. His quoque Frisiæ totius, & aliorum plurimorum opidorum & arcium, à quibus totius rei salus & incolumitas dependebat, amissio ascribenda. Sic & primariæ Hollandiæ ciuitates, ob malignè numeratum præfidiario & castrensi militi stipendium, Regi sunt ereptæ, & hosti se submittere coactæ. Ac iam pridem pacificum Belgij totius imperium Rex noster habuisset, si, quod debebatur in menses, militi exsolutum fuisset. Cuius rei mecum testes esse queunt, qui iam inde à tumultuum initio bellum tractarunt & viderunt.

Alterum dein ærarium, alio sub præfecto, eas contineat pecunias, quæ in honorarias quorundam pensiones, & occultas impensas annuè expendendæ sunt; in eos nimirum, qui post longa & multa Regi præstita obsequia, tum ob decrepitam ætatem, tum ob vulnera & detruncata membra, bello posthac inutiles esse deprehenduntur. Inde quoque petantur donaria, quæ varijs de causis, tum bello, tum domi bene merentibus, aut etiam è priuato erga quempiam affectu, Reges pro solita & innata sibi munificentia erogare consueuerunt. Hinc quoque depromunt tam occultas, quàm notas, in loca sacra & egenos, eleemosynas, & in splendorem superuacuum, oblectamenta, palatiorum horumque Regionum structuram, & alios id genus vsus necessariam pecuniam. At si vtrique

ærario

æratio locupletando prouentus non sufficient, secundum tantisper quiescat, & primo succurrat, donec vberior nummorum sit prouentus, qui necessariū æratio vtrique sanguinem & succum subministret.

Quartò, cum primis vtile erit, nulli militum aut propter generis splendorem, aut etiam parentum propriamq; virtutem ac merita, stipendia adaugere. Promeritus quis virtute suâ maiora est, ad altiore dignioremue gradum euehatur, è gregario milite Signifer, è Signifero Centurio, è Centurione Tribunus (Sergantum Maiorem vocamus) è Tribunò Chiliarcha & Colonellus constituatur. Ita fiet, vt in digniore gradu positus auctius habeat stipendium, cum virâ cum dignitatibus crescant stipendia, quibus hæc annexa sunt. Etenim ob priuata amicorum meritâ, alienam commendationem, generis claritatem, aliaue de causa, stipendia allicui adaugere; vt plurimum ignauia, inertia, inuidia, contumacia, & murmurationum multarum causa esse solet: cum, qui amicis & Procerum commendatione destituuntur, sese iacere obscuros, nec promoueri altiùs; ineptissimos verò, ignauissimos & inertissimos quosque stipendio donari vident ampliore. & quod deterius, hos non tam promeritis, & bene factis, quàm muneribus & aureis pontibus ad illa viam sibi sternere, & quidem adhuc imberbes & ad-

olescentes; se verò & ætate & meritis graues negligi, neque vllam sui apud duces rationem haberi. Hinc belli in ipsis nascitur incuria, concidit animus, exolefcit audacia, & ardor omnis intepescit.

V. Quintò, non antè ad magistratus aut dignitates castrenses promoueri vllòs velim, quàm triennio quadriennioue gregarium militem egerint; neminem ad Centurionis munus assumi, qui Vexilliferi partes non implevit; neminem ad Chiliarchiam vel legionis præfecturam, qui Centurionatu probè functus non fuerit. Alijs enim quàm imperabit, qui recens ab aula, aut ludo litterario? armorum peritus quomodo erit, qui numquam hostilem vidit ensem? quo urbem modo obsideat, qui nulli obsidio interfuit, nec eius pars vlla fuit? armatos adoriatur hostes, qui arma hæcenus nulla gessit? prudenterne ac sapienter quid armatis imperabit, qui nullius armati armatus iussu vniquã excepit? Vnde efficio, hanc belli inexpertorum ad castrensia munia euectionem, certissimam totius exercitus, atque adeò regnorum, pestem & interitum esse.

An non temerarius & fatuus ille audiet, qui quam nec didicit, nec vniquã vidit, artem docere & exercere præsumet? qui domos ædificare; calceos, vestes, naues parare, pingere, agros colere; cum nullum in fabili, futoria, sartoria,

nau-

nauegia, pictoria & agricultura habuerit magistrum? nã longè stultius, atque etiam damnosius, est, aliquod armorum imperito, & tiro-
ni nupero, in bello munus concedi. Quid? Re-
gēs ac Principes tanti momenti negotia, à
quibus regionum ac regnorum salus aut iactu-
ra non rarò dependet, rerum imperitis palati-
nulis, imò penè pueris, committere? vicennis
aut octodecennis adolescens militibus quomo-
do imperet & regat; qui numquam arma tra-
ctauit, aut castra coràm inspexit? Omitto, hacce
inexercitatorum tironum promotione, vetera-
nis omnibus animū concidere ac frangi, simul
& spem emergendi adimi. Cordati proinde
ac prudentis Principis erit, in castrensibus mu-
neribus conferendis, non tam amicorum com-
mendationem, aut naturæ dotes, quàm armorum
peritiam, exercitia & vsum, generositatem,
virtutem, priora facinora & merita suorum
intueri; nullam verò generis, parentum,
aut consanguineorum rationem habere.

Sic ad Imperium orbis, vilissimos & abie-
ctissimos quosque, etiam de triuio, peruenisse,
prisca historiarum monumenta testantur. Æ-
lius Pertinax libertino natus est patre: Macrini
parentes qui fuerint nescitur: Maximinus ab
ouibus ad Imperium ascendit, Pupienus abin-
cude paterna, Philippus à latrocinio, Aurelius
ab aratro; Diocletianus è seruis prognatus; Ma-

ximianus, agricolam; Valentinianus & Valens, funarium; Iustinus, bubulcum & deinde carpentariū; Iustinianus, porcariū., patres agnoscunt: Mauricius antè notarium egerat: Basilius Macedo parentes ignorauit, vtpote bello captus & in seruum venumdatus: Michaelis Calaphatae pater nauibus piceandis victum compararat. Et hos omnes aut Roma, aut Byzantiū Imperatores vidit. Romulus inclytæ gentis parens & auctor, parentem quem habuerit, ipse nesciuit; Tullus Hostilius in agresti patris tugurio primū lucem aspexit; Seruium Tullium serua mater genuit & vberē lactauit. Atque ad eò potissimam Rom. Imperatorum partem ex infima plebe natam, armis, virtute & robore ad Imperium venisse notissimum est.

Et certè, quisquis in re bellica, præter virtutem & armorum peritiam atque vsum, aliud quid spectat, seipsum ac sua omnia certissimo discrimini exponit. Vnius quippe ductoris aut Centurionis, tam peditis quàm equitis, fuga reliquorū omnium conciliat fugam. Testis Gemblacensis conflictus, in quo Centurio equestris, nescio qua de causa, in fugam se conijciens; alterum; hic tertium & reliquos omnes, in fugam pellexit: quam fugam conspicati pedites, ita etiam se fugiendo distraxere, denuo vt recolligi & coalescere non potuerint: atque hæc vnica, illustris illius victoriæ, quam exiguâ militum

litum manu, præter spem omnium, Ioannes Austriacus retulit, post Deum fuit causa. Quæ cladis apud Neoportum & fugæ nostrorum fuerit causa, norunt illi, qui post insignem peditatus nostri victoriam, fugientem ac cedentem turpiter equitatum conspexere. Paria, in omnium gentium historijs, exempla non pauca occurrunt.

Sextò, optarem, omnes turmæ pedestres, cuiuscumque demum sint gentis, non pauciores trecentis milites complecterentur; equestres, non pauciores ducentis. Regio hinc ærario plurimum emolumenti accedet: carebit enim hac ratione Rex non modica Præfectorum copia, in quos non parua pecuniæ Regiæ portio infunditur & effunditur. Si enim singulis legionum præfectis (Colonellos vocant) cuiuscumque sint nationis, tria militum millia assignentur, & unicuique Centurioni ac Capitaneo treceti; incredibile, quantum per hoc Regio ærario sit accessurum.

Septimò, nulla omnino legio exauctoretur vel emori sinatur, nisi militum numerum minui expedierit, aut necesse fuerit. sed veteres turmas exauctorare, & novas instituere, quid aliud est, quàm duplici & non necessaria impensa Regem grauari, & peritorum, vtilium, veteranorum in locum, imperitos inutilesque tirones, ingenti cum dispendio sufficere? si qua fortè le-

gio notabiliter decreuerit, nouis (quod factum haud difficile) capitibus erit instauranda, & suae restituenda integritati.

Adhæc expedire cenſeo, nulli ut Centuriones, Vexilliferi, aut alijs caſtrenſibus muneribus fungentes, emeriti cenſeantur, vel (ut dicunt vulgò) reſormentur; ſed tamdiu ſuum quiſque munus fungatur, quoaduſque per virtutem ac merita dignus iudicetur, qui ad altius faſtigium & dignitatem euehatur. Etenim per hanc munerum reſormationem immenſum creſcunt ſtipendia, & pecuniæ plurimum in per pauca capita effunditur; cùm hiſ emeritis eadem ſtipendia numerentur, quæ, dum mererentur, quod proſectò cum primis noxium eſt, pecuniarum vorago, & ærarij ærugo.

Meritus quis eſt munere ſuo priuari? ſuo quoque meritis eſt priuari ſtipendio. inutilis redditus quis, diutius ut operam ſuam Regi præſtet? (quod rariffimum eſt) de honeſto ei proſpiciatur, pro meritorum penſitatione, ad alimoniam ſtipendio. Atque hanc omnibus cuiusvis gentis militibus, tum ad æmulationem tollendam, tum quòd Regis hoc interſit, concedi prærogatiuam velim. Rationi quippe conſentaneum eſt, ut qui vni Regi merentur, pariatur, quò maiore vnione & concordia, animis maioribus, ſuam Regi operam nauent. Etenim vni conceſſa, alteri negata, prærogatiua, cui.

euidens odij & inuidiæ seminarium est. Si enim neques promeritis, animo cadunt; & fiet non raro, vt in necessitate destituant quos sibi immeritò præpositos vident. Scio non deesse rationes, quibus vna gens alteri, quoad emeritationem, præponenda videatur: sed, re omnem in partem librata, optarem omnes eodem sub Rege merentes nationes, in stipendijs, prærogatiuis, & emeritatione æquari.

Octauò, perutile quoque foret, electiui militis, sacramento Regi non adstrikti, sed patriæ stipendijs militantis, cohortes adaugerentur: Flandria senas, Brabantia totidem, Transmontana, Limburgensis, Falcoburgensis ditio ternas; Gelria ternas, & Transisalaniae vicinus ager binas aleret; trecenta porro capita cohors vnaquæque complecteretur. Quòd enim hi capti, auro (vt alij milites solent) irredimibiles sint; hinc pro vita tuenda pugnant acrius, hinc hosti terrori sunt, eiusque excursiones nimium quantum remorantur: quin imò plus ei damni inferunt, cum eius agrum intrepidè depeculentur. denique sunt in proposita militia constanter, probè gnari aut moriendū sibi, aut vincendum; medium nihil dari. addit hoc animos, adauget audaciam; & dictu incredibile, ad quæ non strategemata, & generositatem adigat desperatio. Quod verò illis persoluumdum erit stipendium, nec non reliqua necessaria impendia

dia ex hostili forſitan agro poſſent peti. hæc-
 nusenim iſ, cùm tamen facillima noſtris ad
 eum pateat acceſſio, graſſationem, capturam,
 rapinam & depeculationem noſtratum, men-
 ſtruâ pagatim ac vicatim ſolutâ pecuniâ non
 redemit; adeò vt vnicuique electiui militis du-
 ctori quidam hoſtium assignandi ſint pagi, è
 quibus iſ menſtrum militi ſuo ſtipendium, per
 modum contributionis, educere poſſet.

IX. Nonò, numerum eorum qui in caſtris à ra-
 tionibus ſunt, calamoque rem agunt, minuen-
 dum cenſeo. Eorum ergo qui nunc præſunt,
 nec non ærarij Regij præfeſtorum, tertia, imò
 & quarta, ad vniuerſo exercitui commodè ſa-
 tisfaciendum, pars nimis quàm ſatis foret. Octo
 Commiſſarij, luſtrationi militari præfeſti, etiam
 plus quàm ſatis eſſent, ad vbiuſ luſtrationi præ-
 ſidendum. E qua numeri imminutione tam ho-
 rum, quàm illorum, ærario Regio maxima fie-
 ret acceſſio; præſertim ſi ad ea munia aſſume-
 rentur viri quorū virtus & probitas antè pro-
 bata foret, vitæ integri, ab omni munerum &
 auri acceptione remotiſſimi, quorum vitæ ratio
 inculpabilis & ſupra omnem maledicorum lin-
 guam, quique nullam iniuſtitia, aut alterius
 grauioris flagitij notam aut contraxere, aut in
 illius vniquam ſuſpicionem incidere, boni de-
 nique apud vnumquemque nominis & famæ,
 & in quibus ne momus quidem, quod reprehē-
 dat

dat inueniat. Quales non deerunt, si sua benemeritis præmia non desint. qui si vel in minimo suo defuisse officio & æquitati comperiantur, grauiter, sine vlla indulgentia aut dissimulatione, cuiuscumq; demum gentis, status, conditionis sint, castigentur; nullus autem habeat impune, delatori verò sua stet merces & honorarium.

Decimò, vt intolerabili propè sumptu, quem X. tolerauit hactenus, Regem exoneremus, non incommodum aut inconsultum foret, (& fieri commodè posset) si, quæ Regi adhuc parent in Belgio prouinciæ, è suis ipsæ quos habent prouentibus, omnibus omnium ciuitatum, castellorum, arcium, propugnaculorū præsidiarijs stipendia persoluerent. Sed hac seruata ratione. Primò, vt vnæquæque ante omnia nosset prouincia, quænam ad se præsidia spectarent, & sui oneris essent. Secundò, ipsæmet per delegatos & deputatos suos, necessariâ in stipendia menstrua pecuniam numerarent & mitterent. Tertiò, nemini obolum dare tenerentur, quàm re ipsa militantibus, & operâ præstantibus. Quod certè prouincijs adeò non erit graue (cùm omnes vbiuis locorum præsidiarij vix vndecim hominum millia expleant) vt etiam yltra præsidiarios hos, simul bis mille quingentos equites Regio in exercitu alere possent, quibus per delegatos suos menstruatim stipendia persoluerent;

uerent; aut, quod præstabilius & compendiosius foret, horum bis mille & quingentorum equitum loco, viginti præsidiarias omnibus rebus instructas, in mare naues emitterent. menstrua enim harum impensa ad centum florenorum millia non ascendet. Cederet hoc in magnam indigenarum quietem ac tutelam, commerciorum maritimarum prosperitatem & securitatem, & incredibile ærarij Regij subsidium.

Vt autem aliquod prouinciæ & prouinciales suo in onere subsidium sentiant, & annui earum prouentus incrementum; certè non erit abs re si suæ iurisdictioni addictorum pagorum titulos & dominia Rex, in auctione plus offerentibus velut in pignus addicat. Equa oppignoratione quantum annuè auri redigendum sit, vix quisquā credat. Etenim in prouincijs Regium imperium etiamnum agnoscentibus, plusquam quinque pagorum millia censentur: quorum circiter millia quatuor ad Regem spectant. horum si is solum titulum varijs oppignorare velit, vniuscuiusque titulus quingentos annuatim florenos (æquatione pagorum facta, cum hic pauciores, plures ille daturus sit) haud dubiè pendet, quorum summa capitalis & fors ad vigesimum numinum reducta, nonnisi ad decem florenorum millia perueniet. Annuus autem omnium titulorum oppignuratorum prouentus faciliè duos florenorum miliones efficiet.

In

In pagorum numero si fortè errarim, parum refert : etenim certus eorum haberi numerus facili negotio potest. Adhæc, si non titulum tantum ac nomen, sed & iura & iurisdictionem, pagorum alijs in pignus dare Rex vellet, longè sanè plura incredibili annuorū suorum prouentuum cum incremēto, inde conficeret: cum iam propè omnis cunctorum illius pagorum redditus, in ministrorum, curatorum, receptorumque stipendia, aliosque sumptus depercat & euanescat; vt me puderet aperire & euulgare, quàm, vltra necessariarum impensas, parum inde ad ærarium Regium deueniat.

Neque verò hæc pagorum oppignoratio Régis magnitudini & nominibus quidquam adimit aut deterit; neque enim is vlla à pagis cognomina aut titulos vsurpat. Quin & hos tunc rursus sibi ac iuri suo arrogare potest, cum annuo illo prouentu quem hæc oppignoratio illi pendit, carere lubebit. Interea temporis prouentus & redditus suos immensum augebit: vt, cum hodie per annos singulos, omnibus necessarijs sumptibus deductis, non nisi vnum recipiat, per oppignorationem hanc quinquaginta, imò centum & amplius, sine vlllo omnino onere & impèdio, annuatim percepturus sit. Spondere tamen nolim, ex vnoquoque ei pago tantum quantum dixi, prouenturum; sed ex hoc pauciora, ex illo plura, pro loci situ, commodis,

&

& magnitudine. Et esto, nonnisi mediam horum partem reciperet, prouentus tamen ille modernum quinquaginta & ampliùs partibus excederet. Possent præterea sylvarum, calaminaris lapidis fodinarum, & aliorum Regionum iurium redemptiones carioris æstimari & inaugeri. Quæ vniuersa, ærarij onera mirè subleuabunt, & militarium stipendiorum numerationi magno futura sunt subsidio.

XI. Vndecimò, non inutile foret, si quadraginta peditum, & tria equitum millia, suo Rex ære in Belgio aleret, eisq̃ue menstruatim addictum stipendium penderet. Non graue id ei aut incommodum erit, si (quod num. 4. seruandum præscripsi) nulli quidquam præter consuetum stipendium eroget, idq̃ue omnibus æquale; si nulli stipendiũ adaugeat, nulli denique nisi arma tractanti & reipsa militanti, id soluat. Hoc ego exercitu sperem; Regem quidquid bello volet effecturum, quoslibet aduersarios edomiturũ, ac vicinis Principibus ita terrori futurũ, vt illum armis suis nec impetere, nec perterrere ausuri sint: neque eum hosti animum ac vires futuras, huic vt sese exercitui, dummodo prudens & peritus armorum dux ei cum imperio præficiatur, opponat. Sex enim & quadraginta armatorum millia, menstruè stipendiata, quid non perfringant aut edoment; si præsertim seuerè & sine vlla in delictis conniuentia,

uentia, militaris disciplina seruetur?

Duodecimò, si fortè Regi, post tot annorum XII. bellum, post ducentos & amplius auri milliones huic insumptos, graue sit tantum ære suo exercitum alere; aliam tibi, qua sine vllò ærarij sui grauiamine aut imminutione, non dico sex & quadraginta, sed centum & plura, militum millia in aciem producat & sustineat, rationem suggeram. Regna illius omnia, Hispaniam, Lusitaniam, solis Occidui & Orientis Indiam, Neapolim, Siciliam, Mediolanum, & alias prouincias tibi propone. in his ducenta & amplius locorum & oppidorum millia, in quibus centum familiæ censeantur, reperies. Horum locorum singulis si, præter ordinaria Regi pendendi solita vectigalia, vnus, aut etiam medij, militis stipendium persoluendū assignes; plusquam ducenta, ad minimum vltra centum, armatorum millia sub signis habebis. Vt taceam, etiam in hisce regnis plurima locorum millia reperiri, quæ centum familias non numerent. his ergo erit medium militis vnus stipendium, vel tertia, aut etiam quarta pars, iuxta domorum aut familiarum numerum, assignandum. Non, quasi copiosa & opulenta, plurimorumque incolarum ciuitas, non plus contributura sit, quam vix centum familias recensens pagus; sed vt pro familiarum multitudine, loca singula militum viginti, decem, sex, quatuor, vnus, dimidij, aut

E etiam

etiam minus ; stipendia contribuant. Et spondere auserim, Regem centum quinquaginta, imò etiam ducenta , nullo suo impendio , militum millia sacramento sibi deuincta habiturum. Nec nimius aut fidem excedens cuiquam hic militum videri numerus debet, cum Ferdinandi III. Regis tempore, Hispanicarum prouinciarum non maxima, Bætica, ducenta & amplius opida , & centum pagorum millia numerarit. Et si non ignorem numerum hunc iam satis imminutum esse ; hinc tamen haud ægrè colligas, quanta extra Belgicas prouincias, per omnia Regis nostri dicto parentia regna & regiones , cogi multitudo queat. imò , si penitiùs & accuratiùs rem inspicias , me in minuendo potiùs, quàm exaggerando peccasse comperies. Ac non ita pridè à probatæ fidei viro , cui proinde credo, mihi significatum est, in solo Castellæ regno plusquàm octoginta baptisteriorum millia censeri; Madritum tamen pro vno duntaxat baptisterio numerando. è quo ipse colligas, quàm multa in Lusitania, Aragonia, Catalonia, Valentia, Nauarra , Sardinia , Corsica, Balearibus, Neapoli, Sicilia , Mediolano, & vtraque in India numerari queant. Ex vnoquoque autem baptisterio stipendium in militem vnum, aut sanè medium tantum, educito, & videbis quàm potentè Hispanica regna, sine vllò regijerarij incòmodo, exercitū sint productura.

Ne-

Neque verò id mihi persuadeo Regijs vasal-
lis vsque adeò graue futurum: bonâ enim lo-
corum & familiarū omnium initâ distributio-
ne ac diuisione, ad illius sanè stipendia nonnisi
exiguum quid domus vnaquæque, ac ne sen-
tiens quidem, erogabit. Neque etiam perpetuum id onus futurum; sed bello finito habebit finem. Quæ quo commodius, minoreque inco-
larum cum sensu peragantur, posset, Rege an-
nuente, modicum & tolerabile in vnoquoque
loco vectigal constitui, ijs potissimum è rebus
colligendum; quæ ad aduenas potius & pere-
grinos, quàm locorum incolas pertineant; aut,
si indigenæ grauandi, ita modicum addi gra-
uamen, vt qui illud pendit se ne pendere qui-
dem sentiat. Neque etiam omnem hunc mili-
tem, vno simul tempore colligi aliud necesse
est; sed pro rei bellique necessitate plures pau-
cioresque. Vt, si nonnisi quadragenis aut quin-
quagenis Rex bellatorum millibus indigeat,
horum stipendia vnicuique regno aut provin-
ciæ possent, pro cuiusque potentia, aut fami-
liarum multitudine, persoluenda æqualiter de-
signari.

Posset & alio modo hæc stipendiorum per-
soluendorum ratio iniri: nimirum vt Castella
Vetus, dena; Noua itidem, dena; India Castella-
næ detectionis & iuris, dena; Lusitania cum sua
India, duodena; Aragonia, octona; Valentia,

terna; Catalaunia, dena; Bætica, quindena; Neapolitanum regnum, duodena; Siculum, septena; Mediolanensis Ducatus, octona; Cantabria, Nauarra, Galæcia iunctim, nouena; Granatense & Murcianum regnum, quatuor; Mediterranei maris & Oceani insulæ, etiam quatuor; Belgicæ prouinciæ Regiæ, sexdecim peditum millia alant. Equitatus illa è gente & prouincia petatur, quæ lectissimos submittere equites consuevit; quos quæ dabit, ei peditum minor numerus assignabitur. mille porro equitum, binis peditum & quingētis æquiualebit, aut circiter.

Qua in re quædā necessariò velim obseruari.

Primum, vt vnaquæque prouincia præscriptum sibi militem colligat & conscribat.

Secundum, si quæ prouincia tot in militiam capita è suis indigenis emittere nequeat, reliquos in supplementum aliena è prouincia eam colligere fas sit.

Tertium, omnes imperium & dignitatem castrensem habentes ex ea assumantur gente, quæ stipendium persoluit; tametsi, fortè miles, quòd indigenæ non suppetant, sit ex aliena.

Quartum, vnumquodque regnum aut prouincia, militi sub ductoribus suis agenti, per delegatum & designatum aliquem, à se ad hoc muneris sigillatim assumptum, stipendium adnumeret.

Quintum, isthæc militum conscriptio, non nisi

nisi necessitate fiat exigente, & cùm eam cuique Rex prouinciæ imponet.

Sextum, pro necessitatis ratione maior aut minor numerus conscribatur. maior siquidem, bello varijs simul in prouincijs exorto (putà in Italia & Belgio) quàm dum in sola Italia, militum copia requiritur. Tum etiam maior, cùm tria aut quatuor regna & prouincias Regias belli flamma corripuit.

Septimum, bello aliqua in prouincia excitato, miles in alijs, pro necessitatis magnitudine, prouincijs conscribatur. ad cuius conscriptionem & solutionem quæque suam, iuxta assignatum priùs vnicuique numerum, symbolam conferat.

Octauum, vt in omni armorũ motu & bello, præter eas quas prouincia bello ardens colligere copias iubetur, triginta peditum, & quinque equitum millia, prouinciarum à bello immunitum stipendio, ad Regij iuris tuitionem, conscribantur; vnàquaq; pro numero antè singulis indicto, ad triginta hæc quinque millia concurrente. Si verò maioribus Rex copijs (quòd fortè maior sit necessitas) egeat, tot ei singulis tunc indicare milites liceat, quot ad hoc periculum auertendum opus habebit.

Neque recens id inuentum est. etenim idem olim Augustum Imp. factitasse, Rom. loquuntur historiæ: cùm enim à Marcomannis bello

peteretur , nec militi conscribendo publicum ærarium sufficeret; pop. Romanus, pro facultatum ratione, militem vnum, aut duos, aut etiam plures, suo quique ære conscriptum ei submiffere. quo vltroneo populi subsidio Marcomannis subactis, Imperium Rom. ab instante Augustus ruina vindicauit.

XIII. Decimò tertio, cùm omne hostium robur & potentia mercimonijs contineatur , rebelliumque prouinciarum opes è negotiorum & commerciorũ tractatione potissimũ proueniant; ante omnia , & quàm maximè necessariũ censeo, omnem illis negotiandi viam præcludere & succidere. sic enim fiet, vt omnes sibi neruos præcidi existiment . Iam cùm belli neruus sit pecunia, & sine hac illud omnino geri nequeat; sequitur , omni ab hoste abactò commercio, & qui ex illo sequitur prouentu, tolli quoque vnicam eius quam militi satisfaciat, rationem. Notissimum adhæc, omne illius commercium in mari, & varijs per Europam fluminibus potissimũ agitari. Illi ergo neruos si incidere vult Rex, maris & fluminum vsum ei auferat , & eneruis concidet. Fiet hoc Primò , si fluminum , quæ Regij iuris sunt, & à Regijs propugnaculis insidentur , vsum ei adimat ; & imprimis Scaldis, quo Antuerpiani & aliò sua conuehit, & alia euehit ; Mosæ, quo Traiectum & Venlonam; Rheni denique, quo Rinbercam & aliò. Secundo,

do, Visurgim & Albim primaria Germaniæ flumina, aut per se, aut per Cæsarem, qui illorum varijs in locis potestatem habet, illi occludat. hacque ratione, omne ei cum Germanis commercium, à quo potissima annuorum eius proventuum pars dependet, præscinderetur. Ipsa denique cum Gallis negotiatio aut eripi, aut periculosa admodum reddi poterit, per eam quæ Flandrico in littore Rex instructam habebit classem.

In quam (vt Regem nonnihil exoneremus) vicens hæ provinciæ cōtribuere naues (quem admodum num. decimo tetigi) possent: Flandria quatuor, Brabantia cum Mechlinia tres, Hannonia duas, Artesia duas, Insulana ditio duas, Namurcensis vnam, Cameracensis & Tornacensis vnam, Geldria vnam, Luxemburgensis ager duas; Limburgensis, Falcoburgensis & Dalemensis vnam; Lingena, Grolla, Oldenselia & vicinus ager vnam. Præter has, Præsules Artesiæ duas, Hannonij duas, Flandrici vnam, Brabantini vnam, Cameracenses cum Tornacensibus vnā; Luxemburgenses & Namurcenses simul vnam, & reliqui omnes iunctim item vnā. quæ simul omnes vndetriginta nauium classem constituent. Addi his possentæ, quas suo hinc inde priuati ære & opibus parare vellent. Prædam autem, quam ab hoste in mari referent, rei naualis præfecti, pro impensarum cu-

iusque portione & magnitudine, inter singulas (Regio fisco solum decimâ eius parte assignatâ) ex æquo dispertiantur. Nullum verò in hæc naues prouincijs ius & auctoritas sit; solum sua tam epibatis, quàm socijs naualibus ac militibus stipendia mensibus singulis submittere, & suas singulæ rebus necessarijs naues instruere procurent. Huic prouinciali classi si Rex aliam viginti nauium addere de suo vellet; resistendo hostis non foret, & omnis illius cum Gallis negotiatio penitus corrueret.

At ne fortè noua hæc nauium adornatio Belgicas prouincias nimio opere grauaret; posset, Rege annuente, commoda hæc iniri ratio. Vt

Primò, vnaquæq; vnus camini domus in Regio imperio parentibus locis sita decem quotannis stuferos penderet; duorum caminorum, florenum; quatuor, duos; sex, tres; octo, quatuor; denum & amplius caminorum, sex.

Vel quarumlibet ædium, per iuratos rerum æstimatores, pretia pensarentur, &, pro pretij quantitate, vnaquæque aliquid annuè penderet. Quod aliàs factum non rarò, anno namque M D. LXXXIV. septingentesimū, anno M D. LXXX. quingentesimū, anno M D. LXXVI. trecentesimū, anno M D. LXX. centesimum, anno M D. LXVIII. & LXXI. & alijs vicesimū, imò annis M D. LXXVII. LXXXI. & LXXXIII. decimum, domorum, ad valorem taxatarum; nummum tributi nomine datum

datum fuisse constat. Quod & à rebellibus sæpius est vsurpatum. Aded vt Regi subditæ provinciæ nullam de grauamine hoc conquerendi occasionem habeant, dum in bona, pia & iusta causa conferunt id, quod hostiles in mala, impia & iniqua non illubenter & contribuerunt, & etiamnum contribuunt, non è domibus solum, sed & vniuersis possessionibus immobilibus, pro taxatione à superioribus ad rerum valorem facta. Pudeat, prouincias Regias minorem in vera Religione promouenda, & patriæ salute & incolumitate quærenda zelum & affectum ostendere, quàm hostis in falsa fide, & noxia libertate sua tuenda ac constabilienda, libenter & sine vlla repugnantia indies ostendit; dum & ducentessimū bonorum nummum, & singularum domorum tributum non inuitus pendit; idque præter alia noua & penè incredibilia, animalibus, rebus ad victum necessarijs, & penè omnibus vsu consumptibilibus imposita vectigalia. Quin imò virorum fide dignorum relatione accepi, nuperrimè ac recen-ter domorum singularum possessores septimum, agrorum quintum nummum iussos pendere. Quod sanè intolerabile est grauamen.

Secundò, in singula hominum Regi in Belgio parentium capita, annuus trium stuferorum census imponeretur; ab hoc tamen soluendo pauperes & tritiales exciperentur: heri autem

& heræ pro famulis cum penderent, ita tamen, vt ex addicta in annum mercede nihil his decederet.

Tertiò, singula agrorum iugera binos quottannis stuferos exsoluerent.

Quartò, nullæ à Tabellionibus, Secretarijs, alijsuè scribis tabulæ instrumenta uè, in quibus centum florenorum res agitur, conficerentur, quin Regi pro ijs florenus persolueretur: in quibus verò plusquam mille florenorum res ageretur, sex. ac simul indiceretur, nullum instrumentū ratum & legitimum fore, aut robur habiturū, quod Regio non fuerit sigillo, hunc in vsum sigillatim cuso, signatum & munitum. quod valoris munimen habere qui vellet, præscripto id ære redimere deberet.

Quæ omnia si per prouincias executioni mandentur, & exactè seruentur, non viginti modò, sed & quadraginta, vel etiam quinquaginta, naues rebus necessarijs instrui, stipendia menstrua ijs persolui, & amissarum in locum aliæ non incommodè substitui poterunt. Hoc pacto fiet, vt omne in mari commercium securè tutoque exerceatur, nec ab hostilibus nauibus inturbetur; omnis quæ patet regio mirum in modum locupletetur; omne mercimoniorum & opificiorum genus ad obediens Regi prouincias ex hostilibus traducatur; denique summo Rex grauamine exoneretur, hosti
verò

verò omnis penè lucrandi materia & occasio eripiatur.

Quis hoc prouincialibus graue fore dicat, cum tam exiguo, & propè nullo, & quem ne sentiant quidem, censu centuplū sint lucraturi?

Ab hoc autem onere nullus, quocumque tandem colore & specie exemptionem prætentat, eximendus esset; non palatini, non Consiliarij, ne quidem Velleris aurei Equites; soli illi, qui sub Mendicantibus Ordinibus censentur, & palàm pauperes.

His adiungere possumus & alium auri parandi modum. quotquot alteri litem, in qua de centum & ampliùs florenis controuertetur, intentare volent, sex priùs florenos pendant oportebit illi, qui singulis in opidis & pagis hunc in vsum constituetur; in quos, lite demum peracta, condemnabitur quisquis causà ceciderit. Hoc si fiat, litigantium & actionem nulli non intentantium prurigo non nihil comprimetur, & ad classem prouincialem bonum patrium insigniter promouere natam maximopere conducet.

Neque verò singula hæc reipsa executioni mandanda sunt; sed vel simul omnia, vel potior illorum pars, prout reip. expedire Rex iudicabit, & prout maiorem aut minorem subditorum erga eadem propensionem, pro temporis opportunitate videbit.

In

In singulorum capitum censu maximam fore credo difficultatem. Minimè tamen recens inuentum id est, sed ipsi etiam hosti hodie vsurpatum, & olim in Palæstina Regibus Israel; nec vllus è filijs Israel vmquam ei legitur refragatus, cum tamen didrachmum vel semissiclum, id est duos regales, annuè singuli capitati pendere.

Quod ex agris & iugeribus petendum monui tributum, quamquam ipsum perexiguum, Principibus ac Magnatibus vsque adeò gratum non existimo futurum; quòd hi sese ab omni agrorū onere & grauamine immunes iactent. At viso, quod hinc consequetur, emolumento, & incredibili reip. totius bono, nullus dubito, quin oneri huic etiam vltro & quàm libentissimè sint subscripturi, quò tandem aliquando belli finem videant, quem certè numquam sunt visuri, nisi maris imperium occupemus; quod hisce, & alijs id genus modis haud ægrè parabitur. Neque verò perpetuum id onus futurum est, sed quamdiu bellum durabit: illo enim finito finientur & grauamina.

Vnde in spem venio, fore vt etiam Ecclesiastici & Præsules Religiosi huic rei non inuiti sint assensuri, viso quod per bellum suis in prouentibus & fructibus patiantur dispendiū, & quod, illo sublato, in ijsdem sperare debeant compendium. Ac quemadmodum è bello hoc
in

in nullos maius quàm in Ecclesiasticos damnum redundat, ita nec ex armorum cessatione, aut pace maius ullis accedet è prouentibus commodum quàm Ecclesiasticis. Æquissimum ergo & par est, exiguo huic eos tributo quàm libentissimè assentire, è quo tam immensum indubitatè ad ipsos commodum deriuabitur.

Optarem porro, naues hasce bellicas in maritimis Flandriæ opidis stationem habere, vt omne rebellium cum Gallia & Britannia commercium & negotiationem, quantum fieri potest, disturbent & frustrentur. Ceterum isthæc nauium communibus prouincialium sumptibus parandarum ratio nuperum non est inuentum; sed iam olim etiam apud Romanos rerum dominos vsurpata, cum singulæ, pro potentia & opum ratione, prouinciæ suo classem ære instruerent, fouerent, & per quæstores quæque suos menstrua stipendia adnumerarent. Hæ verò naues numerosissimam certè constitutebant classem, qua orbis sibi imperium populus Romanus vindicauit. ac si quam harum aut tempestate mergi, aut ab hoste intercipi, aut alio incommodo perire contigisset; illius in loco aliam prouincia, cuius nauis perierat, sumptu suo sufficiebat; vt nec nauium vmquam numerus imminueretur, nec maritima populi potentia decresceret.

Decimoquartò, mirè ad rem faceret, si Rex, XIV.
quò

quò aliquam Belgicis suis prouincijs locupletandi & lucri comparandi materiam suggereret, mercatoriam quamdam viginti, aut plurius etiam, nauium societatem erigi permetteret. in quarum instructionem varij promiscuè, tam Ecclesiastici quàm sæculares, tam nobiles quàm plebeij, ac potissimum mercatores, vltro nec & sponte symbolam conferrent; & pro impensæ & contributionis ratione, optati quisque lucri particeps fieret.

Vt autem in hanc quisque societatem fortius libentius conferat, necesse eam foret quibusdam à Rege priuilegijs & immunitatibus donari. Atque in primis, vt omnes hisce nauibus impositæ merces, tam ex Hispania in Belgium, quàm è Belgio in Hispaniam vehendæ, vltiori inquisitioni non subiacerent.

Secundò, hæ tam euectæ quàm inuectæ, è consuetis Regi pendi vectigalibus minus (videlicet è quatuor partibus tres tantum) persoluerent, quàm quæ alijs nauibus ad societatem hanc non spectantibus imponerentur. Quæ vectigalium detractio adeò ærarium Regum & proventus non imminuet, vt insigniter etiam sit adauctura. Hinc enim consequetur Primò, vt plures longè vltro citroque merces inuehendæ euehendæue sint. Secundò, Hispanæ merces in Galliam, Britanniam, Germaniam, & alias prouincias minore sint copia exportandæ. illa quip-

pe regna & prouinciæ , quò huius vilitatis pretij aliquam ad se partem deriuent, è Belgio potius, vt duobus aut etiam vno in centum minoris eas emant , quàm ex Hispania has petent. Vnde maximum Regionum vectigaliũ & portorum consequetur augmentũ. etenim cum ex emptis in Hispania, indeque in Galliam, Britanniam, Germaniam, & alias regiones sibi non parentes auhendis, mercibus nonnisi vnicum, in euectione, Rex vectigal percipere soleat; ex omnibus Belgium petituris duplicatum id percipiet ; primum in Hispania cum exportabuntur, alterum in Belgio cum importabuntur. Vtque res exemplo notior fiat, fingamus Hispanas merces cum inde aliò exportantur, duodecim in centum pendere. ex omnibus ergo quæ in Galliam, Angliam, Germaniam, & alia loca auhentur, nonnisi semel duodecim in centũ Rex recipiet: inuectæ enim in terras quæ illi non parent, quidquã vt ei pendant, non est quod exspectet. at ex ijs quæ ex Hispania in Belgicas emittuntur prouincias, bis portorium percipit, primum in Hispania, alterum in portibus Belgicis. Ac licet è duodena illa parte nonnisi nouenam percepturus esset, ob duplex tamen iam vectigal, duodeviginti in centum illicedent, cum è mercibus aliò exsportandis nonnisi duodecim. Iam cum merces, aliò auenti solitæ, in Belgium sint, quò inuiminationem illam

Iam vectigalis sentiant, auhendæ; fiet, vt Regio ærario, ob geminatum vectigal, multum hacratione accedat. Gallis quoque, Anglis, Germanis compendiosius erit, Hispanienses merces è Belgicis portubus & emporijs auhere, persolutis hîc vectigalis loco decem aut vndecim incensum, quàm in Hispania duodecim; partim ob hoc quod dixi compendium, partim quòd regnis illis commodius multò sit, illas è Belgio quàm Hispania petere; sumptu quoque & periculo minori.

Tertiò, vt omnes Hispanas merces, in Galliam, Angliam & Germaniam auendas, nouo vltra consueta & prisca vectigalia, Rex onere grauaret, alia inquam quinque incensum illas pendere iuberet; à nouo autem hoc onere exciperet illas, quæ ex Hispania in Belgium Regium dictæ societatis nauibus importarentur. Erit hoc dictæ societati cum primis lucrosus, & in causa, vt quæ ex Hispanicis opus habebunt exteri, è Belgio petaturi sint, quòd grauen hoc vel totum, vel in parte effugiant. Neque insolitum ac nouum hoc est, nec etiam exteris graue aut insolens videri poterit, cum & alij Reges & Principes, quoties eis visum fuerit, & expedire iudicauerint, suorum regnorû merces ad aliorum Principum prouincias conuehi solitas, nouis tributis grauari pro more habeant, nemine aduersus illa reclamante, aut ipsos

ipsos iniustitię damnante; quòd Reges ac Principes ius habeant domi suę nata, & ad alienos auhenda, cùm placuerit, grauandi.

Quartò, vt omnia opera mechanica, quę in Regio Belgio aut modò fiunt, aut olim fieri solita erant, at modò in rebellibus, aut extra Regium imperium sitis locis fiunt, prohiberetur, capitis pœnâ inuehenti propositâ; nulla verò alia permitterentur, quàm quę in Regio Belgio facta, dictę societatis nauibus uehantur. Vnde fiet Primò, vt hostis aut tota, aut potissima opificiorum ac manualium operum negotiatione priuandus sit, ideoque plusquam octoginta familiarum millia, hisce operibus tantum victitantia, Hollandiam desertura sint, omni propè horum operum ad exteros auetione, hoc edicto Regio, exclusâ aut prohibitâ. Erit hoc in causâ, cur annuus rebellium prouinciarum prouentus incredibile passurus sit detrimentum & imminutionem. hisce enim mechanicis & opificibus, qui numero plurimi, migrare & alias sedes quærere compulsi, non modica prouentuum Hollandicorum qui è rerum comestibilium & consumptibiliũ emptione & vsu colliguntur (in quibus tamen annui eorum prouentus pars potissima sita est) portio annuatim deperibit. Hoc autem Regium edictum non est quòd alię prouincię aut regna carpant, cùm alia id genus edicta decretaque

F

apud

apud ipsas etiam in vfu sint. Sic enim Anglorū Rex omnem externam lanam, stannum, plumbum; Francorum, diuerfa exterorum opera, atque in primis adamantes sculptos & politos, in regna sua inferri vetant.

Vtque apertiùs rem tangamus, & ad particularia descendamus, prohibere & excludere Rex posset, i. omnes eos pannos laneos, nigros & albos, quos vocant *Hollantsche saeyen*, Hispano vocabulo *Xergas*, vel *Anascotes*: qui Leydis aut Delfis vt plurimùm conficiuntur, cùm Honfchotanorum, Brugensium & Iprensium merces ea sit propria. 2. Telas lineas, tum albas, easque partim subtiles, & arctè complicatas & constipatas, partim spissiores in longum expositas, ac diductas; tum etiam crudas & naturales, nec soli expositas: quas Harlemium potissimùm suppeditat, cùm tamen apud Siluæduceses, Gandenses, Endouientes, & alios non minore industriâ & arte parentur. 3. Omnia mapparum & mantilium lineorum floribus in-textis genera, Cortracensium opus & artem. 4. Telas gossipinas albas, quas Brugenses submittere solent. 5. Varia Antuerpiensium opera, putà pannos sericos floridos, holosericos villosos, damascenos, & alios id genus; alios item è lino & serico, alios è serico & lana diuersimodè, cum floribus & sine floribus opere phrygio textos; rasos alios, alios non rasos; alios auro falso

falso in speciem intertexto (quos propriè dicunt *smallekens van garen*, *syde ende valsche goudt*, *boeren-kassien*, *garen-damaskens*, *ghenopte*, *burattē*, vel *telillas de hilo*, *dichas de seda*, y con orò *falso*, *telillas de borlilla*, o *motillas*, *cassates de hilo*, *damasquillos de hilo*, *fileyles de todas suertes*.) item aciculas, acus, vncinulos, zonarum æreas & ferreas fibulas, lineas omnis coloris ligulas, denique omnis coloris filum lineum. 6. Tapetia, quibus texendis Bruxellenses, Antuerpienses, Aldenardenses, & Angianenses excellunt. 7. Eos pannos laneos, quos *cangeanten*, *baracanen*, *pluymkens*, *ghesfigureerde trÿpen*; aut *lanillas negras y de color*, *baracanes d' albornoſes*, *telillas de morte*, *tripillas terciopeladas*, vocitant; quos, vt proprios, sibi Insulenses & Tornacenses vendicant. 8. Filum candidum & sole dealbatum; hoc sibi Gandenses. 9. Tibialia lanea, varijs è filamentis texta, & alias id genus vestes, vt interulas, & foccos pedales, quæ Bruxella & Tornaco peti solent. 10. Omne filamentum lineum textum, quod Bruxellis & Siluæducis parari textique consuevit. 11. Texturam muliebrem & puellarem, tam è filo lineo quàm serico textam (nomine *Breynaet*, vel *punteria*) & alias id genus minutias, quæ in varijs Belgij Regij locis ac ciuitatibus confici solent: denique omnia manualia opera, quæ hisce in prouincijs aut olim fieri solebant, aut etiam modò fieri possent. 12. Pan-

dire. Etenim fieri posset, vt tres quatuorue naues, pretiosis tum ex Hispania, tum Belgio petitis, mercibus onustæ in hostiles myoparones inciderent; quarum amissio duodecim aut quindecim centenis florenorum millibus vix pensaretur, irreparabili societatis huius cum damno, & incredibili hostium compendio. Superiore anno satis id ipsum in Anglis experti sumus. Vt hæc ergo pericula euitentur, plures in freto naues & milites, quàm hostis, Rex habeat oportet, tam ad omnem, vel partem saltem, negotiationem Hollandorum cum Gallis & Anglis disturbendam, quàm ad nauibus hisce socialibus securitatem & præsidium præstandum.

Non me fugit, quod ab ærea Hispanorum pecunia (*quartos* vocant) societas hæc accipere damnum queat. mercibus enim Belgicis in Hispaniam, vt ibi venundentur, appulsis, & argenteæ pecuniæ defectu, æreâ diuenditis; sequitur, vendentem, si aureâ vel argenteâ sibi solui velit, aut quinquaginta in centum perdere debere (quod malum vt euitet, necesse habebit merces suas dimidio plus grauare; quod in graue plebeculæ dispendium cedit:) aut, si æreâ recipere non abnuat, quam dein cum argentea commutet, eum, quò fœnus illud collybisticum euadat, merces suas antequam distrahat, grauare; aut, si æreâ suâ alias Hispanienses emergere cupiat, putà oleum, salem, vinum,

&

& alias huiusmodi ibi natas, has ideo illum empturum carioris, quòd pretium illarum æræ sit persoluturus. Hispanienſis enim venditor tantum ſuas grauat merces, quanto æs argento eſt vilius & pretij minoris. vnde emptorem, cùm hæſce in Belgium inuehet, viciffim eas grauare oportebit, ne quod in ijs detrimentum accipiat. Quod nimis quàm graue onus eſt. imò, niſi aliqua æræ huiusce pecuniæ Hiſpaniâ proſcribendæ ineatur ratio, fiet breui, vt, quod ex permutatione apud nummularium æris in argentum ſequitur diſpèndium, ad centeſimũ in centum adſcendat. Miſera ſanè res, à qua totalis regni opulentiffimi ruina dependet. Et ea noſtra eſt cæcitas, vt malum in quo verſamur, minimè videamus, & vltro nos in pecuniarias hæſce voragines præcipites demus; aut ſimplicitas & veſania, argentum vt æri poſtponamus; aut arrogãtia, vt toties nobis propoſita remedia uſurpare nolimus; aut denique tam iurati patriæ ſumus hoſtes, & ſingulares iuratiſſimorum hoſtium noſtrorum amici, vt dextra illorum propinatum aconitum vini inſtar ſapidiffimi, obbibamus, totali patriæ noſtræ cum deſtructione & interitu, & orbis totius ludibrio, vt qui aurum omne & argentũ à nobis proſcribimus, quò æra redimamus; & quotquot Europâ ſunt gentes auro noſtro diuitamus, quò ipſi ad inopiam redigamur. Itane nos cæcutire ac deſi-

re, & non videre, omnium nos gentium hac ratione ludibrium fieri & opprobrium? Nupera & inopina illa aquarum nos inundatio mirè affixit; turbauit quoque, non immeritò, inexpectata illa Anglorum in agrum nostrum suscepta expeditio; hinc totà Hispaniâ concitamur, & identidem arma procudimus. & iure merito, neque enim vlla in hac re diligentia & vigilantia esse nimia potest. Et interim æreo hoc diluuiò libenter, & vltro, obrui gaudemus, & per vniuersum regnum nostrum æra spargimus, decuplo nocentius paritura damnum, quàm decem Anglicanæ Batauæque classes.

XV Decimoquintò, vt propè omne maritimum ac nauale hosti eripiatur commercium, opus, meo iudicio, foret

Primò, freti Gaditani angustias illi præcludere, eoque illum, quà licet, excludere. hoc si fiat, nullum ei in Mediterraneo, Ligustico, & Adriatico mari, nullum cum omnibus Italis; Massiliensibus, aliisque in Gallicana illa ora gentibus, supererit commercium. Fiet hoc, si angustias illas quindenæ triremes, & totidem naues, armis & milite instructissimæ, insistant, quæ vicinis in portibus, Gibraltariensi & Alybenfi (Cèutani vocant.) quorum hic in Africa, ille in Hispania, stationem ordinariam fiant. Has suis Bætica sumptibus instruant; ea tamen conditione, vt quas de hoste referent manubias

nubias & prædas, ipsis ad impensam commodiùs sustinendam cedant. Nullum tamen aliud in hæc naues illis ius & imperium sit, quàm eas fouere, in socios nauales, militem & epibatas menstrua stipendia curare, & rebus omnibus necessarijs instruere, decimâ tantùm de hoste relatae prædæ parte fisco Regio in iuris recognitionem reseruata. Quid porro facilius, quàm freti huius fauces & angustias communire, & illis hostem depellere, vtpote quæ varijs in locis vix tres in latitudinem leucas patent? Mirificè porro huic intento deseruiet, si decem in Sardinia instructissima nauigia, Sardorum & Corforum impensâ, parentur, & passim per Mediterraneum mare prædas agant. quod illos haud illubenter facturos autumo, si captam ex hoste prædam Rex illis concedat.

Secundò, Orientalis Indiæ nauigatione hostem excludere; cui ille supra sexaginta vertente anno naues nongentis viris instructas, vltro citroque commeantes dedicat, quæque ei modò tres, modò quatuor, modò quinque, & interdum etiam sex, florenorum milliones, æquatis inter se annis, annuatim parit. Hæc porro nauigatio à nouem aut decem onerarijs, optimè instructis, in insula à S. Helena cognominata stationem habentibus, (ad hanc enim hostem ex Oriente domum redeuntem necessariò oportet appellere, ad nauigia instauranda, & æ-

gros, quos habet plurimos, recreandos & curandos) tolli & impediri potest. Adeò vt quæ recenter à statione prodit, & à nauigando hactenus cessauit, naus vna duas tales, vtpote laceras & præfidiarijs exhaustis defensionì inutiles, facilè superatura sit. quod eo factu facilius, quòd hostis vt plurimùm non nisi tres ad summum naues domum amandet, quas Rex, vtì & omnes quas conuehant merces & pecunias, haud ægrè sibi vindicet.

Tertiò, cum commercio cum Guineensibus priuare. huic ille navigationi supra viginti naues, quadringentis hominibus infestas, impendit. quod autem ex illa annuè prouenit lucrum, vnum florenorum millionem, in Occidentalis Indiæ societatis emolumentum cedentem, excedit. Quæ naues, quòd in opidis maritimis & in littore potissimùm, viginti aut triginta leucis ab inuicem remotæ suas merces distrahant, & alias coëmant, à viginti armatis & optimè instructis, paruo molimine subigi expugnariq; possunt. Ad hanc rem necesse foret, naues nostras Februario mense in Guineam appellere; quòd hostis nonnisi circa Aprilem discessionē in Hollandiam parare soleat.

Quartò, commercium Groenlandicū, quod potissimùm in balenarū captarum adipe, muria & ossibus cōsistit, & cui annis singulis quindecim sedecimue naues applicantur, & è quo
plur-

plusquam octingenta florenorum millia quotannis proueniunt, intercipere. quod sanè disturbatu facillimum est, cum naues eò proficiscentes vix armatæ, & paucissimis epibatis sint instructæ: tum verò, quòd Holladi nostris Vascenis transfugis, quos auro sibi pararunt, & iam inde à Cantabria & Biscaia ad se pellexere, destituti balenas capere nequeant. Vnde si Rex his sine vlla exceptione delicti veniam indulgeret, & alijs promissis & sponsonibus ad obsequium suum, hostique valedicendum pelleret, in caussa esset vt, transfugis domum redeuntibus, mare Boreale balenarum ergò hostis nauigare cessaret.

Quintò, nauigationem in Moscouiam, vnde pelles ferinas, ceram, & alias id genus merces petunt. lucrum huius quotannis ad sexcenta propè florenorū millia pertingit. octo ad summum huic destinantur nauigia: quæ non difficile foret intercipere aut disturbare, quòd à defensoribus & armis non satis sint instructa.

Hæc sunt præcipua loca, ad quæ Hollandi merces deuehunt & auchunt, quibus per pauculas Hispanorum naues excludi & impediri possent. Et sanè probrosissimum, turpissimum, & numquam ignoscenda negligentia est, Hispaniam omnium harum nauigationum dissipationem & exclusionem in manu habere, nec vnquam eam tentare, cum tamē tot florenorū mil-

milliones hosti ex illis annuatim proueniant, sempiterna gentis nostræ apud omnes cum infamia & opprobrio : quibus proinde persuasum est, nos studio bellum hoc alere, & illò velut delectari, dum hosti materiam vltro quodammodo ad bellum hoc sustinendum suppeditamus. Hoccine quis sibi persuadeat? hoccine cuiquam in mentem veniat? vbinam nostra sapientia? an non meritò nos gentes omnes explodant? sexaginta ipsos annos, nos hoc tolerare potuisse? quàm intolerabile hoc Hispanorū est phlegma & morositas? quis hūc nobis errorem condonet? tametsi lapidei essemus & bruti, cæcitatem sanè hanc videremus. *Vala me Dins!* Ignosce; Hispana enim cholera & bilis mihi mentem propè eripit.

XVI.

Decimosextò, quò maris sibi Rex imperium vindicet, potentem in eo classē instrueret necesse foret, quæ per varia dispersa loca hostem vndiquaque mari excludat, & plenum eius dominium Regi suo consignet. Quod vt sine Regij ærarij sensu & damno fiat, omnia regna & provincias naves quasdam adornare, & impensas earum sustinere oporteret; Castellam Veterem sex, Nouam item sex, Lusitaniam sex, Aragoniam quatuor, Catalauniam sex, Valentiam & Murciam quatuor, Granatense regnū duas, duas item Galæciam, & duas Cantabriam, totidem Nauarram, Neapolitanum regnum sex, Sicu-

Siculum quatuor, Mediolanensem denique Ducatum quinque; vniuersum duodesexaginta naues.

Magnates porro Hispaniæ, quos *Grandes* vocant, quiq̃ue ibidem & domicilium stabile, & facultatū suarum prouentus habent, quorumq̃ue annuus reditus duos & dimidium auri miliones exsuperat, & quidquid sunt omnemq̃ue magnitudinem suam Regi debent, non pauciores quàm sex, pro rerum suarum magnitudine, instruere naues par est.

Alios verò Duces, Marchiones, Comites Hispaniæ, quorum prouentus tres auri miliones excedit, non pauciores sex.

Archiepiscopi quoque & Episcopi Hispaniæ, qui suam à Rege promotionem accipiunt, non etiam pauciores quàm sex, rebus omnibus necessarijs instruere naues debent, cum tres ferè auri miliones suis è prouentibus annuè recipiant. Non pauciores item Abbates, Præsules, Canonici, quorum reditus non cedunt prioribus, imò & superant non parum.

Militarium Ordinum collegæ, quorum prouentus annuus in auri millionem & amplius excrefcit, duas etiam Regi naues adornent, cum nonnisi Rege donante, sacre illi militiæ inferantur.

His adde Indiam Orientalem: non enim potest hæc pauciores sex, rebus omnibus instruat,

etas,

Ætas, Regi suo naues submittere. Quid verò America, Perüa, Mexicana, Brasilia, & omnia ei vicina regna, Regi suo minus dare possunt, quàm decem instructissima nauigia, eisq; de annua impensa prospicere? Itaque nullo suo impendio, & sine vlla ærarij inaminitione, centum nauium, de rebus omnibus prouisarum, classẽ Rex habebit; quarum epibatis & militibus ea, quæ diximus, regna ac prouinciæ, Ecclesiastici & Magnates, stipendia menstrua de suo numerarent.

Non potest autem hoc cuiquam videri graue: impensis enim pro facultatum vniuscuiusq; magnitudine diuisis & distinctis, onus hoc & grauius nimis quàm exiguum, neu dignum vt id quisquam suscipere detrectet, esse deprehendetur. Hoc tamen Regi non mediocri erit subsidio, & pleno maris imperio parando, pacificeq; semper possidendo, peropportunum. quod vbi habuerit, non est quòd vlla cuiuspiam arma metuat, cum, ad omnium Regum potentiam infringendam, mare liberum ei velut viam aperiat. Etenim nauium suarum commoditate, potentiâ & adminiculo, ad ferè omnium Regum oras maritimas appellere, easq; infestare poterit.

Cui classi voluntariæ si quinquaginta suo ære paratas adiungere & sustentare Rex naues vellet, centum quinquaginta nauium staret classis:

classis: quæ vniuerso mari occupando, æmulis omnibus edomandis, rebellibus suis haud ægrè compescendis, & vicinorum Regum ac Principum armis, vt nec se mouere, nec prouincias Hispano Regi rebellantes auro & milite iuuare auderent, retundendis, nimis quàm abunde sufficerent.

Decimoseptimò, non inconsultum foret, **XVII**
 Antuerpiæ, & in nonnullis oræ Flandricæ locis ad hoc peropportunis, minora nauigia, vti actuarias, celoces, liburnicas, dromones, & minoris formæ triremes parari; quæ Zelandicas insulas excursionibus suis fatigarent, & exscensione subinde factâ agros depecularentur, neque vllum domi suæ tutum ac securum esse sinerent; vt bellum reipsa sentiant, & non velut in tabula depictum videant, aut libris descriptum legant. Quod si fiat, mirabilem mox in harum insularum incolis mutationem videbis; quorum modò ea est arrogantia, vt seipsos non noscant, cunctis insultent, Regum omnium potentiam eludant, inuincibiles se esse rati, quòd quid bellum sit, factò non experiantur; eorum denique superbia etiam nubes transcendat, quòd à nemine sibi damnum aut vim inferri posse, & omnium sese armis & potentia superiores esse existiment. Sentiant tantùm nauium harum adminiculo, Regis sui arma, & ipsis noctu diuque non quietis, non tutis domi esse liceat, longè

gè aliter sentient ac loquentur, & elatus eorum animus longè infra aggeres & aquas subsidet.

XVIII Decimo octauò, optandum esset, omnia portoria, quæ *Licentias* passim dicimus, terra marique penitus inhiberi: his enim qui hostem priuat, è quatuor & triginti, quos habet, dentibus sex ei quodammodo eripit, cum duos florenorum milliones, id quæ nullo cum labore, *Licentia* ei quotannis indubiè pariant. Eadem quoque operâ esset vniuersum inter rebelles, & obediens Regi prouincias, commercium inhibendum, nulla vllis in rebus cõmunicatio permittenda, acri in delinquentes propositâ pœnâ; vt hac ratione, omnis mercium propriarum venditio, nec non emolumenta è vectigalibus, quæ tum inferendis, tum efferendis mercibus imposita sunt, prouenientia, hosti eriperentur.

Prohibendos quoque censerem libellos illos, quibus vltro citroque cõmeare liceat (quos *passportas* vocamus) qui non exiguum hosti compendium annis singulis adferunt; cum singuli ad annum duraturi libelli sex & triginta florenis redimantur. & quia plures id genus libelli tum à suis, tum à nostratibus peti solent, magnâ auri vim inde redigit. Si enim verum, quod vulgò fertur, quinque aut sex huiusmodi libellorum millia; pauculis abhinc annis, ab hoste petita fuisse; inde efficio, horum annorum singulis hac è pecunia & redemptione, supra
du-

centa & viginti florenorum millia eum conflasse. tantum quippe circiter in annum efficient sex libellorum millia. Est hoc insignis inimico ad sumptus extraordinarios tolerandos subsidium; quod non sine magno sensu, & cum notabili annuorum prouentuum decremento illi eripietur.

Decimononò, Regio Belgio commodum, re- **XIX**
belli autem (cuius omnis vis & potentia in mercimonijs ac nauigatione sita est) incōmodum foret, & securitati, tutelæ, munitioni patriæ parandæ perutile, si Mosæ in Demeram flumen vel aliorum, Antuerpiam ut decurreret, deriuaretur, Rhenus verò Mosam influeret. quod parua satis peragi potest impensâ: etenim vix quatuor leucarum vtrimque ducendus & effodiendus est riuus. Incredibile dictu, quantum per horum fluminum concursum & connexionem mercimonia florerent, vectigalia Regia crescerent, & omnis quâ patet regio omnigenis mercibus abundaret. Hinc enim fiet, ut omnis ad Belgium Regium cum Colonienſibus, Iuliacenſibus, Cliuijs, Marcanis, Montenſibus, Westphalis, Treuirenſibus, Moguntinis, Palatinis, Francofurtenſibus, atque adeò Germanis omnibus, negotiatio & correspondentia sit cōmigratura: omnes quoque Leodiensium merces vilioris multò sint pretij futuræ, utpote ab immenso, quòd curru vehantur, sumptuum onere

nere iam liberæ. Augebit hoc immensum mercimoniam & negotia: nam vna triginta tonnarum (vt vocant) navis non plus merces, & earum vecturam aggrauabit, quàm modò duo currus; qui tamen simul non plus quàm tonnæ vnius onus vehere possunt. Adhæc, horum fluviorum adminiculo, omnia Rhenana & Mosellana per vniuersam prouinciam vinâ commodè conuehi & traduci poterunt, vti & omnigenæ Belgicæ Hispanæque merces per vniuersam Germaniam longè lateque diffundi. Hinc quoque fiet, vt, quod è Licentiarum inhibitione Germaniæ Principes passuri sunt detrimentum, (vtpotè quos propter eam multis exteris carere mercibus, & non modica mercium patriarum distractione frustrari oportebit) minus & tolerabile visurum sit; quòd, horum fluminum opportunitate, quas cumque è Belgio nancisci iam poterunt.

At dici non potest, quantum hinc hosti ortiturum sit damnum: omnes enim merces, ac præsertim aromata, quas, horum & aliorum fluminum opportunitate, in Germaniam magnâ copiâ numquam non conuehere solet, apothecis suis reclusas tunc seruare cogetur; quas diu seruatas multorum annorum situs deteriores reddet, & pecuniariû fœnus aggrauabit & demum consumet. Cogentur præterea opifices, præ mercium distractionis, venditionis, operum

de-

defectu, aut inopiam pati, aut patrijs sedibus relictis, aliò commigrare. Ligno quoque & omni fabrili materia, quod horum fluuiorum aqua potissimum ad illum conducebatur, necesse cum erit destitui; nos vice versa eo abundare. quod in causa erit, vt, quod modò carò apud nos venditur, vilioris veneat; apud hostem verò pretium illius multò futurum sit grauius. Adeò vt ei tunc naus quadruplo maiori constituta sit pretio, cum fabrillem materiam è Suecia & Dania intolerabili cum impensa; & ferrum, quod nunc Germania ei suppeditare maximè consuevit, è Suecia (esto Suedicum hoc, dimidio quoad valorem minùs valeat) petere compelletur. Idem de sclopetis, plumbetis, alijsque bello seruientibus rebus esto iudicium: quæ horum & aliorum fluminum interclusione, itinere verò terrestri iam præpedito & ablato, dimidio pluris ei haud dubiè stabunt; imò quibus, (quod maius:) horum fluminum vsu intercluso, penitus eum carere oportebit. Hæc denique fluuiorum diuersio agrum Transmosanum, Limburgensem, Falcoburgensem, & non parua Iuliacensis, Cliuensis, & Brabantini, partem à contributione hosti pendi solita eximet; Luxemburgenses verò à prædonibus & volonibus satis tutos reddet, itaque à magnis pecuniarum impendijs immunes præstabit.

Non foret item abs re, si Scaldis Antuerpien-

fium flumen in vicinum Netham deriuaretur, quod sine vllò propè impendio fieri potest. Non minùs ad rem facerèt, si Hulstani per Stekenam pagum riuum effoderèt, per quem tum Antuerpiâ, tum Gandauo sua peterent, & conducerent. cuius adminiculo Hulstum mirum in modum communiri, eiùque de omnibus rebus necessarijs commodè prospici, & vniuersus Wasianus ager non mediocre percipere posset emolumentum.

Neque recens est hæc fluminum aliò conducendorum abducendorumque ratio, sed & olim à Regibus, varijs in locis vsurpata. Sic lego Xerxem Persarum Regem Athon montē maximum perfodisse & velis peruium fecisse, vt commoda ex vno mari in aliud per eum omni-genis nauibus esset nauigatio, & qui ob eum nauigantibus faciendus erat, circuitus euitaretur; etenim ad mille quingentos passus Rex eum à mari præscidit.

Ptolemæus, Ægyptiorum Regum non potestremus, iam inde à Pelusio ingentem effodit fossam; quam, cùm tellus vniuersa aquarum laborabat penuriâ, laxabat; cumque inundationis nimie periculum imminebat, catarractis occludebat.

Sic & Myro, Ægypti item Rex, fossam iugeri latitudinē habentem è Nilo ad nouena passuum millia effodi, & ad lacum, quem priùs
parari

parari iusserat, ad trecēta septuaginta in circuitu milliaria patentem, vſq; conduci mandauit.

Sesoſtris Ægypti quoque Rex, hunc ipſum Nilum, iam inde à Memphi vrbe regia procurrentem, in plures deriuauit alueos: cum vt ager omnis aquis hiſce quaquaverſum irrigaretur, & ad ciuitatem regiam nauibus, ac proinde minore cum ſumptu, cōmeatus varijs è locis conduceretur; tum etiam vt Ægyptus, hoſtili excuſſioni vndique patens, hiſce interſecta riuis, ab eadem aliquatenus foret immunis.

Eandem ob cauſam Perſarum Rex Cyrus Gindin flumen in quadraginta & amplius amnes diſtinxit.

Nec viris ſolū id fuit propoſiti, ſed & Regina Semiramidi: viſo namque, Ecbatana Mediæ regiam, aquarum laborare pēnuriā, rupe tribus altā milliariſus excauatā, fluminis vicini aquam, quinque & quadraginta altam pedibus, per latiſſimam foſſam in urbem deriuauit.

Romanos ſi intueri velimus, ea illos in aquæductibus feciſſe comperiemus, quæ fidem apud poſteros vix inueniant.

Sic Claudius Imp. duos aquæductus, à Caio Caligula inchoatos, perfecit; quorum primum partim actis cuniculis ſubtus, partim per terram, ad quatuordecim paſſuum millia; alterum verò ad duodeſexaginta, etiam ſub & ſupra terram conduxit.

Sic M. Titius aquam Martiam per montes cōduxit; adeò vt sub terra ad quatuor & quinquaginta, super terram fornicatos per tubos ad septem passuum millia, & sub montibus ad bina flueret.

L. Flaccus, quod Curius antè cœperat, per continuum ferè saxum aquam ad duo & quadraginta milliaria in urbem deriuauit.

Nec insolens hoc aut mirum cuiquam videbitur; nam quæ de Sinarum aquæductibus historiæ produnt, fidem propè superant. Etenim vix vlla apud eos ciuitas, ad quā non aut natura, aut hominum industria flumen deduxerit, partim in negotiorum facilitatem, mercium translationem, partim in regni robur ac tutelam, partim in incolarum habitationem; cum plures in nauibus & aqua, quàm in opidis & terra commorentur.

XX. Vigesimo, communis est Regiæ prosperitatis amantium sententia, ad inimici potentiam prorsus eneruandam, & insolentem eius animum deiiciendum, nihil esse compendiosius, quàm si suas in hostilem agrum Rex copias educat: partim, vt Regiarum prouinciarum incolæ ab incommodis & damnis, quæ militaris & castrensis turba secum trahere solet, immunes agant; partim, vt hostis ipse belli incommoda suis etiam in visceribus sentiat; quòd alia nulla illius edomandi ratio appareat. Quàm
com-

commodissimè autè id fieri poterit, si eis & trans Isalam flumen duæ validissimæ, rebusque omnibus necessarijs, vt commeatu militari, annona, armis, milite, instructissimæ condantur arces: quas ambas pons naualis necet ac combinet. Fateor, Brefordiam commeatus aduectioni satis incommodare & nocere posse: at, cum opidi huius ciues nonnisi vnum per aggerem exire & redire possint, duabus arcibus utcumque paruis in vicinia erectis, hoc tolli incommodum commodè satis potest.

Vigesimalprimò, sæpiùs ex ipsismet Belgis, **XXI.** locorum omnium & adituum peritissimis, etiam in Hollandia & Zelandia natis, audiui, satius longè fore, vt, cum vicinorum Regum ac Principum potentiâ, armis, pecuniâ rebelles ita iuuarentur, vt, humanitus loquendo, eos subiugare videretur impossibile; tunc suis eos aquis Rex faceret innatare, omnes eorū agros, campos, animalia perfossis aggeribus immergendo, itaque omnem internam & domi natam potentiam eis eripiendo. quod, aggeribus varijs perfossis, factu haud difficile foret. itaque plusquam duæ tertiæ Hollandiæ ac Zelandiæ partes aquis inundarent, & ad annos plurimos inutiles manerent, aquarum præda. Quod ducentorum trecentorumue aureorum, qui rei huius executoribus re confecta addicerentur, impensa haud ægrè fieri posse arbitrabantur.

Et sanè, multò mihi videtur fatius, Hollandiam ac Zelandiam sub aquis mergam natàre, quàm suos Regem thesauros, non sine notabili Indiarum suarum si non amissione, saltem exhaustione, & sempiterna cum Hispaniæ inquiete, quæ suo præterea robore, tot generosis submissis militibus, identidem exhauritur, & non sine grauiorum periculorum, & maioris aliquot post annos iacturæ metu, incassum in eam recuperandam profundere. Si pari Hispania facilitate ab Hollandis obrui aquis posset, ad tri-
duum non expectarent.

P E L A G. Incredibili hæc animi mei cum gaudio ex te audiui: hinc viginti aureorū millia æquè cara non habeo, atque hanc tecum de Belgicis rebus à tanto tempore mihi expetitam agendi oportunitatem. Vnde etiam æternū me tibi deuinctum, & perpetuum clientem fore spondeo. Sed vnum est, quod persæpè mihi dubium mouet. Esto namque ex ijs quas attulisti rationibus sole meridiano clariùs videam, Regem Belgicæ suæ rebelli iugum posse imponere; aliquis tamen mihi superest scrupulus, in quo animo ipse meo neutiquam possum satisfacere, aut, quo minùs dubitet, impedire. Quomodo nimirum, si Galliæ, Angliæ, Daniæ, Suediæ Reges, ipsis Germaniæ Principibus etiam suppetias ferentibus, quò Hollandos contra Hispanorū potentiam tuerentur, apertè rupto
fœ-

foedere, vim omnem armorum aduersus Regem nostrum conuerterent; solus ipse tot potentium Regum impetum excipere, & suas à tanta violentia prouincias ac regna defendere valeret?

BONAVENT. Quoad Angliam, nemo id mihi facile persuaserit: norunt siquidem Angli, Hiberniam insulam commodissimum esse locum, quem nullo cum labore, & paruo impendio Hispanus queat occupare; vt quâ nulla in Europa prouincia commodiores tutioremque nauibus stationem præbentes portus habeat. Quos si Rex noster inuadat, quem Angliæ statum futurum putas, hoste tam vicino, & Anglicana littora quotidie infestante? Ipsa adhæc Anglia vndique & aperta, & accessibilis est, vix vt vllum munitum sit opidum, quod accedentem hostem arceat. Scotia quoque non minùs patet quàm Anglia, & nulla penè quæ hostili incursioni resistent, habet loca. Denique modum non video, quo necessariam bello alendo, aut nouæ semper classi comparandæ, Anglus pecuniam coaceruet vel inueniat.

De Gallia, multò id minùs timere possum. licet enim Galli exterius sæpè parum prudentiæ præseferant; suis tamen in consilijs ac propositis prudentes, maturi, cordati, viriles, & prouidi sunt: cumq; iam instat præ foribus periculum, non rarò eos prudentiores videas, quàm

alios permultos, qui magnum prudentiæ specimen nonnisi exterius ostentant.

Cur autem Gallus apertum, pace disruptâ, Regi nostro bellum minimè sit indicturus, his rationibus adducor vt credam. Prima, quòd arctissima & duplex inter eum & Regem nostrum intercedat affinitas: quamquã non ignorem, vix vllum apud Reges sanguinis sensum reperiri, cum vnicuique Regum regni sui salus, bonum, incolumitas affinis, sororius, frater, imò pater & mater sit. Vt quoddam Regem inter ac regnum, initum matrimonium dicas, cuius ille causâ sorores, fratres, patrem iuxtâ ac matrem relinquat & obliuiscatur.

Secunda, maior Gallorum Regis mihi videtur pietas ac religio, quàm vt cum fidei Catholicæ hostibus, eadem in causa aduersus sororium suum conspiret. IVSTI adhæc is passim cognomento dicitur; propterea neutiquam mihi in mentem venire potest, vt is apertam & sole meridiano clariorem Hollandorum iniquitatem & iniustitiam tueatur, & Christianis armis suis eos, aduersus naturalem, legitimum & natiuum Principem suum rebellantes protegat. Nam quemadmodum is meritò succenseret, si Rex noster rebellantes illi Rupellanos armis suis foueret, impiamque illorum causam tueretur & firmaret; ita & noster iniuriã sibi fieri queri iure posse videretur, si suis Franco-
rum

rum Rex armis contumaces & proteruos Batauos Regi suo rebelles protegeret, & iniquam illorum causam faceret suam. Quod enim quis dicat & obiiciat, non ideo Gallorum Regem Batauij Hispani iugum detrectantibus & rebellibus, Christiana sua subsidia mittere, vt illorū rebellionem foueat, causam iniquam tueatur, minùs etiam vt religionem adulterinam promoueat; sed vt Hispanorum arma à regni sui finibus auertat: id & Hispanus hîc poterit dicere, non ideo se Rupellanos Regi suo rebelantes iuuare velle, vt ipsorum rebellionem foueat; nec suppetias dare, vt aduersus legitimum dominum insurgant, regno eius vastationem inferât, ac perfidæ religionis suæ terminos longiùs extendant; sed dumtaxat, vt Gallorum à regnis suis potentiam amoliatur. quam non est quòd timeat, quamdiu illi Rupellensibus edomandis & cōpescendis distinebuntur. Et hanc, vnicam rationem videri, quæ Regem nostrum ad illos iuuandos posset inducere. At quis hanc in illo rationem probet aut dilaudet? Idem verò de Gallorum suppetijs & armis, quibus Batauorum rem fulciant, dicendum est.

Video adhæc, Gallum Valle Tellina recuperanda, & Sabaudo Duce aduersus Genuensium Remp. fouendo distineri; adeò vt, si se Regis nostri hostem palàm declarare vellet, tertium conflare exercitum, (quod sine ingenti pecunia-

nis-

niarum vi fieri nequit) cogeretur.

Demus verò, cum sese Hispano hostem declarasse. vbinam ergo prima hostilitatis suæ argumenta edet? In Belgas armorum vim conuertet? ijs certè haud difficile erit, vim vi repellere. non tunc & Aragonij & Catalauni quinq; ac viginti armatorum millia, suo ære collecta, paruo in Galliam negotio poterunt emittere? non Poloni & Croatæ, tali datâ occasione, viginti equitum immissis millibus vniuersam quâ patet Franciam vastare & depeculari? In Hispaniam potentiam suam & belli molem conuertet? non regnum eius, Germaniam & Belgium versus, vndiquaque patet, & incursionibus obnoxium est? In Germaniam ergo copias educet? Hispani & Belgæ nullo non tempore in Galliam possunt irruere. Et hæc illum videre non putas? adeone blennum & fatuum eum existimas, vt ab Hollandis quocumque velut naso comprehensum, se abduci passurus sit; aut vt, quò vnus Buckinghamij conceptum in nos odium & maleuolentiam vlciscatur, sexcentis regnum & omnes suos periculis exponere pro nihilo ducat?

Taceo præterea, quoad Rupellanos illum, vtcumque decies fidelitatē ei scripto iurassent, nullatenus posse esse securum. viso namque, militem Regium bello externo distineri, facile, quæsito in speciem colore & occasione, mu-
ni-

nitiora quædam opida Regi parentia, inuadent. quod ille certè nequit ignorare, vt qui ex historijs, & maiorum suorum gestis, Caluinistarum genium & indolem satis perspectum habere potest; non aliter pacem petentium, & quietem amantium, quàm dum res ipsorum domi afflictæ & propè desperatæ sunt: illam verò violentium, dum lætior alicunde affulgēt fors, & meliorem rerum euentum sperant; cùm probè gnari sint, in turbida aqua tutiorem esse piscatum. Ita porro me harum rationum pondera ac libramenta suas in partes pertrahunt, nemo vt facilè mihi persuasurus sit, Gallum initam cum Hispano pacem violaturum; nisi, ad peccata aut nostra, aut Gallorum, aut vtrorumq; castiganda, tale quid fieri Deus pèmitteret. quod de clementissimo illo Patre nos nefas est credere, vtpote qui regna illa & Rēgem vtrūque, perinde ac filios carissimos, tueri solet ac protegere (ringentibus licet ac freudentibus vtriusque aduersarijs) & semper, vti confido, conseruabit atque defendet.

Neque etiam mihi persuadere, aut à me ipso possum impetrare vt credam, Gallum cum Anglo, coniunctis pariter viribus, Hispanos adorturum. Norunt quippe Galli, adeò è re sua non esse, Anglum potentiā crescere: vt qui priscas Anglorum in Galliam prætensiones & iura non ignorant, & quid ab ijsdem hæc olim passa sit etiam

etiamnum recordantur. recens enim illorum adhuc memoria est; & Regia vrbs Parisij, ac potissima regni portio exercitæ sæuitiæ locupletissimus est testis. Sed demus id ita fieri, & Galum societate armorum cum Anglo initâ, non modicam Hispaniæ partem occupasse; quid tunc Gallo, ab Anglo iam potentiore, & latius imperante, aliud exspectandum, quàm vt hic, fortunâ lætiore iam arridente, & à Gallicanis Caluinistis suis in Euangelio fratribus, suffultus & adiutus, prisca sua iura armis repetat, vt à maioribus illius olim factitatum non semel, vt qui etiamnum, in prætensionis & spei suæ signum, Francorum sese Regem appellare non dubitat? vt maiorem Gallia sibi ab Anglorum potentia & magnitudine, quàm Hispanorum, metuendi causam habeat. Ac proinde, non prius Galliam tutam ac securam esse posse arbitror, quàm Anglo ad angustias redacto, exhausto, & ad pristina iura per bellum repetenda impotente; cum quotiescumque ei libuerit, optimam ad ipsa bello & armis alleganda occasionem habeat. Sapientiores ergo duco Gallos, eosque præterita, & futura contingentia ac possibilia prudentius excussuros, ac in rebus suis circumspectiores fore arbitror, quàm vt, præcipiti in Hispanum odio acti, hæreditario & nato hosti suo Anglo arma velut in manu tradunt, ad pristinam Britanniam suam denuo inuadendam, in-

indeque tum sua, tum reformatorum Hugonottarum arma ulterius proferenda; venientibus præsertim in partem Batavis, qui ad fratribus suis in Christo, eiusdem secum fidei, auxiliandum, & causam eorum tuendam, magis se putant obligari, quàm Christianissimo Gallorum Regi, cuius illi ob eam quam profitetur & tuetur religionem, iuratissimi sunt hostes.

Denique videbis Gallos suis in conceptibus maiorem re iam agi coeptâ prudentiam ostendere, quàm initio præ se ferebant; adeò vt effectus & finis longè sint alia, quàm ea prima rei species futura prodebat. Norunt quippe, Deo dante fieri posse, vt ad Regem suum Hispaniense sceptrum deuoluatur; imò facilius, quàm ad Borbonios deuolutum est Gallicanum, cum iam quatuor de stirpe Valesia masculi fratres superessent; etiam facilius, quàm FERDINANDVS ad Imperium Romanū peruenit, cum sex MAXIMILIANO Imp. essent filij, quorū etiam quinque satis prouectæ & maturæ ætatis fuere. Quis vmquam credidisset fore, vt Lusitanicum sceptrum & regnum ad Hispanos deuolueretur? Mirabilia sanè sunt opera Domini, & incertissimæ mundi huius reuolutiones & vicissitudines. Vide, quàm arcana & admirabili rerum deuolutione, Austriaca nobilitas Burgundicæ potentia, & deinde Hispanicæ, & omnibus quæ hæc possidet, coronæ annexa & associata fuerit. Cui

vm.

vmquam, istuc aliquando fore, in mentem venisset? Vt verò ad Regem nostrum Galliae sceptrum hereditario iure futuris temporibus aliquando deuoluatur, incassum speramus; cum id numquã futurum sit, quòd priscis Gallorum legibus à Francici regni gubernaculis mulieres arceantur. At Gallorum Regem ad Hispaniense diadema, tamquam proximum heredem, euehi, factu facillimum est, & fieri potest, cum etiam feminæ apud Hispanos ad regnum ius habeant.

Quod ad Sueciæ & Daniæ Reges attinet; non ea mihi modò videntur esse tempora, vt exerere cornua, vel mouere lacertos audeant, victricibus Imperatoris armis longè lateque terrorem per Germaniam incutientibus. Etenim tam multis hi sese immiscere possent, vt ne ad propria quidem tuenda ac retinenda, sat virium haberent.

Alij verò Germaniæ Principes ideo res nouas moliri, aut tentare non audebunt, quòd nouis indies Imperatorem victorijs cælitus donari, & nouâ ab amicis & clientibus suffulciri potentiâ vident; vnde ceu frenis ac vinculis quibusdam effrenis eorum impetus coercetur & retinetur. Et sanè, ita domestico ac defensiuo (vti mihi quidem videtur) bello implicabuntur; vt apud exteros id quærere eos minimè oporteat: & ipsa foris belligerandi haud dubiè prurigo

ergo illis decreſcet, cùm aliorum præter opinionem, & inexpectata, arma domi experientur. Ut omnes has minas, volaticarum & inanium nubecularum, plus minarum, quàm aquæ afferentium, & præter minas & terriculamenta aliud non incutientium, adinſtar habeam.

Demus verò, omnes hoſce Reges ac Principes, coniunctis viribus, ac ſocietate armorum initâ, tripartito exercitu, tribus Hiſpanici iuris provincias locis inuadere. ea ſanè Regis noſtri eſt potentia, vt, ſine vllò ærarij ſui detrimento, triplici item exercitu, quorum vnusquiſque quinquagēis armatorum conſtet millibus, illorum excipere impetum, & occurrere copijs poſſet (quemadmodum num. xxi. videre eſt.) quin & alias, præter has, ſuo copias ære conſcribere, quas in aliquam hoſtilium provinciarum poſſet educere. Adeò vt nullam, hominum more loquendo, vllius arma metuendi occaſionem habeat; quòd ita illius Deus ter maximus potentiam conſtabilierit, & talem regno ſitum dederit, nullam vt exterorum Regum eum timere potentiam vel arma oporteat.

PELAG. Pluſquàm ſatis eſt, hunc mihi ſcrupulum abſtulisti, rationumque tuarum fulgor ſpiſſiores omnes dubitationum mearum nebulas diſcuſſit. Sed eſt aliud, quod mirè metorquet, & ſollicitum habet; ideoque vt à te mihi hîc fiat ſatis, expectabo. Dicitur inimicus omnes

H

pagos

pagos & domos rurales, ad quos ei patet accessio, igne velle absumere & deuastare, vt hac ratione nullus ab agresti turba ad Regia opida commeatus deferatur, & sic illa præannonariæ rei penuria, ad sibi parendum compellantur; eadem quoque ratione copijs nostris militaribus officiat, victum ijs omnem præcludendo. Hinc sequetur, vt sese atque agros suos à nostrorum excursionibus tutos, & ab armis immunes reddat, viam verò nobis præcidat, ne quod ei parentium opidorum inuadamus.

BONAVENT. Quantum ad domorum ruralium deflagrationem & vastationem spectat, quid dicam nescio; nisi, quemadmodum Advocati Hollandici mortem, quæ nullo ei stetit impendio, sexcentis facilè aureorum millibus Rex noster, vtpote sibi cõpendiosissimam, redimere debuisset; ita illum isthanc ædium deflagrationem plus auri millione æquè posse redimere. Idque varijs de causis.

Prima. Non alias ex eis, quæ Regio parent imperio, vastare prouincias hostis potest, quàm aliquam Brabantiæ, Geldriæ, Transiosanæ partem, & agros Transifalanicæ proximos. Flandria quippe, tum electiuo suo milite, tum erectis hinc inde propugnaculis, haud ægrè se ab hostili tueri poterit incendio.

Secunda. Non pauciores nostri inimicorum pagos, tam hieme quàm æstate, incendio & flam-

flammis tradere possunt. Vniuersa namque Frisia per æstatem aperta est. vna proinde excursionem omnes eiusdem pagos incendio delere possumus. Non modica quoque Geldriæ quam ipse possidet, pars nullo non tempore in nostra est manu, vti & vniuersa Transisalana ditio. Brumali tempore, aquisque congelatis, Mosæ proximum, nec non Betuwensem, agrum igne quin vastemus, nemo nos inhibere potest.

Tertia. Crêdo equidem, tantum interdum hominum in hominem esse odium, adeoque implacabile & mortale, vt, dummodo inimico malè sit, oculum sibi vnum erui paterentur; sed vt adè quis demens sit, & odio ardeat, vtroque vt orbari lumine gaudeat, quò vno priuetur inimicus, inauditum & inuisum est hactenus. E pagis, quos igne delere Bataui valent, decuplo plus tributorum in menses singulos percipiunt, quàm cum ex his, tum è Batauicis, Regis nostri ærario accedat. Et quis, hisce eos prouentibus suoapte nutu & libenter carituros credat? etenim è solis pagis Brabanticis, tributi & taxationis nomine, supra decies centena florenorum millia præsentè pecunia annis singulis percipiunt. Et hæc eos cum cineribus & fauilla commutatuos, quis credat? adè insanire solennia, & vsque eò hebêtes illos esse minimè opinor.

Vt autem Brabantica, Geldrensiâ, & alia opida,

pida, hosti propiora, commeatu & rebus necessarijs destituantur, non est quòd timeamus: Flandria namque, Leodicensis, Namurcensis, Iuliacensis, Cliuius ager, Westphalia, & Germania nimis quàm abunde illis alimenta sufficere queunt, vt à fame minimè nobis timendum sit. Et sanè, si hanc hostis inire viam inciperet, trans Isalam sibi miles noster, necessitate pressus, violenter commeatum quæreret. nulla enim fami via est inuia.

Quarta. Non eam existimo hosti feritatem & immanitatem fore, vt tam atrociter in innocuos & paruulos sæuire, & Regi pariter, ad eandem necessariò exercendam, occasionem dare cuperet. Hac quippe ratione, æternum & implacabile omnium agricolarum & ruralium, in caput suum, odium arcefferet; quos modò in omnibus rebus necessarijs sibi nimis quàm fauentes & beneuolos experitur.

Et sanè, nî vnica hæc ratio contrà faciendum suaderet, iam dudum omnem pagatim & vicatim indictam ab hoste nostratibus contributionem & censum Rex noster interdixisset, & sub capitis poena inhiuisset. Sed noluit, & plus quàm barbarum duxit, innocuos & infontes penitus destruere, perdere, omnibusque bonis & facultatibus. quò hostibus hac ratione officiat, dispoliare. Sed, si hostis vel lucernulam accendat, verendum est, ne integras Rex faces

ces accensurus sit, quas hæcenus, tamquam pater in benignitatem quàm flagella pronior, in filios suos rebelles exerere distulit. Et sanè nihil ei accidere posset optatius, nihil videret libentius, quàm vt primam tragœdiæ huius scenam Bataui agerent, cuius ipse, sine cuiusquam admiratione & reprehensione, at maiori hostium cum damno ac maleficio quàm fortasse existiment, catastrophën posset agere & epilogum.

PELAG. Bene quidem tu hæc hæcenus; at discere ex te peruelim, vndenam quadraginta illæ militis Regij seditiones ortum habuerint; quæ, quemadmodum non semel à me intellectum, tam diutini ciuilis belli potissima causa fuere: per quas factum, vt Regi præclarissima, quam vniuersæ prouinciæ subigendæ habuit, occasio sæpius è manibus effugerit; atque inimicus tam sui suorum, quæ communiendorum ac tuendorum, quàm potissimæ eorum quæ iam possidet portionis obtinendæ tempus ac modum naactus sit. nostris enim inter se digladiantibus, ac sese mutuo conficientibus, & hosti resistere non valentibus, (quòd vtrumque, tam domi, quàm foris, impeterentur) temporis ipse turbidi oportunitate sibi vtendum ratus, egregiè rem egit. Neque enim, vt verum fatear, possum intelligere, quænam tam frequentium in milite nostro seditionum ac rebellionum fuerit causa; cùm tantum Rex annuè argenti bello

H 3 geren-

gerendo submiserit , vt supra sexaginta armatorum millia eo ali & sustentari haud ægrè potuerint. Cùm certum tamen sit , non aliam vt plurimum seditionum esse originẽ,quàm menstruorum stipendiorum defectum : qui locum in Belgio habere quĩ potuerit, nequaquam intelligo; cùm pecuniæ, si militum in quos expendæ erant, numerum supputemus , non modò non defuerint, sed etiam plusquam sufficientes semper missæ fuerint.

Inimicus, esto non pauciores quàm Rex milites in aciem quotidie educat , tamen notabilem nullam suorum seditionem vidit ; cùm tamen tanta pecuniarum ei non sit abundantia, quanta Regi ; &, præter menstrua hæc stipendia, plures eum quàm Rex , in opidorum atque arcium suarum restaurationem & munitionem impendere pecunias oportuerit: quæ etiam duplo pluris ei stat quàm Regi, vti negare non poterit , quisquis arcium & propugnaculorum illius copiam nouit & intuetur. Adeò vt, etiam induciarum tempore , annua propugnaculorũ & vrbium nobis vicinarum instauratio supra centum florenorum millia absumpserit.

BONAVENT. Factum id à te consultissimè, quòd in vltimum quæstionem hanc locum referuaris: in hac enim pecuniæ & seditionum materia , abditissima & obscurissima quædam mysteria, quæ peraccurata opus habent interpret-

pretatione, consistunt. quæ tametsi perobscura atque intricata esse videantur, ea tamē quam potero clarissimè, tibi reuelabo. Constat sanè, tantam Regem singulis propè annis in Belgiū auri vim misisse, quanta quinquaginta armatorum millibus stipendiandis nimis quam sufficeret; & non rarò tantam, vt etiam sexaginta commodè eā ali potuissent. Sed omnis illa vis ne mediæ, & subinde ne tertiæ quidem, oneris, quo exercitum suum Belgicum Rex onerarat, parti ferendæ suffecit. Etenim frequēs illud ordinariorum stipendiorum augmētum; plurimorum illorum qui nec reipsa milites sunt, nec pro Rege arma gestant sustentatio; sumptuum tolerandorum subsidium, (*ajudos de costa* vulgò dicuntur;) incredibilis ministrorum à calamo multitudinis salaria; occultæ impensæ (*gastos secretos* nominant;) emeriti & reformati castrenses Præfecti, quibus sua non aliter & æquè plena, quam si reipsa castrensis muneribus perfungerentur, stipendia adnumerantur; denique honorifica & regia in varios Regum & Principum exterorum Legatos munificentia, tantum auri absumpsere, vt in hæc plus nummorum in annos singulos infumi oportuerit, quam in menstrua pugnantium stipendia. Adeò vt hæc, & his similia, quæ ad bellum propriè non spectant, vim auri maiorem deuorant, quam quinquagenū millium ex-

ercitus; plusque in hæc, quàm in omnem militem, sit impensum; & si prout res est loqui velimus, mediam eius, quâ Belgica onera indigebant, pecuniæ partem Rex non submiserit.

Nihil hîc dico de incredibile fœnoris onere, quod Regem, quò à mercatoribus pecuniam, si quando eius, quàm in menses singulos bello alendo necessariam submittere solebat, numerationem ad aliquot menses differre cogeretur (quod certè satis fuit frequens) mutuo acciperet, subire oportebat. Vnde fiebat, vt multa Regiæ pecuniæ millia, in fœenerariam hanc voraginem coniecta, deperirent, sine vllò alterius commodo, quàm solius mutuo dantis mercatoris, qui mirè suam inde rem adaugebat.

Satis hinc te videre existimo, ecquid in causa fuerit, vt omnibus hisce oneribus ferendis submissa à Rege pecunia impar fuerit; cur item ex ea militi exactè satisfieri non potuerit, penè omni pecuniâ in ea quæ priùs dixi impendia insumptâ. Vides præterea, ideo quinquagenis aut sexagenis militum millibus nullatenus ad plenum stipendia annumerari potuisse, quòd pecunia omnis alijs oneribus, quæ promissis stipendijs inferiora non erant, ferendis obnoxia fuerit. Vt, tametsi quàm æquissima illius facta fuisset partitio ac distributio, militi ne quidem mensis vnius (cùm duorum, etiam trium ac quatuor subinde, mensium stipendia ei debe-

ren-

rentur) potuisset persolui. Hęc ergo seditionum fuit causa , quòd pauculo argento militibus multis accuratè & plenè satisfieri non posset. Quę incommoda vt euitentur, varia tibi, præfertim num. III. IV. VI. VII. IX. remedia proposui , quę tibi ad plenum huius rei intellectum vsui esse poterunt.

Quòd autem nullas, aut sanè perpaucas, militum seditiones hostis habuerit, quòd addictū menstruè stipendium suis semper exactè adnumerare studuerit, non est quòd mireris. Perinde enim hīc se res habet, atque in splendidi cuiusdam Principis, & alterius ciuis honesti quidem, sed non vsque adeò locupletis, familia fieri videmus. In illa enim velut de ingenti & nō numerato auri aceruo, in hac de prænumerato marsupio fit impensa. Vix nouit Princeps, quid sit impensę rationē reddere : at ciuis ille, iam tum sub anni principium, subduxit & statuit, non solum quid menstruè, verum etiam hebdomadatim, expendere velit & valeat, tenues suos prouentus & lucellū identidem præ oculis habens, ne illos quotidiana excedat impensa. Tenuitas, parcę erogationis, & prouidę distributionis, est mater; at liberalis donationis, & inconsideratę impensę, abundantia. Inopia per se est parca, & sapientię mater necessitas; copia econtrà munifica & larga est, atque ingens opum vis modum & moderationem ne-

H 5

scit,

re ipſo exequi velit. Atque hæc ferè ſunt, quæ tibi de Belgicis rebus poſſum referre , & quæ quinquagenario armorum per Belgium uſu & experientia edidici. quæ ſanè tecum minimè communicarem, niſi arcta tua mecum neceſſitudo, cui denegare nihil poſſum, hæc inuito expreſſiſſet, & ſuo iure quodammodo à me poſciſſet.

PELAG. Quam tute mihi hodie oſtendiſti beneuolentiam & amorem , nullo tibi poſſum auro, nullis opibus, rependere ; quas etiam te nec velle , nec opus habere , mihi exploratum eſt. Nihilominus plus tibi debere me fateor, quàm aut lingua hæc eloqui , aut cor valeat comprehendere: ſimul quoque ita cunctis dubiis ac poſtulatis meis à te eſſe factum ſatis , nihil vt ultra expetam vel optem. Vtinam verò, quorum aliquid ad hæc efficienda valet auctoritas, eorum executioni ſtudeant & incumbant, & eam quâ pollent, prudentiam, auctoritatem, ac poteſtatem oſtendant ; præſertim cùm totius reipubl. ſalus & incolumitas, tot millium animarum ab interitu vindicatio , vniuerſæ denique Hiſpanicæ monarchiæ quies id exigant & quodammodo depoſcant. Eâdem tamen operâ noſſe è te velim, quid ad eas, quæ Vallis Tellinæ & Palatinatus occasione , totâ Europâ ſparſæ ſunt, calumnias poſſit inculpatè reſponderi? Multa enim hac ſuper re ſcribuntur,

buntur, plura sparguntur, & vbiuis à quolibet iactantur; Rexque noster passim omnium fit fabula & prouerbum, vti & iusta illius arma in agrum Iuliacensem aliosque vicinos illata. Plenis faucibus, mutis verum armatis & dentatis calamis, summam illius in prouincias illas iniuriam passim clamitant, & ad rauim vsque inculcant.

BONAVENT. Non possum non satis hominum impudentiam obstupescere. Verum, quod duabus mulieribus litigantibus vsu venit, vt scilicet ea quæ vitæ inquinatissimæ & infamissima est, prius alteri litem moueat, quò & suam infamiam ac propudium tegat, & vicinæ iustitiam verbo aliquo probroso subuertat, causæ iniquæ æquitatem, & æquæ iniquitatem affricare conata; idem hac in controuersia locum habere mihi verosimile fit.

Etenim Vallis Tellinæ Catholici, cum se, præter fas & æquum, & secus ac mutuo promissum & addictum erat, oppressos, vexatos, facultatibus suis exutos, patrio solo exactos, & immaniùs, quàm in Turcica seruitute ab hæreticis haberi, neq; vllam meliorum spem alicunde affulgere cernerent; omni vicinorum & amicorum suorum ope destituti, & iam ad extrema redacti, missa ad Regem nostrum, velut veræ fidei protectorem & tutorem, legatione, illius opem efflagitarunt, vt nimirum suis ipse armis causæ
ipforum

re ipso exequi velit. Atque hæc ferè sunt, quæ tibi de Belgicis rebus possum referre , & quæ quinquagenario armorum per Belgium usu & experientia edidici. quæ sanè tecum minimè communicarem, nisi arcta tua mecum necessitudo, cui denegare nihil possum, hæc inuito expressisset, & suo iure quodammodo à me poscisset.

PELAG. Quam tute mihi hodie ostendisti benevolentiam & amorem, nullo tibi possum auro, nullis opibus, rependere; quas etiam te nec velle, nec opus habere, mihi exploratum est. Nihilominus plus tibi debere me fateor, quàm aut lingua hæc eloqui, aut cor valeat comprehendere: simul quoque ita cunctis dubiis ac postulatis meis à te esse factum satis, nihil ut ultra expetam vel optem. Vtinam verò, quorum aliquid ad hæc efficienda valet auctoritas, eorum executioni studeant & incumbant, & eam quâ pollent, prudentiam, auctoritatem, ac potestatem ostendant; præsertim cum totius reipubl. salus & incolumitas, tot millium animarum ab interitu vindicatio, vniuersæ denique Hispanicæ monarchiæ quies id exigant & quodammodo deposcant. Eâdem tamen operâ nosse è te velim, quid ad eas, quæ Vallis Tellinæ & Palatinatus occasione, totâ Europâ sparsæ sunt, calumnias possit inculpatè responderi? Multa enim hac super rescribuntur,

buntur, plura sparguntur, & vbiuis à quolibet iactantur; Rexque noster passim omnium fit fabula & prouerbum, vti & iusta illius arma in agrum Iuliacensem aliosque vicinos illata. Plenis faucibus, mutis verum armatis & dentatis calamis, summam illius in prouincias illas iniuriam passim clamitant, & ad rauim vsque inculcant.

BONAVENT. Non possum non satis hominum impudentiam obstupescere. Verum, quod duabus mulieribus litigantibus vsu venit, vt scilicet ea quæ vitæ inquinatissimæ & infamissima est, prius alteri litem moueat, quò & suam infamiam ac propudium tegat, & vicinæ iustitiam verbo aliquo probroso subuertat, causæ iniquæ æquitatem, & æquæ iniquitatem affricare conata; idem hac in controuersia locum habere mihi verosimile fit.

Etenim Vallis Tellinæ Catholici, cum se, præter fas & æquum, & secus ac mutuo promissum & addictum erat, oppressos, vexatos, facultatibus suis exutos, patrio solo exactos, & immaniùs, quàm in Turcica seruitute ab hæreticis haberi, neq; vllam meliorum spem alicunde affulgere cernerent; omni vicinorum & amicorum suorum ope destituti, & iam ad extrema redacti, missâ ad Regem nostrum, velut veræ fidei protectorem & tutorem, legatione, illius opem efflagitarunt, vt nimirum suis ipse armis causæ
ipforum

ipforum æquitatem tueretur, ac quam omnibus notissimam à Grisonibus hæreticis paterentur iniuriam ac violentiam, à ceruicibus ipsorum depelleret. Nec frustra petiere. etenim Mediolanensis Gubernator, Regiis Catholicorum æquitatem armis vindicandam ratus, iis mox opem tulit, suis eos facultatibus & Ecclesiasticos beneficiis ac templis restituit, extorres reuocauit, ipsos iniquos proscriptores & oppressores solum vertere compulit. Grifones, tamquam intolerabilem ab Hispano iniuriam passi, de ea mox suos per Legatos apud Francorum Regem expostularunt. Verum. post varias vtro citroque missas legationes. diuersa postulata & refutata; ita tandem inter vtrumque Regem conuenit, vt quæ Hispanus occuparat opida, Romano Pontifici, quasi neutri parti addicto, seruanda traderentur, quoadusque causæ æquitas exactius discuteretur, & parti alterutri adiudicaretur. Dictum, factum. Rex itaque noster, præsidii & copiis suis è Valle euocatis, munitiora opida & arces Pontificis potestati tradidit; qui, velut sequester & arbiter, suis ea præsidii infedit & protexit.

Verum, non multò, missis trans Alpes copiis, Gallus Tellinam Vallem inuadit, Pontificiisque pulsus præsidii, cuncta eiusdem propugnacula occupat. Nihil tale suspicatus Hispanus, at sincerè procedens, de apertissima hac apud Summa

nūm Pontificem iniuria per Legatos est conquestus. at, cum se & tempus terere, & frustra apud eum verbis agere videt, armis vtendum ratus, ea in Gallos dictæ Vallis iam possessores, quò suæ æquitatem causæ tueretur, & quam prius Catholicis tulerat opem, afferre pergeret, conuertit. Atque hæc pura & ipsissima rei veritas.

Non est verò meum, hîc disquirere, vter Regum potiore iure nitatur: tantum quippe in scholis Iuris prudentiæ non hausi; vtpote qui iam inde ab adolescentia inter arma, non libros, vixi. At ferream rabularum quorundam miror frontem, qui tum linguâ, tum calamo, in Regem nostrum identidem tam malignè debacchantur. Licuîtne Angliæ Regi, Batauos, apertissimos rebelles, veræque fidei desertores, aduersus Regem nostrum, legitimum ac naturalem suum Principem insurgentes, auro & milite, sine vlla iniustitiæ nota suffulcire & iuuare? Idemne licuit Gallo, sicuti non paucis editis libris Galli ei licuisse ostendere gestiunt? Cur Regi nostro non liceat, Catholicos oppressos, proculcatos, præter fas & promissa eiectos, extorres, bonis exutos, armis suis protegere, cum illius hi opem prius postulassent? aut hæretici Bataui, Christianorum Principum, vt aduersus legitimum Regem suum bella suscipiant, auxilio & subsidio digniores sunt, quàm prisca Val-
lis

lis Tellinæ Catholici auxiliaribus Catholicorum copiis, quibus se aduersum iniquos sui oppressores Grifones hæreticos tueantur? Si duobus his Regibus citra culpam licuit, suis Batavos rebelles & hæreticos armis propugnare, & aduersus legitimum naturalemque Principem suum pecunia & copiis submissis fouere; quid ni Regi nostro liceat ac licuerit, suis Valtellianos Catholicos, oppressos & sub onere Grifonico fatiscentes, defendere?

Vtra pars iustius arma induerit, aut æquitatem pro se habeat, non dico; at non intelligerem me, quomodo duo illi Reges in causa iniqua ab omnibus passim infontes censeantur, noster vero in bona iniquitatis insimuletur. An non Rex noster occupata armis opida, Pontificiæ potestati tradidit? quid vltra requirant? Ergo ne Gallo, qui in arbitrium & neutralitatem hanc consensit, præter omnium expectationem licuit Tellinam Vallem armis opprimere, Pontificis præfidiarios exigere, omniumque sibi locorum dominium arrogare? Quis igitur Regem nostrum arguat, quod Gallis istic sese opposuerit, ac priorem suam adire possessionem, quam antè quàm Papæ arbitrio lis & controuersia committeretur, habebat, tentarit; præsertim quod iam & sequestratio disturbata, sequestratusque loco, de quo controuertebatur, vi cedere compulsus esset?

Gallum

Gallum hîc neutiquam damno vel culpo; at non video, quomodo prudēs & cordatus quispiam, hisce in armis hunc vt infontem, Hispanum verò fontem habeat. Hoc ipse in animum vt inducam, induci prorsus nequeo; nec vt vllus sapiens Gallus in suum, sine fucō & sincerè inducat, vllatenus mihi possum persuadere.

De Palatinatu nihilo minùs miror. Bohemiæ Rex coronatus erat FERDINANDVS: subditorum illius nonnulli, tam Calvinistæ quàm Hussitæ, aduersus eum insurgunt. Ergo Palatinum Comitem euocant, qui, omnibus quibus poterat, hæreticorum, Turcarum, perduellium, armis suffultus, præter fas & æquum, contra fidelitatis iusiurandum, quam Cæsari, in quantum Elector Imperialis, debebat, contra omnia tum humana, tum diuina iura, Bohemicam FERDINANDI coronam sibi arrogat; Gaboris Bethlini subsidiis, Hungariâ illum deturbat; hæreticorum armis, Silesiâ, Moraviâ, & potissimâ Austriæ parte exuit: vt, vnâ demptâ Viennâ, & aliis pauculis opidis, omnibus se prouinciis suis ac regnis dispoliatû Imperator videret. Hac in necessitate constitutus, primò Dei, dein sororij sui Hispanorum Regis, & exinde nepotis, qui modò Hispanici regni gubernacula tenet, opem efflagitat; qui, per BVCQVOYÆ Comitem, aduersus infinitam hostium manum, & varios exercitus, perexiguo militum numero, aliquot eum annis,

magis diuinâ quàm armorum potentiâ , protexit.

Hanc Cæsaris iniuriam , nec non scelestissimam hæreticorum impietatem & audaciam BAVARIÆ DVX cum videret, iustitiæ zelo actus, quibusdâ Germaniæ proceribus Ecclesiasticis in oneris partem venientibus , armis eam sibi vindicandam censuit. BVCOYOVO itaque se iungit ; vnde concordibus animis & armis ambo ante Pragam, hostes proterunt. Quo in prælio, magis diuinam, quàm humanam, dextram licet agnoscere. Etenim hostē, positis in colle castris inaccessum, tormentis bellicis vndiquaque circumuallatum, Pragam à tergo velut inexpugnabile propugnaculum habentem , aduersarios tum equestrium, tum pedestrium copiarum numero multò superantem, recentem, rebus omnibus instructissimum; Bauarici & Bucquoyani superioribus viarum incommodis licet fracti, exhausti, necessariis destituti, loco castrorū decliui & iniquo præpediti (quos proinde velut in cliuium obnixos ascendere oportuit , vt hostem ferirent) inuadere non dubitarūt. Attamen ille castris exiit, funditur, ac fugatur: Praga, in qua supra quinquaginta bellatorum erant millia, expugnatur: simul & Bohemia vniuersa in Cæsaris potestatem concedit ; quam & mox secutæ Silesia , Morauia, Hungaria, & reliqua per Austriam opida : denique Palatinatus ipse, partim

partim Regiis, partim Bauaricis; armis Exregi Palatino eripitur.

Quis Regem in his omnibus meritò culpet? Palatinus Comes, Imperatoris cliens & subditus, contra legitimum Principem suum arma induit, & regno illum priuat; obloquitur nemo, aculeatis eum scriptis oppugnat nemo. Præter hæc, Gaborem & Turcas concitat. vt Cæsarem impugnēt; ecce tacent omnes. Vniuersos Cæsaris fautores & præsidarios tum per se, tum per suos, Silesiâ, Hungariâ, Moraviâ, & potissimâ Austriæ parte expellit; nemo verbum, nulli in chartam inuolant calami Imperatorem propugnaturi; nullus Palatinum damnat & fugillat. Vindex Deus inuasorem eiicit proprio, spurium Bohemorum Regem folio deturbat, Imperatorem in propria restituit; suas Rex noſter hunc in vsum ei copias, tam ad proprium patrimonium recuperandum, quàm ad condignas de alieni peculij inuasore Palatino pœnas sumendas, commodat; confestim omnes Regem carpunt, eiusque factum vellicant, quòd, ad Imperatoris petitionem, SPINOLAM ad Palatini ditiones occupandas cum copiis miserit. Quâ in expeditione tot propè rursus videbimus prodigia, quot gesta & expeditiones. Videas namque

Primò, vt perexiguam militum manum aduersum varios & validissimos inimicorum

exercitus in domestico solo agentes, SPINOLA educat.

Secundò, vt Brunsvico-halberstadiensis, Marchio Durlachius, & spurio-Mansfeldius, triplicem simul constituentes exercitum, aduersus GONSALVVM DE CORDVBA, & TILLIVM, paucissimis instructos, in aciem prodeant: tanta tamen potentia mole sua fatiscens, succumbat, Palatinatus totus ad Regem transeat, &, quamuis multitudine nostros duplo penè superarent, tertio tamen profligentur, non tam hominibus, quàm Deo pro Imperatoriis depugnante. Et, ecce, ad nauseam vique, rabulæ omnes hic ogganniunt, scriptisq; virulentis Regem nostrum calumniantur. Miror, eos & in Deum calumum non stringere, eumque non culpare aut calumniis proscindere; qui vt euidentissimè patuit, Imperatoris causam tuendam suscepit, hostium insolentiam deiecit.

Quis ergo Christianus approbet, aut ferat, Palatinum, numquam ab Imperatore vel in minimo violatum, aduersus eum insurgere ac rebellare; Turcas, & Turcis deteriorem Bethlinum, in eum concitare, omnium ferè Protestantium Principum arma euocare, sibimet ipsi manû armatâ coronam Bohemicam, quam Cæsari præter fas & sacrilegè detraxerat, imponere? Huic nemo oclamat, omnia ex æquitate & Dei ita disponentis voluntate fieri censentur.

At

At statim vt auunculo suo Rex noster, in causa iustissima, & qua æquiores nulla vidit ætas, auxiliarias mittit copias; varij hunc inde per Europam volitant libelli. quasi is rem iniquissimam tueretur. Hoc vt feram, à me ipse nequeo impetrare.

Galliæ & Britannia Regibus fas erit, Batavos rebelles Regis nostri subditos, totis viribus propugnare, & hunc omnimodis impedire, suo ne patrimonio pacificè fruatur; Hispano auunculum iuuare, quò subditum suum, rebelantē, & imperij arrogati reum, Bohemiā aliisque prouinciis iniquè inuasīs expellat, & cum pro meritis in proprio castiget, minimè licebit. Quonam ex Euangelio huiusmodi Christianus calamus lac fugat? ecqui doctrinam hanc Patres tradidere?

Ludouicus XI. Galliæ Rex Caroli Audacis filiam à morte patris, Burgundia Ducatu, & non modica aliarum prouinciarum, quas pater eius Carolus moriens possederat, parte spoliat, easq; sibi, vti & alia non pauca dominia legi Salicæ non obnoxia, quorum proinde à feminis adiri hereditas potest, quæque ad Serenissimam Infantē ISABELLAM (cuius mater trium Regum fratrum fuit soror, & ex Regia Valesiorum stirpe sola iam superest) æquissimo iure pertinent, vendicat; & nemo iniquam hanc eius inuasionem carpit. Gallis, nullo præuio bello, licebit

Mentem. Verbum. Talem ab Imperio præferre & tantum possidere adhuc Cameratum occupare. Ducem Alenfonium magnis cum onus in Belgium mittere, quò in provinciam Belgicam Principem inauguratur; hic & nemo rem hanc damnat, sed ut bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos cui impio & sacrilego terras & provincias Imperatorias ausu inuulerant, hisque eum pepulerant, suo in peculio (vti promeriti erant) castigandos cooperatur; & nulla typographica præla satis sunt, ad probrosos in Regem nostrum confictos libellos cudendos. Palatinatum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & provincias alienas, sui que Imperatoris, nullâ præuiâ æquitate vindicat; nulli sese Reges in causa Imperatoris mouent, calami quiescunt, arma velut situ & rubigine obsita delitefcunt. Quis hæc intelligat, quis comprehendat?

De Iuliano quid dicam? Imperator armis fraternis eam occupat, illam ei cessurus, cui Iudices controuersie dirimendæ propositi adiudicabunt. Hollandi, Francorum armis, eam obsidio premunt,

premunt, intercipiunt, & diu possident; obloquitur nemo, imò Christianum & pium opus censetur. Hispaniarum Rex Duci Neoburgico, legitimo Iuliacensis & Cliuensis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias; omnis charta volitat, calami omnes viuere incipiunt.

Bataui per speciem Brandenburgicum iuuant, varias ciuitates occupant, Embriam & Resam præfidiis suis detinent & premunt; nemo mussitat. Rex verò, petente Neoburgico Duce, epidorum præsidia adauget; ferè orbis totius arma incallescunt, nemo non se ad scribendum accingit. Quis capiat hæc? Si Bataui Iuliacum retinuissent, & sua in ea præsidia firmassent; omnes se domi continerent. Regi verò nostro, in Ducis illius qui legitimus eius est Princeps, gratiam & vsum, sua ibidem præsidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema censerentur, ac proinde digna quæ lapidū imbre luant. Neminem calumnior aut culpo, nec quis æquitate causæ nitatur, meū est definire; sed hæcce status axiomata & vulgò receptas doctrinas in-

Metim, Virdunum, Tullum ab Imperio præscindere, & etiamnum possidere: adhæc Cameracum occupare, Ducem Alenfonium magnis cum copiis in Belgium mittere, quò in prouinciis Belgicarum Principem inauguretur; hinc & nemo rem hanc damnat, sed vt bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos qui impio & sacrilego terras & prouincias Imperatorias ausu inuaserant, hisque eum pepulerant, suo in peculio (vti promeriti erant) castigandos cooperatur; & nulla typographica præla satis sunt, ad probrosos in Regem nostrum confictos libellos cudendos. Palatinatum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & prouincias alienas, suisque Imperatoris, nullâ præuiâ æquitate vindicat; nulli sese Reges in causa Imperatoris mouent, calami quiescunt, arma velut situ & rubigine obsita delitefcunt. Quis hæc intelligat, quis comprehendat?

De Iuliaco quid dicam? Imperator armis fraternis eam occupat, illam ei cessurus, cui Iudices controuersiae dirimendæ propositi adiudicabunt. Hollandi, Francorū armis, eam obsidio premunt,

premunt, intercipiunt, & diu possident; obloquitur nemo, imò Christianum & pium opus censetur. Hispaniarum Rex Duci Neoburgico, legitimo Iuliacensis & Cliuensis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias; omnis charta volitat, calami omnes viuere incipiunt.

Bataui per speciem Brandenburgicum iuuant, varias ciuitates occupant, Embriam & Resam præsiis suis detinent & premunt; nemo mussitat. Rex verò, petente Neoburgico Duce, epidorum præsidia adauget; ferè orbis totius arma incalescunt, nemo non se ad scribendum accingit. Quis capiat hæc? Si Bataui Iuliacum retinuissent, & sua in ea præsidia firmassent; omnes se domi continerent. Regi verò nostro, in Ducis illius qui legitimus eius, est Princeps, gratiam & vsum, sua ibidem præsidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema censerentur, ac proinde digna quæ lapidū imbre luant. Neminem calumnior aut culpo, nec quis æquitate causæ nitatur, meū est definire; sed hæcce status axiomata & vulgò receptas doctrinas in-

Metim , Virdunum, Tullum ab Imperio præscindere, & etiamnum possidere: adhæc Cameracum occupare , Ducem Alenfonium magnis cum copiis in Belgium mittere, quò in prouinciis Belgicarum Principem inauguretur; hinc & nemo rem hanc damnat, sed vt bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos qui impio & sacrilego terras & prouincias Imperatorias ausu inuaserant, hisque eum pepulerant, suo in peculio (vti promeriti erant) castigandos cooperatur; & nulla typographica præla satis sunt, ad probrosos in Regem nostrum confictos libellos cudendos. Palatinum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & prouincias alienas, suisque Imperatoris, nullâ præuiâ æquitate vindicat; nulli sese Reges in causa Imperatoris mouent, calami quiescunt, arma velut situ & rubigine obsita delitescunt. Quis hæc intelligat, quis comprehendat?

De Iuliaco quid dicam? Imperator armis fraternis eam occupat, illam ei cessurus, cui Iudices controuersie dirimendæ propositi adiudicabunt. Hollandi, Francorū armis, eam obsidio premunt,

premunt, intercipiunt, & diu possident; obloquitur nemo, imò Christianum & pium opus censetur. Hispaniarum Rex Duci Neoburgico, legitimo Iuliacensis & Cliuensis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias; omnis charta volitat, calami omnes viuere incipiunt.

Bataui per speciem Brandenburgicum iuuant, varias ciuitates occupant, Embriam & Resam præsidis suis detinent & premunt; nemo mussitat. Rex verò, petente Neoburgico Duce, epidorum præsidia adauget; ferè orbis totius arma incallescunt, nemo non se ad scribendum accingit. Quis capiat hæc? Si Bataui Iuliacum retinuissent, & sua in ea præsidia firmassent; omnes se domi continerent. Regi verò nostro, in Ducis illius qui legitimus eius, est Princeps, gratiam & vsum, sua ibidem præsidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema censerentur, ac proinde digna quæ lapidū imbre luant. Neminem calumnior aut culpo, nec quis æquitate causæ nitatur, meū est definire; sed hæcce status axiomata & vulgò receptas doctrinas in-

Metim , Virdunum, Tullum ab Imperio præscindere, & etiamnum possidere: adhæc Cameracum occupare , Ducem Alenfonium magnis cum copiis in Belgium mittere, quò in prouinciis Belgicarum Principem inauguretur; hinc & nemo rem hanc damnat, sed vt bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos qui impio & sacrilego terras & prouincias Imperatorias ausu inuaserant, hisque eum pepulerant, suo in peculio (vti promeriti erant) castigandos cooperatur; & nulla typographica præla satis sunt, ad probrosos in Regem nostrum confictos libellos cudendos. Palatinatum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & prouincias alienas, suisque Imperatoris, nullâ præuiâ æquitate vindicat; nulli sese Reges in causa Imperatoris mouent, calami quiescunt, arma velut situ & rubigine obsita delitescunt. Quis hæc intelligat, quis comprehendat?

De Iuliaco quid dicam? Imperator armis fraternis eam occupat, illam ei cessurus, cui Iudices controuersie dirimendæ propositi adiocabunt. Hollandi, Francorū armis, eam obsidio premunt,

premunt, intercipiunt, & diu possident; obloquitur nemo, imò Christianum & pium opus censetur. Hispaniarum Rex Duci Neoburgico, legitimo Iuliacensis & Cliuensis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias; omnis charta volitat, calami omnes viuere incipiunt.

Bataui per speciem Brandeburgicum iuuant, varias ciuitates occupant, Embriam & Resam præfidiis suis detinent & premunt; nemo mussitat. Rex verò, petente Neoburgico Duce, epidorum præfidia adauget; ferè orbis totius arma incalescunt, nemo non se ad scribendum accingit. Quis capiat hæc? Si Bataui Iuliacum retinuissent, & sua in ea præfidia firmassent; omnes se domi continerent. Regi verò nostro, in Ducis illius qui legitimus eius, est Princeps, gratiam & vsum, sua ibidem præfidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema censerentur, ac proinde digna quæ lapidū imbre luant. Neminem calumnior aut culpo, nec quis æquitate causæ nitatur, meū est definire; sed hæcce status axiomata & vulgò receptas doctrinas in-

exercitus in domestico solo agentes, SPINOLA educat.

Secundò, vt Brunſuico-halberſtadienſis, Marchio Dürſlachiùs, & ſpurio-Manſfeldiùs, triplicem ſimul conſtituentes exercitum, aduerſus GONſALVVM DE CORDVBA, & TILLIVM, pauciſſimis inſtructos, in aciem prodeant: tanta tamen potentia mole ſua fatiſcens, ſuccumbat, Palatinatus totus ad Regem tranſeat, &, quamvis multitudine noſtros duplo penè ſuperarent, tertio tamen profligantur, non tam hominibus, quàm Deo pro Imperatoriis depugnante. Et, ecce, ad nauſeam vſque, rabulæ omnes hic ogganniunt, ſcriptiſq; virulentis Regem noſtrum calumniantur. Miror, eos & in Deum calamum non ſtringere, eumque non culpare aut calumniis proſcindere; qui vt euidentiffimè patuit, Imperatoris cauſam tuendam ſuſcepit, hoſtium inſolentiam deiecit.

Quis ergo Chriſtianus approbet, aut ferat, Palatinum, nūquam ab Imperatore vel in minimo violatum, aduerſus eum inſurgere ac rebellare; Turcas, & Turcis deteriorem Bethlinum, in eum concitare, omnium ferè Proteſtantium Principum arma euocare; ſibi met ipſi manu armatâ coronam Bohemicam, quam Cæſari præter fas & ſacrilegè detraxerat, imponere? Huic nemo oclamat, omnia ex æquitate & Dei ita diſponentis voluntate fieri cenſentur.

At

At statim vt auunculo suo Rex noster, in causa iustissima, & qua æquiores nulla vidit ætas, auxiliarias mittit copias; varij hunc inde per Europam volitant libelli. quasi is rem iniquissimam tueretur. Hoc vt feram, à me ipse nequeo impetrare.

Galliæ & Britanniæ Regibus fas erit, Batavos rebelles Regis nostri subditos, totis viribus propugnare, & hunc omnimodis impedire, suo ne patrimonio pacificè fruatur; Hispano auunculum iuare, quò subditum suum, rebelantē, & imperij arrogati reum, Bohemiā aliisque prouinciis iniquè inuasis expellat, & cum pro meritis in proprio castiget, minimè licebit. Quonam ex Euangelio huiusmodi Christianus calamus lac fugat? ecqui doctrinam hanc Patres tradidere?

Ludouicus XI. Galliæ Rex Caroli Audacis filiam à morte patris, Burgundiæ Ducatu, & non modica aliarum prouinciarum, quas pater eius Carolus moriens possederat, parte spoliat, easq; sibi, vti & alia non pauca dominia legi Salicæ non obnoxia, quorum proinde à feminis adiri hereditas potest, quæque ad Serenissimam Infantē ISABELLAM (cuius mater trium Regum fratrum fuit soror, & ex Regia Valchiorum stirpe sola iam superest) æquissimo iure pertinent, vendicat; & nemo iniquam hanc eius inuasionem carpiť. Gallis, nullo præuio bello, licebit

Metim , Virdunum, Tullum ab Imperio præscindere, & etiamnum possidere: adhæc Cameracum occupare , Ducem Alenfonium magnis cum copiis in Belgium mittere, quò in prouinciis Belgicarum Principem inauguretur; hinc & nemo rem hanc damnat, sed vt bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos qui impio & sacrilego terras & prouincias Imperatorias ausu inuaserant, hisque eum pepulerant, suo in peculio (vti promeriti erant) castigandos cooperatur; & nulla typographica præla satis sunt, ad probrosos in Regem nostrum confictos libellos cudendos. Palatinatum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & prouincias alienas, sui que Imperatoris, nullâ præuiâ æquitate vindicat; nulli sese Reges in causa Imperatoris mouent, calami quiescunt, arma velut situ & rubigine obsita delitescunt. Quis hæc intelligat, quis comprehendat?

De Iuliaco quid dicam? Imperator armis fraternis eam occupat, illam ei cessurus, cui Iudices controuersie dirimendæ propositi adiudicabunt. Hollandi, Francorū armis, eam obsidio premunt,

premunt, intercipiunt, & diu possident; obloquitur nemo, imò Christianum & pium opus censetur. Hispaniarum Rex Duci Neoburgico, legitimo Iuliacensis & Cliucnsis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias, omnis charta volitat, calami omnes viuere incipiunt.

Bataui per speciem Brandenburgicum iuuant, varias ciuitates occupant, Embriam & Resam præfidiis suis detinent & premunt; nemo mussitat. Rex verò, petente Neoburgico Duce, epidorum præsidia adauget; ferè orbis totius arma incalescunt, nemo non se ad scribendum accingit. Quis capiat hæc? Si Bataui Iuliacum retinuissent, & sua in ea præsidia firmassent; omnes se domi continerent. Regi verò nostro, in Ducis illius qui legitimus eius, est Princeps, gratiam & vsum, sua ibidem præsidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema cēsentur, ac proinde digna quæ lapidū imbre luant. Neminem calumnior aut culpo, nec quis æquitate causæ nitatur, meū est definire; sed hæcce status axiomata & vulgò receptas doctrinas in-

telligere me non posse, palàm pronuntio, nec facris ea Litteris deprompta videri. Ea qui vsurpant & probant, vndenam mutuati sint & hauserint, secum ipsi dispiciant. Hispaniense ingenium meum vtrumque stupidum, profunditatem hanc nequit penetrare, nec ad hanc altitudinem euolare. Quem mihi militi, & in armis nato & adulto stuporem ignoscas oportet. Itaque finem hîc facio, meque reprimô: dies enim in vesperam declinat, cuius mediam propè partem huic colloquio impendimus.

PELAG. Vlteriùs porrò molestus tibi esse nolo, summas potius ex animo gratias ago; simulque boni omnis datorem Deum rogo, huius vt tibi laboris mercedem rependat, & doctrinæ ac consiliorum tuorum amplectendorum desiderium animis illorum inspiret, qui totius reip. bonum, diuini nominis gloriam, regni huius prosperitatem, consilio & opere promouere possunt. Itaque me æternum obsequio tuo deuotum habe.

APOCALYPSIS
BATAVICA.

Beneuole Lector.

VERIDICO Belgico Batavicam maritare placuit Apocalypsin, vt sibi per omnia pares. quod tibi coniugium, spero, minimè displicebit. In tui ergo gratiam iunxi, vt & melius vnum alteri componas, & commodius per viam tecum feras; vt, quod tum hæc, tum temporis longitudo adfert tedium, in curru equè ac naui isthæc legendo leues, & cum duobus hisce prudentibus viris subinde colloquendo otium fallas, animumque oblectes.

APOCALYPSIS BATAVICA.

INSUPERABILIS nostra potentia per vniuersum terrarum orbem iam innotuit: generosa nostra audacia & animositas per omnes eiusdem angulos sese diffudit. Sua Romani eousque arma non prodixerunt, quousque nos nostra. Orbem, quâ patet, sæpissimè enauigauimus; nullum vt suis sol angulum

gulum radijs perlustret, quem nostra non lustrarint, non viderint arma.

Orientalis Indiæ prouincias omnes percurrimus, varijs illius in insulis arces & propugnacula nostra magna cum industria condidimus; vt iam non modicam maximarum insularum, in quibus Indorum potentia potissimum sita est, partem nostræ potestati asseruerimus.

Hinc factum, vt ferè omnes orbis terrarum Reges ac Principes opem nostram efflagitent, vt, quemadmodum olim Romani rerum domini, armatas illis leges præscribere & imponere, in nostra sit manu.

Gallia plus quàm semel potentia nostræ suppetias petijt, & felicem earum successum, in expeditione contra Soubisium suscepta sensit. Ipsi quoque Reformati Rupellani & Montalbanenses, non abhinc multis annis, aduersus Regem suum dum insurgunt, ope nostra suffulti, edomari non potuere. Testari vt possit Gallia, illuc suam inclinare prosperitatem, vbi nostra sunt arma; & illi victoriam parti accedere, cui nobis pro temporis oportunitate cum armis nostris lubet accedere.

Anglorum Rex in Regia sua aduersum Hispanos expeditione arma & naues nostras expetijt; quibus si careret, nullam sibi de Hispana potentia victoriam auderet polliceri.

Daniæ item Rex, generalis Inferioris Saxoniæ

nizæ districtus copiarum imperator denominatus, sæpissimè nostra requisivit subsidia ; in his namque omnem spem suam reponebat : vnde etiam hæc illi magna cum fide submisimus.

Brandeburgicus Marchio iam dudum à Neoburgico Hispanis armis suffulto, fortunata nostra arma impedimento nî fuissent, debellatus, & toto Iuliacensi, Cliuio & Montensi dominio eiectus esset.

Comes Palatinus suasu, consilio & auspicijs nostris Bohemicam sibi coronam imposuit ; & eandem etiamnum haberet, quin & Imperatoriam pacificè iam possideret, si modò Bohemi ante Pragam nostra sequi consilia, & animositatem imitari bellicam voluissent.

Gades, Hispaniæ fauces & introitum, per quem olim Mauri in eam penetrarunt, & plus septingentis annis possederunt, nostris Comes Essexiæ auspicijs inuasit & expugnauit ; Anglorumque etiamnum in potestate forent, si ibidem is, (vt consulebamus) arce erectâ se communire voluisset.

Potens Venetorum Respublica, nostra, dum aduersus Pontificè Paulum V. ac deinde FERDINANDVM, modò Imperatorem, bellum gereret, subsidia exposcere sibi probro non duxit.

Sabaudiæ Dux, heros ille indefatigabilis, nostrorum opæ armorum, cum varijs Hispanorum exercitibus, quibus S. Germani Marchio,

&c

& Feriæ Dux cum potestate præerant, feliciter conflixit, & superior euasit. Iam dudum is Genuam, vti & Mediolanum, & Neapolitanum ac Siciliae regna inuasisset, si nostrorum ductorum consilijs Galli acquiescere, & hebdomade quæ Paschalia præcurrit festa, montes penetrare voluissent. Genua quippe nullo com-
meatu, & paucis ad defensionem necessarijs rebus tunc erat instructa. Certum verò est, ab illa vniuersæ imperium Italiae, tamquam ab ancora nauim, ab arce & propugnaculis urbem, à duce suo exercitum, tunc pependisse. Etenim Mediolanum præsidarios paucissimos habebat, Siciliam & Neapolitanum regnum qui defenderent, aliò concesserant. vt à sola Genua, Italia vniuersa, velut à filo penderet.

Moscus cum Poloniae Rege bello decertans, copijs nostris adscribat oportet, quòd victor euaserit, & sua conseruarit.

Sueciae Rex, nostris & armis & ductu fortunatissimè cum Polonis certauit, ac Rigam locaque ei vicina illis ademit.

Gábor Bethlinus animosam & generosam suam aduersus Imperatorem FERDINANDVM initam expeditionem, nostro suasu ac milite, felicem ad exitum conduxit.

Magnus Turcarum Dominus nostras, ad inimicorum suorum incursiones coërcendas; etiam naues expetiuit.

Po-

Potens & longè diffitus Perfarum Rex; in Armuzia sibi vindicanda, nostros in belli societatem adsciuit.

Brasilij vni nostræ potentiaë attribuunt, quòd, Hispanicæ seruitutis excusso iugo, pristinaë libertati se, præter omnium expectationem & opinionem, viderint restitutos.

Americanis, Peruanis, Mexicanis, nostris ipsi classibus sæpè timorem incussimus.

Magnus Mogoris Monarcha nostram ambiuit amicitiam & fœdus. ambiuit & potentissimus Sinarum Rex, & Iaponiorum dynarcha; nec non vniuersi omnium Orientalis Indiæ prouinciarum & insularum Reguli.

Maris porro imperium penes nos esse, in confesso est, & notius quàm vt opus sit dicere. Nullas quippe quis ab hominum memoria, omni retro ætate, audiat, vel in omnibus omnium gentium historijs legat, generosiores, audaciores, simul & feliciores expeditiones, quàm nostrates paucis abhinc annis susceperè; vt qui solius viarum terra marique confecimus, quàm omnes aliorum regnorum nautæ.

Adhæc, plus quinque & quinquaginta annis terra marique, toto penè terrarū orbe, aduersus Regum omnium potentissimum iuxtà ac maximum, bello certauimus. Vicinus multa, amissimus nihil; non modicam terræ partem, tam hisce in prouincijs, quàm in India, ei ademimus, quam

quam etiamnum in potestate nostra habemus, classes eius plus quàm semel aut disturbauimus, aut interceptimus. vrbes & prouincias illius expugnauius, exercitus varios fudimus, eumque ad inducias, & ab armis cessationem à nobis exposcendam compulimus; quas, Belgicarum prouinciarum vastationem & desolationem solum miserati, Regum Galliae & Britanniae interventione & suasu, ei denegare non potuimus.

Quamquam fateri me oportet, non eam nostram fuisse potentiam, vt ea sola tam potenti validoque Regi, tot per annos resistere potuisset. hac enim de causa, vicinorum Regum, Protestantium Imperij Principum, & Serenissimae Venetorum Reipubl. auxilia implorauimus; vt vnitis iunctisque viribus, atque vnanimi conatu, communi Europæ totius hosti nos opponeremus, eiusque potentiam & vires ita accideremus, vt is ad Galliam, Britanniam, Germaniam, & Venetos impetendos impotens fieret, & sua continere arma domi cogeretur. Nec multo ad hoc apud exteros opus fuit conatu aut molimine, cum Hispana potentia in omnium Regum ac Monarcharum oculis fudes sit & cordolium.

Et hæc omnia fortunatissimis ductorum nostrorum, Auriacorum Principum, Gulielmi & Mauritij Nassouiorum, iuratissimorum Hispanicæ, nec non Austriacæ domus potentiae hostium, auspicijs ductuque gessimus; idque, vt
in

in naturalem & innatam homini, libertatem nos vindicaremus, & ab Hispanico dominatu & Inquisitione liberi viueremus.

Sed potissima armorum induendorum causa, fuit religionis nostræ propugnatio. in ea quippe cupimus esse liberi, & talem deligere, qualem cuique nostrum & voluntatis instinctus & internus Domini spiritus præ alia amplectendam suaderet; & vnicuique libertatem dari, eam fidem & religionem assumendi, quæ ei ad salutem consequendam optima videretur, neminem ad certam & determinatam aliquam deligendam compellendo. In quo, tum naturam, tum Deum ipsum sumus imitati, qui liberum nobis dedit arbitrium atque optionem, ignemque & aquam simul apposuit, ut ad alterutrum, prout liberet, manum extendamus, nulla verò voluntati vis inferatur.

Et licet in eadem, qua Hispani, fide, iam inde à multis sæculis, continuâ patrum successione, nati essemus; & per aliquot annorum centurias, in eadem quoque, sponte, non repugnanter, nec inuiti, vixissemus; innatæ tamen hominibus libertati videbatur aduersari, à quoquam nos compelli, in eadem ut perseveraremus, viueremus & moreremur: cum fidei & assumptionem & conseruationem homini liberam & à nullo dependentem fecerit Deus, hæcque ipsa eiusdem sit donum, ad quam proinde neminem

par

par sit cogi, sed vnique liberum relinqui, vt in cuius libuerit, illius verba iuret.

Vt igitur libertatem nostram, hominibus diuinitus datam, conseruaremus, aduersus omnium orbe toto Regum potentissimum, insigni cum audacia, armis nobis agendum putauimus; causæ nostræ æquitate freti, dum nimirum innatam nobis & à Deo datam libertatem propugnamus.

Atque ideo anno MDLXXVII. Ianuarij die XXII. Harlemiensibus solenni iuramento promissimus, vt, quotquot tum è sæcularibus, tum Ecclesiasticis in Romanæ religionis exercitio permanere vellent; nullum in eo à quopiam impedimentum paterentur. Artic. namque I. pactorum sic dicitur: *Quantum ad caput religionis; promittimus fore, vt Romana religionis exercitium Harlemij, tam inter sæculares, quàm Ecclesiasticos & Religiosos, tam viros quàm faminas, qui eandem exercere volent, futurum sit liberum & sine vlllo impedimento, turbatione & iniuria exercendum. Hæc nostra sunt verba. In quibus mox sequitur: Quisquis verò Romana huic religioni iniuriam, turbulam, aut impedimentum aliquod attulerit. grauissimas tamquam publicæ quietis perturbator, sine vlla conuiuentia vel indulgentia, pœnas dabit.*

Eodem anno, XXII. Martij mensis, id ipsum Goesanis & Sutbeuerlandijs, iureiurando art. I. promissimus.

K

Idem

Idem in quinto conuentionis cum Vltraie-
ctinis anno MDLXXIX. initæ articulo expref-
fum legere est. Artic. verò 13. fic: *Vnicuique in
fua religione liberum erit exercitium; ac eiuſdem
cauſa, nullus aliquod à quoquam grauamen, malefi-
cium, aut vexationem patietur.*

Quin etiam apertiori Amſterodamenſibus,
anno MDLXXVIII. 8. Februarij die, promiſſo
cauimus, dum artic. i. dicimus: *In Amſtero-
damenſi ciuitate, & omnibus eius territorij terminis
ac dominio, nulla præterquàm antiqua Romana præ-
dicabitur, docebitur, exercebitur religio.*

In conuentione autem Grauienſi anno
M DCII. peracta, fic art. i. polliciti ſumus: *Om-
nes Religioſi, tam viri quàm feminae, nullo excepto;
item omnes Catholici ciues & inquilini, in Catholi-
cæ religionis exercitio pacificè agere & manere per-
mittentur.*

Hæc autem fecimus, vt vnicuique plenam in
fide aſſumenda libertatem faceremus. quam-
quam me fateri neceſſe ſit, his nos promiſſis,
eſto iureiurando firmatis, minimè ſtetiſſe; ve-
rùm, non tam deliberata noſtra voluntate,
quàm ſeditioſorum & perduellium quorum-
dam inſtinctu & ſuaſu. Putem autem, ſi addi-
ctam Catholicis fidem ſeruaviſſemus, futurum
fuiſſe, vt iam penè omnibus hoſtibus noſtris ſu-
periores eſſemus. Sed vt in multorum capitum
ac ſenatorum concilio fieri videmus, vt ſæpè
vnus

vnus alterius sententiæ aut opinioni acquiescere recuset; & quemadmodum nauis medios inter mariis fluctus constituta, non rarò, gubernatore etiam reluctante & inuito, vndarum & ventorum vi ad littus hostile eijcitur; ita & in Republica, quæ diuersorum capitum & opinionū colluue constat, & in qua sæpè magis ex aliqua necessitate, ac vi exterius admota, & coacta inconsiderantia, quàm maturis, deliberatis ac præmeditatis consilijs homines aguntur, vsu venire constat.

Quod quauis homini, qui futura & euentura vsquequa; ad plenum præuidere nequit, vt etiam addicta & promissa sua non rarò immutare cogatur, ignoscendum sit; attamen citra extremam & summam id necessitatem fieri non debet. quæ vbi premit & vrget, priùs alteri promissa ad aliquod erunt tempus seponēda, cùm videlicet ea, sine notabili reip. incommodo & damno præstari non poterunt. Atque hoc in casu, eorum violationem & infractionem vir prudens ignoscat oportet, cùm maior vis ijs & potentia præualeat.

Vnde etiam contingit, vt, dum maius & inexpectatū de foris bonum nobis aduenit, priora minoris boni promissa, illius causâ violemus. Etenim si maius illud præuidissemus, minus non promississemus; præsertim cùm vi armorum quædam spondere & iurare compellimur,

quæ postea, è casibus & euentis quibusdam inexpectatis, notamus vniuerso & cōmuni reip. bono repugnare. Cumque maius bonum minori prævalere debeat, & inexpectatum nos damnum vrgeat; fas & æquum videatur, priores sponsiones, publici causa boni, in quid melius commutare.

Hæc vt ita se habeant, negare tamen non possum, maiorem nos Catholicis Romanis libertatem concedere oportuisse, atque adeò illi, quam semper spectauimus & iactauimus, religionis libertati repugnare, quempiam aut ad certam aliquam fidem assumendam, aut ab ea quam aliàs assumpsit recedendum cogere, illius causa eum persequi, & damnum inferre; aut in eiusdem professione & exercitio, quæ vnicuique ita libera esse debet, nullus vt in sua turbandus sit, perturbare; aut conscientia alicuius vim inferre; aut denique maiorem dominatum exercere velle, quàm in homines ipse exerceat Deus.

Et sanè petentibus à me Catholicis nostris inquilinis, quamam in re conscientia libertas sita sit; an non in libera eius religionis, quam mens & instinctus noster interior optimam nobis esse contestatur, delectione? quid respondeam nescio. Vti nec rogantibus in quo nos ab Hispanis quoad religionū exercitia inhibenda discrepemus. Hispani namque Reformatæ religionis

ligionis exercitium prohibet: nos antiquæ Romanæ Catholicæ, in qua omnes maiores nostri iam inde à multis sæculis & vixere & mortui sunt, vsum proscribimus.

Illi supplicia infligunt peregrinas religiones profitentibus: nos qui aliam præterquam nostram, & maximè qui Romanam profitentur, mulctamus. Quod dum facimus, omnes retrò maiores nostros damnamus, ipsosque in posteris castigamus.

Illi graues & diras leges ferunt in eos, qui secum in fide non conspirant: nos sanguinariorum in Romanæ religionis, etiam in cellarijs & speluncis sub terra, & solarijs, cultores edictorum ferendorum finem nullum facimus. Si maiores nostri à morte resurgerent, & à fide sua primigenia & cum lacte nutricis imbibita desciscere nollent, nescio an non & illos decretis nostris premeremus,

Illi libros omnes, quibus peregrina religio traditur, proscribunt: nos in eos qui Romanæ fidei libros, aut legunt, aut domi seruant, grauius animaduertimus. timeo sanè vt & in maiores nostros hac de causâ animaduerneremus.

Illi regnis & prouincijs suis vniuersos excludunt qui externam fidem sequuntur: nos Romanæ fidei cultores à quolibet magistratu dignitate & munere publico arcemus. nescio an non & patres nostros, si in viuis essent, tamquam

Romanæ fidei defensores & propugnatores, arceremus.

Plenis faucibus, sexcentis libris, & nusquam non, Hispaniarum Regem fugillamus, quòd nos ad fidem susceptam deferendam compellere, aut eam quam animus nobis suscipiendam dictabat, suscipere inhibere voluerit. Et nos, Romanos fidei suæ veteri renuntiare cogimus, cùm tamen nos fateri oporteat, Romanam supra nongentos apud nos annos viguisse, antequam nupera Reformatio iam inde è Germania & Gallia ad nos commigrasset.

Sciscitantur à nobis, nec immeritò, quo eos iure nouem sæculorum possessione deturbemus, cùm ipsi quinquagenaria Reformationis nostræ possessione ab Hispanis deturbari ac deiici nolimus? Quid ipsis ad hoc replicē, aliud non habeo, quàm, nostrum id Statum suo à nobis iure deposcere.

Regerunt hi rursus, Hispanorum quoque in his prouinciis Statum poposcisse, nulla vt alia, præterquam sua, religio permetteretur. Hanc tamen illationē plurimis olim libris impugnauimus, & quæ ipsi nunc vsurpamus axiomata (cùm aliud quod respondeamus, nobis non suppeditet, quàm è Status nostri re non videri, Romanæ exercitium religionis permitti) hætenus armis tum patriis, tum externis oppugnare contendimus.

Præter

Præter hæc nobis obiiciunt, Romanæ fidei
hisce in locis cultores, primos aduersus Hispanum
arma induisse, primos suo profugum Au-
racum gremio suscepisse, ei que tutum apud se
asylum præbuisse. Id quidē nos cōfiteri oportet,
licet illis suæ exercitium religionis prohibea-
mus, qui tum auro, tum vita, primi libertatis
nostræ, qua modò pacificè fruimur, auctores
& vindices exstiterē.

Ad Romanam tamen religionem prouinciis
nostris eliminandā, aliqua nos mouere ratio vi-
detur: ne videlicet religionis huius efficaciam, vi, &
exteriore cæremoniarum illius splendore (vti
Aduocatus subveritus dicere solebat) carissimi
& amantissimi populares nostri pellekti paulatim,
tandem ad illam accedant; itaque religionis
huius, quam & Hispani profitentur, potentia
& adminiculo, pristini sui Principis, Hispania-
rum Regis, recordentur, & erga eum animis
propendere incipiant. Quod certè patriæ li-
bertati quæ nihil Hispanicum fert, & omnem
erga eos affectum excludit, nimium quantum
repugnaret.

Sed Romanos missos facientes, quid de con-
fratribus nostris Arminianis, fidis nostris com-
militonibus, veris patriæ libertatis nobiscum
zelatoribus, & aduersus omnem Hispanorum
potentiam propugnatoribus dicemus? quæ
peroratio nobis dicat & suadet, vt liberum

illis religionis suæ exercitium permittere nolumus, sed omnem conscientię libertatē, & liberam fidei suæ susceptionem ac professionem auferamus, Gommaro nostro ac Synodo Dordracenæ eos inuitos subscribere compellentes.

Orbe toto Hispanos inauditæ & intolerabilis cuiusdam tyrannidis passim accusauimus, quod nos ad Tridentini Concilij obseruationem vellent compellere. & nos iam, non Catholicos solum Romanos, sed & fidos cooperatores nostros Arminianos, in Dordracenam Synodum vt iurent, eamque propugnent, cogere volumus. Quin & eousque nostra ascendit superbia & præsumptio, vt & Henrico Nassouio Auriaco Principi eam, quò in illam iuret, obtrudere non vereamur. Ecquis vnquam audaciorem impudentioremue stuporem vidit? quid ad hæc respondere possumus?

Nec hîc stëtimus. sed vltcrius progressi, generalem prouinciarum Syndicum & Aduocatū, Arminianorum coryphæum, vnicū patrię zelatorem, tutorem ac parentem; sincerum, non fucatum aut fictum, & natum Hollandum, iuratissimum Hispani nominis hostem (cuius vnus sapienti ac solerti consilio astuque, cum ad extremum nostra iam redacta esset potentia, & annuum scenus ita graue, vt omnes nostri prouentus ei ferendo nimis quàm impares essent; factum est, vt potentissimus Hispaniarum

rum Rex primus inducias & ab armis cessationem à nobis expetierit) neci dedimus, & infami carnificis securi subiecimus. idque potissimum exterorum Gommaristarum, iuratissimorum communis prouinciarum nostrarum boni hostium, qui iam inde è Brabantinis partibus in has profugi, homines de triuio ac terrę filij cùm essent, post pauculorū annorum dignitatem & magistratum iam supra octoginta, etiam centum, in annos singulos de prouentibus suis florenorum millia percipiunt, suasu & instinctu. Vnde iam verò hi ita rem fecerint, & hæc illis fors allapsa sit, aliis cogitandum & examinandum relinquo.

Quid ergo Arminianis, meritò de istac iniuria conquerentibus, respondeamus? quam vel verosimilem facti huius rationem illis reddamus? præsertim cùm eos & omni magistratu excluderimus, illorumq; in locum, in omnibus propè ciuitatibus, sartores, cerdones, veteramentarios, piscatores, fabros ferrarios, cæmentarios, scriniarios, carpentarios, aliosque eius notæ triobolares gnathones, quibus res angusta domi, spes nulla foris, substituerimus. & hos vrbi gubernaculo ad mouimus. nullo alio nomine cõmendabiles, quàm quòd Gommarū mordicus tuerentur; vt horum operâ & ad miniculo executioni mandarem, quod perduellibus & publicæ quietis perturbatoribus nonnullis allu-

beret: probè gnari mendiculos hosce Gommaristicos magistratus nobis per omnia ad nutum, seu cereos, fore obsequentissimos. neque enim eos aliud fuisse dicas, quàm impium quoddam & nefarium eorum, quibus propositum erat res nouare, patriæ nostræ libertatem tanto sanguine comparatam pessumdare & euertere, eamq; noui cuiusdam Comitum seruituti & dominatui denuo subiicere, instrumentum.

Etenim, non sine insigni fortitudinis nostræ labe, fateamur oportet, nullum ab hominum memoria Dominum, Comitem, Principem, aut Regem, tantum in hæc prouincias earumq; inquilinos iuris habuisse aut vsurpasse, quantū nuperus habuit Auriacus Princeps Mauritius. Imò nullum, etiam inter Hispaniæ Reges, futurum, qui adeò liberè, audacter, hominem nullum timendo, omnia priora nostra priuilegia, nullo excepto, sit (vt ipse) abrogaturus: adeò vt absolutius & maius in hæc prouincias imperium habuerit, quàm superiorum Principum ac Comitum vllus.

Illo enim viuo, post Aduocati nostri mortem, velut incarcerati & mures in muscipula viximus. Etenim, toto induciarum tempore, adeò omnes terræ limites & accessiones nouis munitionibus & arcibus, in quas multi florenorum milliones sunt impensi, firmavit, validisq; militum præsidiis communiuit (quos item ad mini-

minimum oculorum nutum paratissimos, sibiq; addictissimos, & per omnia habuit obsequentissimos) vt illius vnus imperio, quòd arma & propugnacula prouinciarum omnia sua in potestate haberet, cuncta regerentur, & nos inuitos licèt, sibi parère cogeret.

Qui puro religionis & fidei zelo hæc cum fecisse putat, næ ille sublimi eius ingenio & spiritui iniurius est. illius enim religio, eius erat magnitudo & potentia, omnis ad eam perueniendi via & ratio, gladius & arma; potens illius Deus, sui ipsius amor, instrumenta bellica, vis, exercitus, quos ad instar filiorum suo velut in gremio habebat. Equidem per magnū Iehoua, Deum deorum iuro, si nulla, nisi Romanæ religionis adminiculo & medio, ad prouinciarum harum imperium illi patuisset via, illam ipsum non secus ac vestem nouam, haud illubenter assumpturum fuisse. etenim multis Missarum sacrificiis æquiualeat Hollandia. Et quis adeò demens, vt terram hanc promissionis, ob non assumptum Romanæ religionis velamen & speciem, velit amittere? Maior sanè erat Mauritij sapientia, quàm vt ob fidem quam nō profiteretur, pretioso hoc monili carere vellet: ne uè adeò is despiebat, vt, ne Romanæ Ecclesiæ cæremonias admitteret, hanc sibi è manibus imperandi occasionem elabi sineret. Imò etiam (iurare aulam) hebdomadatim peccatorum confes-

confessionem instituisse, & Romano cœnam Ecclesiasticam more percepisset, si hac illi viâ ad Germanicum Imperium, aut certè alium paulò inferiorem principatum aditus patuisset. Mihi credas velim, adeò is in Gommari verba, aut Synodi Dordracenæ decreta non iuravit, ut se illorum tuendorum causâ, non dico flammis tradidisset, vel alapam, aut irrogatam dicti mendacij contumeliam tulisset, sed ne vel minimam aciculæ, etiam in omnium Hollandicarum, quotquot cogi possent, Synodorum, aut excerebrati Gommari gratiam, puncturam pati voluisset. Vsq̃ue adeò is vecors non erat. Illa enim ei optima videbatur religio, quæ ad illius quam spectabat magnitudinis incrementum & promotionem maximè conducebat. Secus de eo qui opinatur, errat gravissimè.

Eandem quoque religionem profitentur & sectantur, quotquot ei Aduocati de medio tollendi suafores & instigatores fuere. Summus illorum Deus, est compendium & honoris incrementum; religio verò, omnis illa per quam optatis eorum commodis, possessionibus, dominatui aliqua fieri potest accessio. Imò, tametsi hanc religionē cacodæmones sectarentur, plenè eam nihilominus vlnis & ambabus manibus amplecterentur. Cælum ipsorum in terra est; aliud quippe nec expectant, nec esse credunt. inter hominis enim, & iumenti aut bovis

uis Hollandici mortem nullum ponunt discrimen; & credūt firmiter, nullam, post hanc mortalem, vitam superesse aut expectandam. Ut mirandum non sit, illam ipsis religionem optimam videri, quæ ad destinatum illos finem & scopum optimè dirigit. Sic mercator illam sibi viam compendiosissimam & optimam ducit, per quam maior peculio ipsius fit accessio, & annuus prouentus maximè increfcit. Quisquis aliam Statibus nos regentibus religionem affricat, magnam illorum sagacitati, acumini, & prudentiæ irrogat iniuriam. Hinc toties eam vendere, abnegare, & abiurare non dubitabunt, quoties per aliam quamdā maior questus & commodi spes affulgebit. Imò nec Turcismum, Iudaismum, & proinde nec circumcisionem abnuent, si hæc illos fides ad scopū præfixum, speratas opes & honores conductura sit. Aliud quī de ipsis sentit aut opinatur, cæcutit. Asseuerare & iureiurādo confirmare ausim, fore ut etiā parentes, vxorem, filios, Hollandiam, Deum ipsum venderent, quò votorum & intētionis suæ redantur compotes. Exemplo tantum tibi sit, quod superioribus hisce annis, tam in Gallia, quàm Anglia machinatum est. quoties enim duobus illis Regibus nescientes venditi sumus! Testatur hoc immensa illa & regia, quæ Legati nostri domum retulere, quibusque suas illi facultates incredibile quantum adauxere, munera.

ra.

ra. Si tam facilè nos tradere, quàm vendere, potuissent, iam dudum Anglorum aut Francorum sub iugo gemuissimus.

An non isthoc in euentu longè satius nos esset Hispano subiici? Hoc tecum cogites obsecro, & simul intueri (reprimo me) Francorum leuitatem & inconstantiam, intolerabilem Anglorum arrogantiam, quæ gentes reliquas seu peripsamata & propudia præ se contemnunt. Illorum secures, cruces, patibula intueri; vtriusque gentis mores cum Hispanorum moribus compone.

Hispanorum mores te docebunt Siculi, Neapolitani, Mediolanenses, quibus tot annis Hispani sunt dominati, & etiamnum dominantur. Vide, quàm illis pacificè leniterque præsent, quanta incolæ & indigenæ in securitate & quiete agant, quàm omnis metus expertes, quàm ab vniuersis hostibus suis tuti, quanta domi pace potiantur, & toto dominatus Hispanici tempore sint potiti; cum ante illum vix esset annus, quo non aut domestico, aut externo bello fatigarentur. Sunt hæc huiusmodi, vt & ad oculum videri, & manibus propè queant palpari; & orbe toto quàm notissima. Quam illorum fidem, sinceritatem, & in addicta semel fide tenenda constantiam docere quoque nos possunt nostri nuper è Brasilia reuersi; quos primum Hispani magna cum humanitate in fidem

&

& tutelam suam recepere, dein domum reuer-
tentibus de omnibus rebus necessariis prospe-
xere, & in Hollandiam non tamquam hostes,
sed hospites & amicos, reuexere; nullus nostrum
ut vel verbum contumeliosum & asperius, aut
minimum maleficij signum, ab ipsis sit passus;
sed toto viæ tempore quasi socii, & vnius Regis
subditi amicè beneuoleque sint habiti. Non
possunt hanc nostri iam domum reuersi beni-
gnitatem non ubiuis prædicare, & centuplo
maiores expectatione se in hoste humanita-
tem & affectum expertos, maiores quoque be-
nevolentiam, quàm in suis ciuibus & eiusdem
secum gentis hominibus; plura denique be-
neficia quàm addicta erant, percepisse, passim
spargere.

Idem & in Bredanæ vrbe iam victæ & tra-
ditæ pactis conuentis videri poterit. Etenim
SPINOLA, copiarum Hispaniensium imperator,
cùm ex interceptis ex vrbe in castra nostra, & è
castris vicissim in urbem missis litteris, quis re-
rum nostrarum in vrbe status, quæ opidano-
rum esset necessitas, didicisset; HENRICVM CÔ-
MITEM DE BERGIS in urbem ad Gubernatorem
emisit, qui amicè ei consuleret eam ut Regi
quantocyùs traderet, etsi nostris è litteris iam
tum nosset opidanis nonnisi in sex dies anno-
nam superesse. quorum expirationem cùm
expectare, ac proinde nostros ad probrosissi-
mas

mas & turpissimas conuentionis condiciones adigere potuisset ; nihilominus ostendere ad oculū cupiens, Hispaniarum Regem tyrannorū more nō agere (quemadmodū nonnulli nostrorum, & præsertim verbi diuini Prædicatores, plenis faucibus numquam non iactant) neue nos vt seruos aut mancipia velle habere, sed illum verè, etiam in contumaces vasallos & filios, se patrem exhibere ; incredibili erga nos humanitate est vsus, sine vlla nos necessitate præuenit, & in victos benignum se victorem exhibuit. Quam etiam benignitatem declarauit tum, cū præsidiarios nostros, non sine ipsorum stupore, & magno nominis sui apud omnes gentes præconio, peramanter ac benignè habuit. Vnde numquam non cum prædicabūt, atque inprimis ipsam Infantem ISABELLAM, cuius maternis ab vberibus lenitatē hanc profluxisse minimè dubitandum est, probè gnaræ hanc & patruelis sui Hispaniarum Regis, esse mentem. Vt nos de paterno Regis in nos & hæcæ prouincias affectu amoreque nefas sit dubitare. has enim ille semper primariam coronæ suæ gemmam duxit, easque vt subigat, & aduersus plurimorum Regum, Principum ac Rerum publicarū potentiam sibi vindicet & comparet, nullo hætenus sanguine aut auro pepercit; atque (vt Hispani vulgò dictitant) nonaginta nouem prouincias suas propemodum do-

deseruit, quò errabundam hanc Belgicam ouiculam, ad Regium suum ouile, magno animi sui cum gaudio & voluptate reducat. Non id eò dico, vt Hispano nos subiiciamus; sed vt hinc liqueat, centuplo se hos benigniores erga nos præbuisse, quàm modò Franci in Italos, & olim in Genuenses, Siculos, Neapolitanos, Mediolanenses præbuere; & millecuplo humaniores, quàm nos in Indos, quos nostrates nullo suo merito & nullius culpæ reos, inauditis supplicijs & incredibili cum immanitate, iubentibus Præfectis nostris, neci dederunt; id quæ non militari quadam petulantia aut licentia, sed præmeditato nostrorū consilio, & occultis ad hoc ipsum faciendum traditis litteris. Quod sanè Orientalis Indiæ societatis membra & Directores negare nequeunt. Atque hæc forsàn est causa, cur Admiralius noster Wittardus cum omnibus suis, parricidalis suæ feritatis pœnas Deo vindici dederit.

Non ignoramus etiam, quo in Orientis India modo in amicos nostros Anglos anno MDCXX. sæuierimus: quos manibus pedibusque vinctos, & è scopulis præcipites datos, membratim dilaniari vidimus. Anno verò post hunc tertio, alios de trabe suspensos aqua infusa propemodum suffocauimus. Aliorum quoque plantis pedum, manuum volis, & axillis ardentes faces admoventes, lento eos excruciaui-

E. 2. 2. mus

mus supplicio, & mille mortibus; quos tandem post omnem hanc carnificinam, securi subiecimus. Hoc sanè ipsi negare non possumus; Anglorum quippe nomina, vti & ductoris illorum Gabrielis Tower sonij, orbetoto notiora sunt, quàm vt rem negemus. Ac licèt hanc Angli barbariem & carnificinam auro nostro excæcati, dissimulent & æquo ferant animo; non eo tamen minus omnium bonorum animos hæc offendit, & omnium linguis carpitur. Non tanta Hispani in nostrates, iuratissimos suos hostes, crudelitate læuierunt, & feritatem exercuere; quanta nostri in amicos & confœderatos; vt posset Nero, & prisci Christianorum persecutores noua à nostris suppliciorum & tormentorum genera ediscere. Hoc cine Batauicum est? hæc cine Reformatā religionem redolent? hæc cine Christiana, imò & humana sunt? huiusmodi ne in barbaris quidem immanitatem videmus. Interim tamen mites & lenes haberi volumus, nostraque Hispanam barbariem ac feritatem clementiā lenire; &, cū Hispanorum tyrannidem nusquam non passim iactemus, quasi illius declinandę gratiā arma induerimus, illos certè barbarie & belluina immanitate longè transcendimus. Quod breui ad oculum me spero demonstraturū, vt sanguinarium Gom-mari spiritum, & inauditam omnium illius sequacium, & nos Anglis subicere conantium

tru-

truculentiam; orbis agnoscat & detestetur. Quidenim ab Anglis sperandum aliud, quàm, si semel absolutum in nos imperium obtineant, eadem illos nobis mensuram mensuros, qua Gommaristæ nostri ipsis apud Indos mensi sunt? Vtinam in memoriam & mentem reuocaremus, quo Angli olim modo in Francos sint grassati: ut interim de Francis nihil dicam, qui quales se in Flandros, Artesios, Hannonios, Luxemburgios olim præbuerint, lippis notum est & tonsoribus. Licet enim ciuili hoc bello insignē & spe maiorem ab illis opem senserimus, ac nobis aduersus Hispanum bello certantibus supra centum ac duodecim florenorum milliones (credet posteritas?) Gallus erogarit; in eo tamen non tam rerum nostrarum accrementum eum, quàm Hispanienſis monarchiæ decrementum spectasse constat. Imò auratis hisce donis harum prouinciarum imperium sibi arrogare, & suam nos redigere sub potestate, uti Artesios, Hannonios ac Flandros olim maiores eius reducere sunt conati, ante omnia intendit.

Horum ergo exemplo sapiamus. Beati & ter felices illi, qui fortunato & infortunato aliorum exemplo, agenda & cauenda sibi queunt edificere.

Et quamquam non id agam, ut Hispanis nos ideo subdamus, cum tanto sanguinis & auri impendio nostra nobis libertas tot per annos

steterit; negare tamen non possum, si, vt extero cuiuspiam nos subiiceremus, extrema nos compelleret necessitas, satius multò futurum, ad pristinum nostrum Dominum Hispaniarū Regem redire, quàm vllum alium exterorum Regum aut Principum deligere, vel priuatum Comitem ac Dominum admittere. Hic enim aduersus tum vicinorum, tum Hispanicam potentiam, prouincias nostras tueri, & vim hostilem propulsare per se non valeret.

Verùm, haud dum huc extremitatis redacti sumus; at, quamdiu & qua possumus, prouidā sagaciq̃ue prudentiā hanc à nobis necessitatem amoliamur. tametsi fatear. necesse est, me rei nostræ non parum timere: id quē ob varias quæ me timere cogunt, rationes. Quarum ea potissima & maxima est, quòd aduersarios nostros à diuina potentia notabiliter videam iuari & protegi. Videas enim

Primò, quomodo BVCQVOYVS Comes exigua militum manu (pugillo penè dixero) Imperatorem, ab omnibus destitutum, aduersus Ottomannicam potentiam, Hungaros, Transiluanie Principem Bethlinum, rebelles Bohemie Directores, Palatinum, Iagerendorffum, & Durlachij, Hassi. Brandenburgici, Anglorum & nostrorum suppetias sit tutatus, quàm paucissimos aduersus potentissimos & innumeros exercitus in aciem educens.

Se-

Secundò, vt idem Comes ad Danubij pontem, à sexaginta & amplius hostium millibus circumvallatus, cùm ipse vix vicena sub signis haberet, gloriosissimè tamen cum suis euaserit, & Vienna hostem discedere compulerit.

Intuere Tertiò, conflictum Pragensem: in quo tot propè videbis prodigia ac miracula, quot euentus. Primò, BAVARIAE Ducem belli imperitum, qui fortè nec hostem, nec arma vquam viderat; Secundò, BVCQYOYVM vulneratum; Tertiò, Cæsarianos defatigatos & fractos; Quartò, Bohemos accliui in colle, tormentis bellicis & vallis communitos, & Pragam urbem copiosissimā à tergo pro vallo habentes; Quintò, Cæsarianos toto corporum obnifu, hostem in colle suo quiescentem vt ferirent, in cliuum ascendere, & quidem angustum per callem coactos; Sextò, hostium multitudinem, vt qui Cæsarianos duplo penè superabant. Hæc tamen omnia BAVARVS & BVCQYOYVS nihil morati, manus conseruunt, Bohemum Regem in fugam agunt, Pragam, quam ne duplex quidem exercitus expugnasset, vtpote quæ supra centum bellantium millia complecteretur, intercipiunt. Hæc si humano iudicio pensentur, & iuxta militarium legum præscriptum, & peritorum ex omni orbis totius gente ducum consuetudinem examinentur; temerariū maximè & stultum videatur, Bohemos tanta armorum, belli-

corum tormentorum; loci, quietis, copiarum tam equestrium quàm pedestrium prærogatiua prævalentes à Cæsarianis impeti. Mirum vt non sit, veteranū alioqui militem BVCQVOYVM, initio à confligendo alieniorem, prælium dissuasisse & propè detrectasse. At BAVARVS, plus Deo quàm suorum fisis viribus, & hostiles prærogatiuas nequidquam moratus, collegam BVCQVOYVM ad manus cum rebellibus conferendas induxit, & superior euasit. Hæc omnium in ore, & memoria versantur.

Quartò, conflictum cum Durlachio & confederatis intueri. in quo primò Hispanicus & Tillianus peditatus in fugam pellitur, equitatus funditur, CORDYBA à suis met militibus recedere cogitur; Durlacenses contrà concatenatis ferro curribus, inaudito castrametationis genere, omni propugnaculo & vallo valentior communiti, & aduersus omnem hostilem incursionem affirmati in tuto sunt; TILLIVS denique consternatus, quò se vertat aut quid agat ignorat. Et tamen post hæc omnia, CORDYBA & Tilliani hoste profligato superiores euadunt, & palmam referunt.

Quintò, considera, vt Halberstadius valentissimis copiis suffultus, & adinstar arrogantis Holofernæ adueniens, Cæsariens & Regios ceu paleas dissipaturus; prius in fugam agatur, quàm suos in aciem eduxisset, victumque ante

tè se videat, quàm hostem vidisset.

Sextò, hic ipse nouis iterum copijs firmatus, & omnibus rebus necessarijs quàm abundanti-
tissimè instructus, rursus à paucissimis Tillianis
funditur, fugatur, & castra sua diripi videt.

Septimò, vide vt CORDUBA haud procul à
Fleruaco à Mansfeldicis impetatur, eius equita-
tus distrahatur, peditatus perterritus propè in
fugam agatur; & nihilominus victor euadat,
quin & Mansfeldium prosequatur; cum ta-
men huius equitatus Cordubensem duplo su-
peraret.

Octauò, triplicem nostram aduersus Antuer-
pienses expeditionem in mentem reuoca.

Primam aurâ temperatissimâ susceperamus:
sed vix Princeps cum suis naues conscenderat,
vix medio nauigatum erat die, cum, ecce, tan-
tum, tamque vehemens, repente exortum est
gelu, omnes vt naues ad nauigandum inutiles
& impotes redderentur; & subitâ ventorum
coortâ tempestate, ita illarum latera conqual-
fata, & ipsâ classis magna nauium & hominum
cum iactura hinc inde ita foedè iactata &
distracta est; vt Princeps in subito hoc gelu,
tempestate, aquarum agitatione, Deum cæli
nosse, eumque (primùm fortè id ei fuit quam-
diu vixit) inuocare cœperit, vt qui tempe-
states, & ciere, & compescere, cùm visum fue-
rit, potest.

In secunda, sub ipsa arcis (in qua vix centum præfidiarij armorum tractandorum potentes tum numerabatur) mœnia cùm penetrassemus, derepentè coorta ventorum tempestas impedimento fuit, quo minùs scalas & alias machinas pontibus ac mœnibus ad mouere, & cymbas aquis iniicere potuerimus; vt & cœpta abrumperè, & re infectâ domũ nos reuerti oportuerit.

In tertia, integram propè noctem in ericeto à via errauimus, cumq̃ue perpluti & madidi vix tandem sub arcem venissemus, cœlesti quodam lumine perterriti & consternati eam aggredi ausi non sumus.

Nonò, considera, quomodo post Brasiliensium emporium, quod vulgò à *S. Salvatore* nuncupant, à nostratibus occupatum, classis, quam nostrorum auxilio destinaueramus, trimestri & ampliùs in Batauicis & Anglicis portibus ventum opportunum exspectans hærere coacta sit; tamquam si nos tamdiu vento carere oportuisset, quoad usque Hispana classis felici & optato vento in Brasiliam appelleret, & antè opidum expugnaret, quàm nostrates sociis auxilio venire possent: vt nonnisi aliquot post expugnationem diebus nostra Pernambucũ classis, per tempestatē & epibatarum morbos prorsus impotens (cùm centum & triginta epibatarum naus, vix septem incolumes & valentes haberet) appulerit.

Deci-

Decimò, Bredanam obsidionem specta: quot illa fuit mensium, tot penè videbis miracula. Etenim MARCHIO SPINOLA Regiarum copiarum in Belgio ductor, in Gilseno pago, loco deserto & ericoso, non sine stupore omnium, castrametatur, secum diu deliberans quem potissimum locum adoriatur; nostris interea velut tempus dans & oportunitatem ad omnibus vrbibus & arcibus de omni re necessaria in annos plurimos prospiciendum. Tandem Bredam castris ad decem in circuitu leucas (inauditum id hætenus) extensis & patentibus cingit. Nos interea eius ausus explodimus, eumque sua in oculis propè nostris valla & propugnacula per otium erigere patimur; nec plus mouemur, quàm si ea nos res minimè spectasset. Tandem nono post mense Regis in manus opidum traditur. In hac porro oppugnatione obsidioque permulta notanda sunt. Primò, quòd datum ab hoste, ad vrbi de necessaria in multos annos annonam providendum, tempus neglexerimus. Secundò, quòd SPINOLAM, cum vix quindecim hominum millia penes se haberet, non impedierimus, sed suos per otium aggeres & propugnacula facere & perficere, passi simus, ne telum quidem mittentes. Tertiò, quòd flumen quo Bredam nauigatur, arcibus in ripa erectis antè non communicimus quàm vrbem valleret SPINOLA. Quartò, quòd toto obsidionis

tempore, viuento Mauritio, hostilia latissimè per decem leucas diffusa munimenta semel non simus ausi impetere, aut vllum propugnaculorum tentare. Quintò, quòd hostem omnem annonam & comineatum suum octo leucarum itinere, continuò carris ad castra conuehere necessariò coactum, semel adorti non simus, nedum vt interceperimus. Sextò, quòd eius equitatu, qui annonam aduehendam identidem stipabat, absente, aggeres illius numquam simus aggressi, nullumque animi aut potentiae nostrae periculum fecerimus; nisi fortè sub Comitibus Henrici Nassouij ducatu. Septimò, quòd ab hoste vltro in aciem ad manus conferendas prodeunte lacesstiti, illi occurrere ausi non simus, sed nostris nos castris tanquam obsessi continuerimus; cum tamen & multitudine superiores essemus, & suos illum aggeres, propugnacula & fortalitia, quae supra ducenta erant, praesidiario milite tueri oporteret. Octauò, quòd totius penè Europæ viribus, & Gallicis, Britannicis, Germanicis copiis roborati, & Veneto auro suffulti, vni Genuensi bellanti, & Infanti Bruxellæ precibus insistenti, atque in solo Deo fiduciam locanti, praeualere velut enerues nequierimus. Nonò, quòd omnem propè Batavicam gazam in vnam Bredam insumpserimus; & supra vicenos florenorum milliones, re nulla, spe maxima, iam inde ab eo tempore, quo MAR-

CHIO

CHIO Bruxellâ urbem obsidere cogitans egres-
sus est, prodegerimus. Decimò, quòd post obie-
ctas flumini moles, erectos hinc inde aggeres,
aquarum latè stagnantium inundationem, irri-
to conatu, ac re infectâ domum redierimus.
Vndecimò, quòd variis in castra hostilia emis-
sis incendiariis, omnem conatum nostrû euen-
tus sit frustratus, & nonnisi farinæ aceruo in-
ferre noxam potuerimus. Duodecimò, quòd,
cùm nossemus in quot menses Bredanis annona
sufficeret, nullum interim hostile opidum tenta-
uerimus: nam nouem spatio mensium potuis-
sent haud magno negotio Velalia, Rinberka,
Grolla, Lingena, Oldenselia; aut quædam Flan-
driæ opida, putà Dunkerka, Neoportum, Bru-
gæ, Ostenda de hoste capi, aut, expeditione sal-
tem tentatâ, is cum probro à cœpto obsidio
auocari. Decimotertiò, quòd non modicam
Regibus Gallo & Anglo, aliisque sociis & ami-
cis nostris, quibus obsidionem indubitatè sol-
uendam addixeramus, intulerimus iniuriam,
magnoq; illorû nomini & gloriæ orbe toto in-
famiae notam inulserimus, tamquam si vniuer-
sis viribus suis MARCHIONEM ad Bredâ rece-
dendum compellere non potuerint. Decimo-
quartò, quòd nostrâ vniuersæ Europæ ignauiti-
& degeneres animos detexerimus, thraſonica
quidem verba, sed' opere & animositate cas-
sa; ac diuites sponſiones, sed rebus viduas,
dum;

dum sex & triginta armatorum millibus instructi, hostem eiusque vallos adoriri, aut ali-
quod generositatis nostræ specimen edere non
præsumpsimus.

Intuere iam, obsecro, ærurnosum reip. no-
stræ statum. Supra sexaginta argenti millions
æ nobis alienū est, idq; ē pecunia à nostris mu-
tuata, cuius in annos singulos fœnus creditori-
bus nos pendere oportet; vt taceam eamquam
Gallo, Veneris, & aliis exteris mutuantibus,
pecuniam accepimus; item quinquagenos illos
argenti millions, & amplius, ab Orientali so-
cietate mutuo acceptos, & numquam refun-
dendos; non quidem in ipsos pecuniæ dominos
ac proprietarios, quibus societatis illius Dire-
ctores (*Maiores* nominantur) per Capitaneos suos
illam surripuerunt; non item in hos ipsos Dire-
ctores, qui veri rerum furto surreptarum do-
mini esse nequeunt. adeò vt omnis direpta pe-
cunia Generalibus provinciæ Statibus, tam-
quam bona derelicta, nullumque dominum
agnoscentia, competat. Interim nullam Dire-
ctores de his conquerendi ansam habent, cum
omnis furto sublatæ pecuniæ dimidium Status
illis non inuiti cedat. Imò verò Statibus illi gra-
tias agant oportet, Primò, quòd bona illorum
cum venia liberè sibi rapere & prædari licuerit.
Secundò, quòd dimidiam rapinæ partem sibi
cesserint; quæ nisi fuisset, sæpius societatem fo-

ro cedere oportuisset; imò ne modò quidem extra periculū est. Etenim omnis illius fors iam dudum disperiit; hinc, ne penitus intercīdat, noua indies pecuniarum nomina contrahit.

Duodecimò, vide, vt Comes Mansfeldicus, cum Gallicis atque Anglicis copiis iam inde à Bredani obsidij initio exspectatus, cum tempestatibus variis conflixerit; & post naues plurimas amissas, Anglos suos delumbatos, exhaustos & morbidos, mortuis quàm viuis similiores, in Hollandiam adduxerit, & vniuersæ provinciae inauditi hactenus morbi contagia intulerit; imò ipsemet actuaria in cymba, cum pauculis comitibus, vix sospes euaserit.

Decimotertiò, quis dicere auset, quid classibus nostris in Americā missis factum sit, vbinam tot naues variis sub nauarchis disperierint; quantū aurā plebe in hanc expeditionem suasu nostro tam libenter erogati, irritò euentu dissipatū sit? Vniuersam pulsas Hispanis, subacturi Americam, Peruiam, Mexicum, Brasiliam, videbamus, & ita rem ibi nostram acturi, vt Nouæ Hispaniae loco Nouam conderemus Hollandiam, & gentes illas barbaras nostram & linguam & religionem (missis eo fine permultis Euangelij nostri Ministris) Romanā & Hispanā proscrip̃tā, edoceremus. At in ventos hæc abiere molimina, vix centesimus domum reuertit; de reliquis quid actum sit, nouit Deus,

Deci

Decimoquartò, tecum perpende, quam naues nostræ ante Dunkerkam, Deo castigante, à vento & oceano; & quidem in loco vbi tempestas rarior, sint passæ iacturam, vt pars malos præcidere sint coactæ, pars ad littus collisæ & exarmatæ in hostium potestatem deuenerint; cum hostiles ne rudentem quidem amiserint. Factum hinc, vt illæ, nostris, à quibus velut obsidebantur, dissipatis & luxatis, liberum mare nauctæ, sexaginta propè piscatorias nostrorum naues, & duas onerarias interceperint, quarum partem mersere, partem flammis absumpsere. quæ sanè iactura, quinque florenorum millionibus vix pensetur. Vt taceam ortum hinc in populo pauorem & consternationem, vt qui ea magis sit, quam Bredæ amissione percussus; viso, nauium plurimas sine halecibus, reliquas cum pauculis domum rediisse. Auxit ea res non mediocriter superiorem iacturam. piscatus quoque omnis turbatus & dissipatus est, ac retia amissa: verendum vt sit, vt anno proximo pauci piscatum sint abituri; vnde non vulgare vniuersæ prouiciæ obuenerit detrimentum.

Decimoquintò, vt Gabor Bethlinus, secus ac iureiurando promiserat, & contra ictum cum Imperatore foedus, iam paratus nobis instigantibus, vt potenti cum exercitu in Cæsarianas prouincias irrueret, quò TILLIUM & WALSTEINIUM Brunsvicensi ditione excedere cogeret;

ret, ac Danorum Regi viam, qua nullo impedi-
diente in Palatinatum penetraret, veluti ster-
neret, à Deo sit castigatus. etenim quatuor pri-
marij eius ducēs & velut atlantes, quibus amissi
nihil est, vno simul tempore ex hac vita ab-
ripiuntur. Seczius enim & alius violenta, &
ferro alieno; Butianius, & quartus subitâ & re-
pentinâ morte ex hac vita sublatis. In quibus
Gabor vindicem Dei cum Antiocho manum
sentire potuit: atque hinc sceleratam suam ex-
peditionem, ne fortè pares Deo pœnas daret,
abrumperè est coactus.

Decimosextò, Dei in hostes nostros propen-
sionem & nutum pondera. Classi Anglicanæ
nostras ipsi naues cum iunxissemus, animis &
viribus concordibus Hispaniam petiimus, Ga-
des insulâ expugnaturi; & Afris illam dare pol-
liciti decimo tandem die, felici acti vento, etsi
non sine maris periculo, exscensionem fecimus.
Hac porro in expeditione, quædam nobis con-
sideranda sunt. Primum. cum non pauci Angli
æquè ac nostrates exscendissent, & octo bellica
tormenta in terram exposuissent, sunt à præsi-
diariis Hispanis, quos sextuplo numero supera-
bant, primò quidem inhibiti vlteriùs progredi,
dein prorsus in fugam compulsi. Quæ in fu-
ga cæsi octingenti, & octo illa tormenta Hispani-
nis cessere. Itaque occupato illo portu, sempit-
erna nostri & Britannici nominis cum infamia;

quæ (humanitus loquendo) in nostras eam manus tradere, nobisque prodesse debuisset, obfuit. ut videre & fateri nos oporteat, classem Regiam ideo non periisse, quia tymbe eius speculatoriæ periere, Regisque bonum in earum malo, & nostrum infortuniū in fortunata illarum inuasiōe situm fuisse. Et sicut nil ad victoriam magis conferre vulgò solet, quàm hostilia prænosse molimina; ita nihil ad eandem hic magis nobis obfuit, quàm Regiam intentionem nouisse. Quod sanè omnem humanum intellectum & sagacitatem longè transcendit, & à Deo solo prouenire potest. Nihil hic loquar de erogata in centum adornandas nauès, & omnem illarum annonam impensa, de inutilibus eundo redeundoque factis sumptibus prætereò & Anglorum luctum & querimonias, ciuium suorum tum in agro Gaditano cæsorum, tum in Oceano præ morbis & tæbe consumptorum, amissionem plangentium; nec non frustranea militum & epibatarum stipendia: non examino quis quæ vltra eis debentur, post reditum persoluturus sit, & an non hinc aliqua toto regno secutura sit commotio. non dico, quo nos huius expeditionis causas Anglimodo, diris omnibus sint deuoturi: ut taceam vindicem Dei dextram, quæ (si modò Deus sit & omnipotens) hanc iniustitiam inultam non sinet. Nisi fortè omnibus illis, suasu & exemplo

M. nostro,

nostro, eo satisfiat modo, quo nos nostris è Br-
 filia reducibus perfidè persoluimus. Hæ scilicet
 sunt Puritani & Gommaristici Euangelij, è sa-
 cris Bibliis depromptæ ad inuentiones & artes.
 hæccine Gommaristarum, Bogermanno Pon-
 tifice, in Dordracena Synodo accuratè ad
 verbi diuini amussim & normam efforma-
 ta dogmata? Dij porrò talem terris auertite
 pestem, & plures id genus fruges nostra ne fe-
 rat tellus.

At vndenam nuperæ illæ clades & infortu-
 nium, rebus nostris antè tam feliciter & ad vo-
 tum fluentibus, ortum habuerint, forsan ex me
 percontaberis. Dicam tibi quod sentio, candi-
 dè, batauicè, & sine fuco.

Primò, intolerabilis nostra iniustitia, quam
 Orientalis societatis Directores in India per
 suos exercuere, Dominum cæli indubiè ad ira-
 cundiam & à nobis auersionem excitauit: cum
 nostrates, totâ passim Indiâ, & variis sub Regi-
 bus, Indos incautos fraudulentis in casses suos
 verbis pertraxere, ac suis eos dein facultatibus
 & mercibus exspoliauere. Dum, verbi gratiâ,
 anno mdcx. ductore Francisco Henricio Wit-
 tardo, Sinensibus centum maiorum regalium
 millia præserte pecuniâ exsoluimus, alia verò
 ducenta millia per cambiū Bantani recipienda
 promissimus. quos, cum Bantanum suam ex fide
 data pecuniâ recepturi venissent, primùm ver-
 bis

bis explosimus, dein violenter inde, nî perire
 vellent, recedere compulimus. imò (quod lon-
 ge magis impium) naues illorum inter nostras
 dum nauigarent, diripuimus, merſimus, & ve-
 ctiores omnes manus pedesque vinctos in al-
 tum deturbauimus. E qua impia & ſceleſta ma-
 chinatione plus centum argenti millionibus
 redactum eſt; vti ad oculum ipſas Directorum
 Orientalis ſocietatis rationes inſpicienti pate-
 bit. E quibus, annis MDCXVII. & proximo, na-
 uarcho & ductore Ioanne Theodericio Lam-
 mio, ſupra tres ducatorum milliones dire-
 ptos diſces. Quæ rapina innoxiiſ & inſontibus
 illata vlttricem Dei in caput noſtrum dextram
 armat, vindictam expoſcit, & Batauicum to-
 to terrarum orbe nomen merito exoſum &
 probroſum reddit. Prædatoria hæc negotiatio
 anno MDCX. primùm ortum habuit, quòd Dire-
 ctiores incredibili cum impenſa, ad ſui ſuorum-
 que tutelam, varias hinc inde conſtruere coacti
 ſunt arces, eiſque de præſidio militari proſpi-
 cere; quodque & aromatum in India pretium
 increſceret, hîc verò ob immenſam illorum co-
 piam decreſceret. Itaque Directores ſuis per In-
 diam ductoribus & nauarchis, obuioſquosque,
 nullo amici ſociiue & inimici cum diſcrimine,
 vt deprædarentur & exſpoliarent, præſcripſere.
 Hæc porrò rapina, iam quindecim annis cla-
 pliſ, adhuc in vſu eſt; nec finem inuenit. Vi-

deant hîc cordati nostri ciues, Bataui iuxtà atque alij, qui suas huic societati pecunias dedicarunt, quâ sibi monetâ à Directoribus persoluatur, direptis inquam & auectis miscellorum Indorum facultatibus. Hac enim technâ & arte nisi societas sibi consulisset, iam plus viciis foro cedere & dissolui debuisset. Atque hæc est causa, cur Directores rationes dare nolint, nec, si vellent, possint. Et esto immensum è rapina hac secutum sit compendiû, fors tamè capitalis parum abest quin deperierit. Hæc videlicet ordinaria furtorû & rapinarû est merces ac præmia, cum præsertim cædium & sanguinis humani illis accedit auctoramentû. sic enim ipsi falsis assignationibus circumuentos Sinenses facultatibus ac mercibus spoliauimus, & honesto amicitia & mercimoniorum velamine neci dedimus. Factum hinc, vt opulentissimi & pecuniosissimi quique Directorum societate paulatim exceßerint, priùs sibi scripto ita cauentes, satis vt prodant vereri se, ne, si rapina illa aliquando innotescat & palàm fiat, à plurimorum linguis vapulent. Verùm hæc eos cautio aut stipulatio ab iniquè raptorum restitutione veris rerum possessoribus facienda, non apud Deum, non apud homines excusabit: hæc enim nî fiat, nec ipsi, nec ipsorum heredes, in futuras generationes vniquam erunt securi.

Secundò, iniustitia nostra, quâ in Cæsarem
FERDI-

FERDINANDVM vñ sumus, dum Palatinus nostro suafu, auro, milite fultus, Bohemicum ſceptrum Imperatori extorſit, ſibiq̃ue præter ſis & æquum, nullo iure vel verſimili nixus, ſed manifeſta ambitione actus arrogauit; veniente præſertim in partem Ottomannica potentia, & impio Bethlino domini ſui interfectore, & iniquo dominiorum eius vſurpatore.

Nec hîc noſtra ſtetit iniquitas; ſed eſt longius progrefſa. Cæſari quippe vniuerſas hereditarias prouincias ſumus eripere conati, dum Hungariam, Morauiam, Luſatiam, Sileſiam, Auſtriam vltiorem & ceteriorem, & quidquid ad Imperij corpus vllatenus ſpectabat, aliis perduellibus, velut Orpheum Mœnadibus, diſcerpendum & dilaniandum dedimus. At, qui apertas id genus iniquitates exoſas habet Deus, Cæſarem aduerſariis diſſipatis, mirabili quodam modo tutatus eſt, ac non ſolum omnes illi prouincias & vrbes reddidit, ſed & ad longè quàm priùs habebat, maiore potentiam euexit; idq̃ue copiis tam exiguis, vt ad Cæſari auxiliandum Deum cæli concurriffe, & iuſtam eius cauſam & pietatem reſpexiſſe ſole meridiano clariùs appareat. Etenim fateamur neceſſe eſt, illuſtres has victorias, & hoſtium depreſſionem Imperatori ob affiduas ſolum preces, & inſignem in Deum fiduciam obtigiffe. Nam, humani iudicij pondere rem librando,

fieri proflus non posse videbatur, suorum vt aduersariorum manus Cæsar effugeret. At iuratissimus omnis iniustitiæ hostis Deus iniquorum consilia destruxit, & humanam nostram prudentiam confudit; itaque toti terrarum orbi impietatem nostram patefecit. Ad hæc Palatinum non tantum Imperio, sed & paterno Comitatu eiecit: adeò vt qui Imperatorẽ prius suo expellere satagebat, expulsus sit suo, & iam apud nostros, vt extorris & inops Princeps, publico ex ærario alatur. Idque non aliam ob causam, quam quia impias hæc machinationes nobis consultoribus infeliciter suscepit, & quia Mauritium Principem auunculum habuit. Etenim Gulielmus Princeps Orengeus, ducta in vxorẽ Religiosã, imò Abbatissa Deo votis obstricta, permultas ex ea filias, & in his ipsam Palatini huius matrem genuit.

Tertiò, iniustitia & ingratitudo nostra in communem patriæ Syndicum & Aduocatam, cuius prudenti cordatoque consilio, solerti sapientia, & auspiciis optatam nacti libertatem sumus, declarata. Cuius in morte duo potissimum considerata sunt. Primum. nos hac Aduocati occasione Hispaniarum Regi longè gratissimum maximumque obsequium præstitisse; quòd hanc ille facile auri millione redemisset: nullum enim eo reperiebat in omnibus suis conceptibus euertendis, artibus & astu eludendis,

potentia

potentia enervanda, moliminibus infringendis, suadendo consulendoque solertiolem & verutiolem; quique maiorem Regi noxam suis consiliis, quam omnes nostri exercitus coniuncti armis, intulit. Alterum, quod vnicum patrie nostrae Atlantem, libertatis nostrae vindicem & basin, vnicum rebus in afflictis consilium & solamen in eo amiserimus: cuius prudenti directione omnes, quae nobis impendebant militares seditiones impeditae & sublatae, & in omnibus necessitatibus numquam nobis defuit pecunia; &, quo agente, omnium totius Europae Regum ac Principum ita certo novimus arcana, ac si nostros in eorum conclavibus habuissemus amanuenses & scribas. Qui denique Anglicanum iugum, ceruicibus nostris Comitum Lecestrij temporibus imponi coeptum, solerti ingenio suo felicissime ab eisdem depulit, & pristinae nos libertati restituit. ut vnicus patrie nostrae baculus, magnes, anchora, & turbidis in rebus clauus extiterit. Non sanguinem eius, vindictam aduersum nos & ingratitude nostram clamare credis? quem nunc aliis animum, ad re & sanguine patriam tuendam, futurum putas, cum tam indignè, ne dicam sceleratè, beneficia & labores compensemus? quid alia de nobis regna sentire existimas, aut quid sibi ab ingratitude nostra expectent?

Quartò, iniustitia nostra, insigni mixta ingratitude, elucet in ea. quam in fratres nostros, quos Arminianos dicimus, ostendimus, inhumanitate ac barbarie. qui, si verè loqui velimus, vnà cum Aduocato in causa sunt, vt nos Gallus, Anglus, & nuper vitâ functus Mauritius sub iugū non miserit & vt seruos sibi subiecerit. Quamquā Mauritio agente, post Aduocati necem, & Arminianorum oppressionem, grauiore sub seruitute genuimus, quàm omnes Hispanorum subditi, qui maiore longè libertate gaudent, quàm nos sub illo gauisi sumus; quibusq; pristina sua priuilegia integriora steterūt, quàm nobis sub illo nostra. Oblupui, & non sine lacrymis vidi, cum per vniuersas nostras prouincias, Arminianos omnes, qui sanè singulis in ciuitatibus, optimi, ditissimi, & eminentissimi ciuium erant, omnibus magistratibus ac dignitatibus vno pariter tempore vidi deturbari, tamquam si Hispaniarum Regi palàm sacramentum dixissent; eorum verò in locum faciem vrbium, ne familiam suam quidem regere, & vxores ac filios curare gnaram, substitui. An non hoc tyrannidem sapit, & Hispanica Inquisitione est grauius? interim tamen vt iusti & placidi Bataui passim apud exteras haberi gentes volumus. Sed eò iam res deuenit, vt, qui hoc dicamur nomine, indigni censeamur.

Quintò, magis verò nostra se prodit iniustitia,

tia, cum carissimam matrem, patriam inquam nostram, opprimere ipsi & pessumdare incipimus, certissimo totalis libertatis amittendæ, & prouinciarum Anglorum tyrannidi subiiciendarum, periculo nos exponentes. Quod ut fiat, cum Anglo, per speciem necessariorum suppliciarum, pacti sumus, ut præter ordinarios, quos in prædiis habemus, & ad quatuordecim millia ascendunt, Anglos, alia viginti ac quinque peditum, ac sex equitum millia, illius ære apud nos alerentur; quorum in Geldria, Iuliacensi & Cliuensi agro, locisque vicinis statio foret, & quibus Rex ipse de suo stipendium persolveret. Ut vniuersim quadraginta & quinque Anglorum millia nostro in Belgio numerarentur. Quis hanc technam non intelligat? quis specioso hoc velamine libertatē nostram vendi ac proscribi non videat? an non hi, cum alubebit, nos oppriment, & iugum imponent? Non satis, quid Angli spectent, nos edocuit Lecestrius? itane præteritorum periculorum nos cepit obliuio?

Hoc in consilio & machinatione, euidentia perfidiæ, re dicam patriæ prodicionis, argumenta, eaque plurima, elucent.

Primum. istuc Achitopheles hi & patriæ proditores tendunt, ut Henricum Orengiæ nunc Principem Anglis subiiciant, potentia & auctoritate quam habet exuant, ac ceu puerum

M 5 illo-

illorum velut ferulæ subdant. Verentur scilicet illius potentiam, generositatē, illustria bello facinora, militum in ipsum propensionem, animum denique placidum, & his quæ rationis sunt accedentem. verentur adhæc, illo dominante, vt suam sibi in Romano-Catholicos & Arminianos sæuitiē & tyrannidem, vti factum hæcenus, exercere non liceat. Ideoque, sub necessarij subsidij prætextu, Anglorum Regem, ad eam quam dixi militū copiam, nostris in prouincijs alendam amplissima sponfione & fictis pollicitationibus præuijs, inducendū censuerunt. Aperiat, obsecro, Deus Principis oculos, & mentem suggerat, qua & inimicos supplantet, & nefarias eorum machinas subuertat.

Secundum. horum proditorum scopus est, Anglicanā iuuante potentiā & viribus, extorrem Palatinum in dominum & Principem assumere: putant enim hunc, sororij sui Angli viribus & milite roboratum, aduersus Hispanorum potentiam nos nostraque numquam non posse defendere. quod cum sub Henrico Principe vt fiat desperent, & contrā Palatino dominante, maiora compendia & emolumēta sperent, hoc quod dixi machinati sunt, quò per Anglicanum hoc fœdus maris imperium conferuent ac stabiliant, itaque omnium Regum sint domini, & sub precario illo Principe suam non impigre rem adaugeant.

Ter-

Tertium. ampla & speciosa ex Anglicano ærario sperant munera, eminentiores dignitates, Comitatus, Ducatus, & cum Anglorum magnatibus per nuptias affinitates. Huc ut pertingant, per nouas has militum copias viam sibi sternendam putarunt, ut sic pariter nos Britannicæ tyrannidi subiiciant. Cogitent hîc secum patriæ incolumitatis amatores, quò nos hæc tandem deductura sint, quò nostra abitura libertas, & quem libera nostra resp. ad statum redigenda. tum verò, quam non in Gallorum animis Anglicana potentia excitatura sit æmulationem. Auertat impia & scelestæ hæc molimina, aut saltem ea bene vertat, Deus.

Denique, iniustitiam nostram euidentissimè ostendimus in nautas & epibatas illos, qui Brasiliâ nuperrimè sunt reuersi, suoque opidum S. Saluatoris, & primarias validissimasque totâ Brasiliâ arces, sanguine, non sine omnium gentium stupore generosè subegerunt; sed à nobis, dum necessaria in tempore subsidia illis mittere negleximus, deserti sunt. Vnde factum, ut tandem inimico copiosa cum classe aduenienti, postquam aliquousque Hispanam vim & arma sustinuissent, honestis cum conditionibus occupata priùs loca reddere sint compulsi. Hos verò iam domum reuersos nos sanguinario & impio decreto, capitis damnamus, quasi si vtrò, & non compulsi, sed velut patriæ

patriæ proditores, Hispano arces & epida
cessissent. Quænam hoc nos docet Theologia?
nihil tale vniuersa Scriptura, aut Gentium lo-
quuntur historiæ. Duodetriginta mensium il-
lis debebatur stipendium, sed, quia ærarium ex-
haustum est, adeò id illis non numeramus, vt in-
nocuos etiam proditoris infimulemus. Vt ve-
rò nostram aliquò modo clemetiam testemur,
Occidua societas mensis vnus stipendium &
non amplius, illis qui mille quadringenti vni-
uersim sunt, vt numeret permittimus, sub capi-
tis verò poena, ne quid amplius eorum quis exi-
gat, interdicimus. Non pium, hoc est? quis vn-
quam tale quid tyrannus fecit? & hæc licet ita
se habeant, pij tamen & iusti haberi volumus.
Ne verò Præfectorum quispiam iustam suam
causam verbis tueatur, promeritam eorum
sententiam studio non proferimus sed premi-
mus. vt semper sibi metuentes taceant, nec pro-
teruè ius suum iactent. Et hanc tu Deo iniqui-
tatem inultam futuram putas? fieri sanè non
potest, vt, si modò aliquis sit Deus, hæc aliæ-
que huiusmodi iniustitiæ non tandem aliquan-
do dent poenas. Si verò nullum sit Numen (vt
quidem suâ Status nostri vitâ satis produnt) mi-
rum sanè non est, tale quid eos moliri. Et, vt
nullum in orbe sit Numen, ipsa certè natura ab
omni nos iniustitia auocaret, ac proximo doce-
ret præstare id, quod ab alio ipsi nobis fieri vo-
lumus.

Ap-

Apparet demum iniustitia nostra, in nupera illa viginti aut plurium navium Hispaniensibus mercibus, pecuniâ, & argento onustarum, (quarum pretium ad quatuor propè florenorum milliones ascendit) suasu & suggestione nostra facta ab Anglo inuasionem. Quas si inuassisset, Anglicana illa classis expediri, Gades petere, classem Americanam in mari expectare minimè potuisset, quòd illi emittendæ domi deesset pecunia. vnde & militi & nauicularijs redactò ex hisce manubijs auro potissimè satisfactum est.

Dices mihi, omni qua fieri potest, via & modo, fas esse cuiuslibet hostem suum atterere, & damnum ei creare. Sed heus, nequid nimis: terminos rationis excedis; neque enim sacris id litteris edocemur. Liceátne, ad inimici potentiam accidendam & debilitandam, alium ad sanguinaria & iniqua molimina instigare? Florebat inter Angliæ & Hispaniarum Reges, iam abhinc multis annis pacta & confirmata, pax: amborum quoque Legati hinc & inde in vrbe Regia stationem, in amicitiae tesseram habebant: habebant item Anglus Agentem suum Bruxellæ, & suum Infans Hispaniarum, Londini: Anglici denique mercatores indemnes in Hispaniam suis vt amici & socij, merces vehabant & vendebant. Et nos, tot annorum pacem societatemque nihil morati, sed Machiauellica qua-

quādam religione ducti, Anglis auctores fuimus
has vt naues sibi vindicarent. In quibus tamen
Galli mercatores millionis & amplius, vti &
nostrates alterius millionis se iacturam passos
occlamant: reliqua ad Brugeses, Antuerpien-
ses, Insulenses spectare pars dicitur. Inimici
merces vt impetantur ac diripiantur, non dis-
suadeo; sed vt verbis consilioūe Anglos in-
ducamus, vt suorum amicorum, tamquam ho-
stium, temere & promiscuē merces diripiant si-
biq̃ue arrogant, nec Turcarum quidem edoce-
bit Alcoranus, non Iudæorum Talmud, deni-
que vix quisquam cordatus credat.

Regeres ad hæc, necessitate sæpè hominem
ad ea quæ numquam cogitarat, aut facere de-
creuerat, adigi: & illam hoc in casu vsu venisse.
Etenim cū (vt incredibiles impensas, & pluri-
mos florenorum milliones in classē illam An-
glicanam pro ductos taceam) sine aliquo nota-
bili pecuniarum subsidio, ipsa portubus An-
glicanis excedere non posset, quò Afris, iuxta
fidem ipsis prius datam, Gaditanæ insulæ pos-
sessionem tribueret; ac simul, illā moras tra-
hente, euident esset periculum, ne commoda ad
aliā quam præterea conceperat expeditionem
peragendam præteriret oportunitas; denique
Deus opt. max. Angliæ ærarium exhaustum vi-
dens, plurimas in Anglicanos portus naues, pre-
tiosis plurimisque onustas mercibus inexpecta-
tò,

Statò, tamquam vnicam ad militi satisfaciendum rationem, submisisset; placuit hanc quodammodo cœlitus submissam sortem & felicitatem ambabus vlnis amplecti.

Egregia sanè & acuta ratio, quæ Deum inauditæ cuiusdam iniustitiæ auctore facit: qualis est haud dubiè, amicorum bona, ipsis etiam inuitis, violenter inuadere, quò iniqua aduersus alios amicos suscepta expeditio executioni possit mandari. Sic licebit quoque Statibus, quò magnam pecuniæ sibi vim parèt, omnium amicorum suorum naues & merces deprædari, quò sic Hispano Regi meliùs resistent: imò verò, omnium vasallorum suorum, ac præsertim Arminianorū & Romano-Catholicorum, facultates sibi arrogare, quibus & aduersus Hispanam potentiam sese tueantur, & Gommaristas locupletent. Verùm hoc & libris, & scriptis dictatisque omnium gentium legibus reclamationat, nec vt verisimile Batauo mihi persuaderi potest.

At dices, Anglos in suprema sua necessitate harum mercium diuenditarum pretio tantisper vt; sed eas veris dominis, persoluto etiã foenore, tandem restituturos. Est hæc Orientalis societatis Directorum techna & mos: qui tandem aliquando illorum quinque & sexaginta, & aliorum octoginta vasorum auri, tam anno **MDCXIX.** quàm **XXI.** vt & aliarum immensarum

farum pecuniarum, annis superioribus à caris nostris inquilinis, mutuo & ad depositum acceptarum, rationem reddituri, quin & usuram earumdem persolaturi sunt; cum tamen hactenus plenam nec sortis capitalis, nec usurarij quæstus rationem possessoribus nec de facto reddiderint, nec reddere velint, imò nec possint; quòd omnis illa auri vis aut in Directorum marsupia defluerit, aut in auras evanuerit. Ut verear, ut eosdem & Angli imitentur, & aliquot tandè post sæcula exteris iacturam passis rationem omnium reddant.

Verùm exactius & propius paulò quid hisce quinque proximis annis nobis evenerit, iam disquiramus. comperiemus enim, plurima nos amisisse, vix autem quidquam vicisse; cum tamen Hispaniarum Rex proximè elapsò quinquennio

Primò, pseudoBohemorum Regem ante Pragam, per ducem suum BVCQVOYVM, Bavaricis copijs corroboratum, fuderit, & vniuersum Bohemiæ regnum Cæsari restituerit; nec non Moraviam, & Hungariæ opida non pauca quæ iugum excusserant, suis sub Imperatoris potestatem armis denuò redegerit.

Secundò, per SPINOLAM in Palatinatu iuxta ac Iuliacensi, Cliuio, Montensi, Marciano, Ravensburgensi territorio plusquam nonaginta tam opida, quam arces interceperit, ac iuris

sui fecerit. Ac non solum externis hæc Principibus ac Statibus extorserit; verum etiam Penmutsiæ arcem, Iuliacum urbem, Monioniam, Bredam, (quæ loca insuperabilia ducebamus) nec non alia opida plurima, quæ nostris ipsi præsidii prædictis in prouincijs infusa habebamus & munieramus, nostræ potestati ac manibus violenter eripuerit.

Tertiò, per GONSAL. DE CORDVBA, cui TILLIVS auxilio venerat, duos potentes Protestantium Principum exercitus, rebus omnibus necessarijs instructissimos, quos Brunsvico-halberstadius & Durlacensis Marchio ducebant, in Palatinatu fuderit ac fugarit. Mansfeldium verò eiusdem GONSALVI ductu in Belgio propè deleuerit.

Quartò, Genuensium rempub. cui de præfidiarijs, armis, bellico commeatu vix prospectum erat, aduersus duos validos exercitus, Gallorum inquam Lesdiguerio Comestabili ductore, & Sabaudia Ducis, tutatus sit; expugnata ab illis opida & arces varias armis suis recuperarit, & alia econtrà non pauca, Sabaudici iuris quæ erant, inuasit.

Quintò, ab oppressis & sub Grisonum onere gementibus Vallis Tellinæ Catholicis rogatus, ipsos non modò illorum è manibus liberarit, sed & pristinae libertati restitutos, à ser-

N

uitu-

uitute, quæ plus Turcas quàm Christianos sapiebat, vindicari.

Nos verò, Primò quidem S. Saluatoris, in Brasilia, suis cum arcibus & propugnaculis oppidum improvisò inuasimus, & nemine impediante interceptum dispoliauius. Sed, cum triginta nauium classe illuc appulissimus, fœdè, & nonnisi mutuo acceptis nauibus inde excedere, & domum redire compulsi sumus.

Secundò, sex & triginta nauibus, & quinque militum ac nauiculariorum millibus *Porto rico* oppidum quidem diripuimus; arce verò nequidquam tentatâ, solâ prædâ contentos nos inde recedere oportuit.

Tertiò, eadem classe Minensem in Africa arcem inuadere tentauimus, sed septingentis nostrorum desideratis oppugnatione desistere coacti sumus; ac nauibus tribus & viginti, militum verò quatuor millibus supra ducentos amissis, exarmatos & laceros, & vix villo cum compendio reduces nos vidit Hollandia.

Quartò, tres quoque in Antuerpiensem urbem expeditiones mouimus; nullatenus eam iam manus euadere nostras posse (ea nimirum nostra erat potentia, machinæ & industria) totâ passim Hollandiâ, etiâ antequam solueremus, iactitantes: sed cœpta nostra cœlitus disturbauit Omnipotens, & gelu repentinum,

venit

ventos, & tempestates in aciem velut produ-
cens, pro aduersarijs pugnauit. vnde omnis
spes nostra, vt fumus in ventum euauit.

Quintò, omni nuper armorum impetu ac
potentiâ in Oldenseliâ opidum conuerso,
octidui spatio ipsum expugnauimus. Opidum
dico, pagum dixerim potius, quòd hostilem lo-
cus impetum nequeat sustinere, & SPINOLA
olim viribus ne ad quatuor ac viginti quidem
horas potuerit resistere. vnde etiam eius valla
& mœnia solo æquauimus, quòd hostili impu-
gnationi ferendæ eadem non sufficerent. Ma-
ius quid, fateor, spectaueramus, nostrasque ad-
dictis à Dano Rege copijs turmas iungere: sed
cùm, quatuor Danorû legionibus, & aliquot e-
quitum millibus, quos nobis in occursum emi-
serat, antè, quàm nostris iungerentur, à TILLIO
ad internecionem deletis, spes illa concidisset;
aliò mentem, ne nihil egisse videremur, con-
uertere oportuit. Itaque septimus ex omnium
conductarum domorum, & quintus ex agro-
rum pretio redactus nummus, quem nostri no-
bis ciues tam gratanter erogarunt, dum illu-
strem aliquam illis spondemus victoriam, in
Oldenselianis fossis sepultus iacet & disperijt.

Sextò, iam abhinc diebus aliquot tria na-
uium millia instruximus. His primò Ganden-
sium propugnaculum mari imminens (*Saxeam*

vocant,) deinde aliud in alia Flandriæ ora tenueratis (cui nomen *Kieldrecht*) tentauimus; ut hac via patefacta, bina equitum & plurima pedatum millia, in terram exposita, primò vniuersum agrum Wasianum, & exin Hulstium occuparent. Sed cum ventus, primùm propitius & fauens, post redditus esset aduersus, ne sexto quidem post die ad oram hostilem appellere valuimus. & tandem, post equos plurimos in nauibus præ æstu extinctos appulsi, reiecti ab hoste sumus, & multiplicem commeatus & instrumentorum bellicorum iacturam passi (ut omittam, duos in hanc expeditionem absumptos florenorum milliones,) & tandem irrita re fracti ac debilitati, sempiterna cum Batauici nominis infamia, vela colligere, & domum renavigare compulsi. Probrum inde augetur, quòd antè paulò, thrasonica quadam præsumptione, Galliâ & Angliâ totâ sparsissemus, trimestri nos spatio Brabantiam ac Flandriam vniuersam nostram sub potestatem redacturos. Sed superbiam nostram deiecit Deus tum, cum ad elata hæc molimina exequenda necessarium nobis eripuit ventum.

Adeò ut ne terræ quidem glebam toto illo quinquennio Regi abstulerimus, plurima verò amiserimus; ac potissimùm in Breda, quam inexpugnabilem putabamus. idque eò magis,
quòd

quòd plurimo duorum Christianorum Regum
(vt alios Principes & Respublicas omittam) au-
ro & milite foueremur. Vt Hispanum in vna
Breda Reges duos, plures Principes & Respu-
blicas, & in Mauritio vniuersam Hollandiam
expugnasse, dicere iure queas. Ad infamiam
accedit, quòd, inspectantibus, & tantam Re-
gum & Principum manum sub signis habenti-
bus nobis, hostilibus verò castris per dena cir-
cumsecus milliaria diffusis, & minore quàm nos
habebamus, milite communitis, eam tandem,
ringamur licèt inuidiâ, subegerit.

Pluribus quidem tecum hîc agerem; sed lon-
gas Regibus esse manus, tenacem memoriam,
& acutas secures, non nescio. quare, cùm hæc in
præsens dicta sufficiant, finio. neque enim mor-
bidum corpus expedit nimis medicamentis ob-
ruere; sed paulatim, ex Physicorum mente, fit
motus, eoquæ diuturnior. Paucula medicamen-
ta, cùm tempestiuè ea dantur, ægrum recre-
ant; plurima, Galenò & Hippocrate testibus,
enecant. Hæc ergo fidelis expositio ac sincera
monitio mea si quem locum inueniat, diutur-
nam Reipublicæ nostræ salutem fore, ac ma-
gnam exinde prosperitatem successuram au-
guro.

Quid Buckinghamiæ Dux moliatur, quò col-
limet, liquidò videbis, si eius opera, intenta,

scopum perrimeris, & miram eius cum Palatino, illustre aliquod suorum connubium (intelligenti, pauca satis.) per eum sperantis, convenientiam, & occultam aduersus Principem & ductorem nostrum Henricum Nassouium, ac dulcem patriæ nostræ libertatem conspirationem & molimina perspicias.

Te itaque, Illustrissime Oregiæ Princeps Henrice, compello. Quid agas, quò te vertas, quos in sinu tuo & domi dracunculos & aspidas foueas, perpende; quorum venenatæ technæ, virulentæ linguæ & calami, amicorum tuorum principem Aduocatum securi subiecere. Feralem Excellentissimi Marchionis Hamiltonij mortem, nec non inexpectatum Iacobī I. Magnæ Britanniæ Regis interitum, accuratius tecum expende. Aliena hæc exempla cautum te faciant. Satiùs longè est, cautum te faciant exempla maiorum, quàm te exemplum habeant posterī. Et felicitatis pars non minima est, aliena nos ex infelicitate & casu sapientiam discere, circumspēctiores fieri, & infortunia declinare: ingens contrā calamitas & infortunium est, nostrā vt calamitate alius cautior & fortunatior euadat. Quibus fidās, & quorum manibus fortunatum æquè atque infortunatum exitum tuum concedas, circumspice. Falli semel, humanum est; secundò verò decipi, stoliditas.

ditatem redolet, & in Principe vix ignoscendum. In sanguinem & cædes instigare te nolo, sed vt prudenter tibi caueas volo. Memento, quæso, omnem potentiam, maximè in bellis civilibus, multis esse obseptam laboribus, ac difficultatibus variis obnoxiam. Vide, ne à nimio externo milite, sub necessariarum suppetiarum velamine, circumuentus vmquam opprimaris, & tuam seriùs imprudentiam damnes. Vicini Reges tamdiu suis sunt contenti, quamdiu vicino præualere nequeunt; at, semel vbi præualuerint, rationes illis non deerunt, ad regna & prouincias quascumque sibi percommodas, in potentia & domini accrementum, inuadendas: etenim sexcentæ semper ad hoc eis suppetunt rationes, quas scriniis suis occlusas tenent. Præterea nota illa intestinorum bellorum incertitudo, rebellium subditorum mutatio, eorumque qui semel legitimorum dominorum iugum suis à ceruicibus excussere, in patientia identidem tibi ante oculos versetur. In bellis enim civilibus impudentissimum & audacissimum quemque semper nemo non sequitur: huic audacia armorum est loco, impudentia vallorum. qui primùm suos impetere riuales apud socios audet, is vt plurimùm victor. Temporis adhuc perpende incertitudinem, omnium hactenus rebellium diffidentiam & incertitudinem,

dinem, utque illis magnitudo & potentia om-
 nis suspecta sit, & in omni rebellione ipsa sem-
 per placeat novitas; denique ipsam omnis rebel-
 lium coalitionis & congregationis certitudi-
 nem in continua versari mutatione, quam ho-
 mines inquieti & pacis optatæ perturbatores,
 speratæ suæ prosperitatis & boni successus in-
 tuitu, assidue urgent & machinantur. Quisquis
 veteres evolvit historias, id in nullo non bello
 civili locum videbit habuisse. adeo ut in eo nul-
 lus sibi, aut ob potentiam, aut ob ampliores di-
 gnitates plus aliis possit polliceri: minimus
 quisque maximo par esse & dignitate æquari
 vult; nemo cedere maiori. etenim ubi semel le-
 gitimo ac nativo Principe suo repudiato, liber-
 tatem sibi, velut tunicam induere, nullum am-
 pliùs volunt dominum agnoscere, nullum ferre
 caput; suam cuique invident prærogativam,
 quamdamque in omnibus amant paritatem,
 in qua demum suæ fructum libertatis situm ar-
 bitrantur. Et quamquam aliquod subinde ca-
 put & superiorem agnoscant, id tamen nequit
 esse diuturnum. Considera & tecum pondera,
 quam frater tuus frequenter indigna ab Am-
 sterdamensibus sit passus, numquam quid
 quod ipsis displiceret, aggredi ausus; quomodo
 ipsis perpetuò eum obsequi, morem gerere,
 omnibusque ipsorum postulatis annuere oport-
 tuerit.

tuerit. Prudenter id & quàm consultissimè ab ipso factum, vtpote non ignotanti, omnem in populari gubernatione coryphæum ac principem à filo, id est ab impudenti perduellis aliquius ac sicarij audacia, dependere. Quod satis nimis quàm durum & intolerabile est ei, qui naturâ Princeps est, ac nil nisi Principe & heroe dignum animo voluit.

Popularis ergo imperij incertitudinem & inconstantiam pluribus tibi nolo exponere; quòd ea satis superque tibi nota sit. Prudentiam tibi det Deus, qua inimicos & amicos internosse valeas. Sed quamdiu amicos tuos, per Galliam, Germaniam, Brabantiam extorres & profugos errare patieris? hæccine perpetua futura, dissimulatio est? & illiste fidere, quos etsi quotidie ante oculos habeas, maiore tamen & magis Vatiniano odio te prosequuntur & invidia, quàm omnes quos Hispania habet ciues & Proceres? Innata certè tibi est quædam de omnibus Hispanorum amicis ac fautoribus diffidentia: at plus diffidas oportet iis, qui sub specioso zelandæ patriæ libertatis prætextu, tuum & verorum amicorū tuorum, interitum, malum ac ruinam. & quæsierunt hætenus, & etiamnum quærunt. Simulatio sæpè præsertim Principibus, necessaria est; at ea, cùm æquo diuturnior est, pares Hameltonio exitus causatur.

Pluribus Principe dignis virtutibuste Deus & natura beavit : unde veros & fidos à fictis ac vulpinis amicis dinoscere ut queas , tibi opto ; nec non effusam ac munificam in omnes tibi ex animo benevolos & addictos mentem , & manum largam . Tenaces animi suo , dum opus est , defensore destituuntur ; & clausæ manus amicos sibi non comparant : prodigæ generosum produnt animum , suæque in necessitate sinceris & magnos amicos inveniunt . Finem igitur facio , felicia tibi omnia ex animo precatus , fidumque & minimè fucatum obsequium meum tibi addicens . noui enim , te inter omnes qui tibi & à mensa & cōsilio sunt , hoc scriptore obsequentio rem famulum reperturum neminem , qui in omnibus quæcumq; tui obsequij & commodi futura sunt , nulli vel minimum est concessurus .

F I N I S .

